

659*

53464/A

F. XIV. 8

18

24

350. ZELST THEODORUS VAN. Libellus singularis d'ea
lore colico, scorbutico simili, pictonico aemulo dell' epoca
subito in podagram mutato, victo et curato
Waesbergios 1738. In 8 pic. per
337. VASAR
chitetti.
fano. N

LIBELLUS SINGULARIS,
 DE
 PODAGRA,
 ET
 DOLORE COLICO,
 SCORBUTICO SIMILI,
 PICTONICO ÆMULO,

Per sex Annos durante, subitò in Podagrami
 mutato,
 Victo, & Curato.

AUCTORE
 THEODORO VAN ZELST, M. D.
 & Practico Amstelædamensi.



AMSTELÆDAMI
 Apud JANSSONIO-WAESBERGIOS.
 MDCCXXVIII.



Viris Clarissimis, Eruditissimis;

COLLEGII MEDICI

Amstelædamensis Inspectoribus,

D. D. DANIELI VAN BUREN,
Inspectorum Præsidi, ac Decano, Nosocomii Medico, ac Poliandro.

D. D. GUILIELMO RÖELL,
Professori Anatomico dexterrimo, Societatis Indiæ Orientalis Medico.

D. D. SAMUELI SEULLYN,
Collegii Architalassici Medico.

D. D. JOHANNI HANEDOES,
à Justitia Medico.

Nec non

Viris vita integris, ac probitate conspicuis

HIERONIMO DE	{	<i>Pharmacopæis peritissimis.</i>
BOSCH,		
JOANNI VANDE		
POLL,		

*Cordatis rerum Medicarum Ruspatoribus
sedulis, ratione, & experientia
Magnis.*

*Hoc quaecumque D. D. G.
Auctor.*

DEDICATIO.

VIRI CLARISSIMI, ERU-
DITISSIMI,

Nec non

Viri vita integri, ac probitate
conspicui.



U M per longam anno-
rum seriem, sinceram,
ac infucatam amicitiam
colere licuit cum D.D.
Henrico van Bronkhorst, Medici-
næ Doctore, ac Practico apud Am-
stelædamenses, ut felicissimo, ita
celeberrimo, Viro excelso inge-
nio, eruditione, ac peritia excel-
lente; cum ipso per plurimos an-
nos literarium commercium co-
lui de rebus, quæ Praxin Medicam
concernebant, & illi sæpius in
casibus obscuris ac arduis, à con-
siliis præfui.

Sed

DEDICATIO.

Sed cum Reipublicæ Amstelæ-
damensis cura ipsi semper cordi
fuit, me sæpius incitavit, ut Pra-
xin Medicam ibidem loci exerce-
rem, quam modò, tam Leidæ,
quam Beverowici, per triginta quin-
que annos excolueram. Ejus itaque
persuasu, hanc in urbem tam Pro-
cerum, quam civium opibus & di-
vitiis scatentem, me ad Praxin Me-
dicam exercendam contuli.

Præterea non parùm allicuit
civium, ac Procerum modesta con-
suetudo, atque alacritas, qua tam
Incolas, quàm Exteros excipere so-
lent, & magis magisque ardo-
rem ad studia Medica incitavit. At
ne plane hospes peregrinus inter
incolas sim, constitui publici ju-
ris facere Libellum, mole quidem
parvum, sed materia, in qua diu
sudarunt perspicacissima Lumina,
magnum.

DEDICATIO.

Cui enim non innotescit, quod ingentia Observationum Volumina, de hac Materia, aliisque Morbis chronicis conscripta, publici juris existent; ex quibus parum, aut nihil proficimus, vel ab Experientia rectè facienda, vel ex eorum mentis abstractionibus, quibus putarunt sensuum ductum fallacissimum, rerumque particularium infinitum, ac sine exitu numerum; quod falsum esse, quotidie observamus, cum videmus accessiones bonarum artium non nisi sensibus, & experientiæ debere.

Quis non videt, quam multa sint, quæ casu docti sumus? nam majorem remediorum partem ita inventam scimus, aliaque plura selectiora. Quod si tantum potest casus, quid est, cur id sensibus ordinatè progredientibus negemus? qui, quam-

DEDICATIO.

vis interdum errent, errores tamen suos, & indicant & corrigunt.

Nam hi ipsi diuturnam Morborum explorationem, ad veritatis culmen perductam, & tanquam naturæ consonam, ad majora promoverunt.

Nonne hoc luce clarius elucescit, in usurpato Colici scorbutico similis nomine, apud Auctores notato? Quid enim hic morbus aliter est? quam Podagra, sive hæreditaria, aut adventitia, quæ ob labefactatam humorum coctionem, & spirituum inopiam, per propria sua emunctoria, ad corporis peripheriam deferri nequit, ubi ejus sedes est, sed non in partibus membranaceis mesenterii, peritonæi, aliisque, pro dolore colico scorbutico habitis; at plurimi Medici hoc malum in intestinis quæsierunt,

DEDICATIO.

ubi non erat; undè tot horrenda ,
& inexpectata symptomata, cum
motibus spasmodicis, ac Paralyfi
spuria totius corporis, excepto
capite.

Hinc tot enemata, purgantia
diversa, fomenta, narcotica, venæ
sectiones, aliaque quam plurima in-
cassum adhibita sunt, ad hosce enor-
mes dolores leniendos, at hisce
remediis non cedunt, & fortioribus
irritantur.

Et quia hæc materia Podagrica,
per plurimos annos latitare potest,
ut tales tragædias exercere queat,
ac instar PROTHEI, in varia sym-
ptomata variari possit, prout cor-
porum diversitates sese offerunt,
& labefactata humorum conco-
ctio matura, aut immatura est,
quo citiùs, aut tardius, in actum
deducitur, & materia peccans talia
pro-

DEDICATIO.

producit symptomata, pro materiæ peccantis quantitate, aut qualitate, ac corporum diversitate ; tum in Colicos scorbuticos , tum in diuturnos abdominis dolores , tum in Podagricos retrocessos , aliosque transit.

Non mirum igitur, quod quotidie in Praxi observamus, quod dolores Colici, facile in Arthriticos, Podagricos, ac Paralyfin, degenerare possint ; & è contra, Arthritis, Podagra , Paralyfis, in dolorem Colicum mutantur , ut unanimi consensu testantur Auctores.

Interim viri spectatissimi , vobis offerimus hunc Libellum de Podagra, & dolore COLICO Scorbutico Simili, PICTONICO Æmulo. Sereno vultu ut eum recipiatis unicum est, quod rogo, quæsoque. Quo fretus favore confido, hanc meam

DEDICATIO.

gratitudinis tesseram, æqua mente
iri susceptam, qua ulteriori Vestro
favori me commendo, ut sint
erga Vos meæ observantiæ mō-
numenta, quibus, quam diu vixero,
gloriarī, ac testari mihi liceat.

Interim D. T. O. Maximus, vos
omnes, & singulos diutissime servet
incolumes, ac felices, quod optat
animitus

Vestris Nominibus addictissimus

⁊

observantissimus

THEODORUS VAN ZELST.

M. D.

PODAGRA,

Et Dolore COLICO, Scorbutico

Simili,

PICTONICO æmulo,

Per sex annos durante, subitò in
Podagram mutato.



PR O tertio Doctore, in Con-
siliū vocatus die 16 Juny
1737. cum D. D. P. & D. D.
G. in ædibus D. J. K. ad
virginem honestissimam, vi-
ginti septem circiter annorum, filiam D J.
K. Mercatoris Amstelædamensis celebris,
temperamenti biliosi scorbutici, quæ
per sex integros annos dolore Colico
Scorbutico cum cruciatu, & dolore in-
tolerabili luctata fuerat.

Nunc totum Mesenterium, nunc pe-
ripheriam Corporis obsidebat, quandoque
de uno in alium locum mutabatur; unde
nimia passim vi, & copia consumpsit,
expulsiſſique, quicquid roris subtilissimi
aderat succi nutritii, quicquid humo-
rum spirituosisioris, humidioris, nobilio-
risve, unde exsiccata nimis atque cale-
fa-

12 DE PODAGRA, ET COLICA

facta remanserunt reliqua, cum doloribus rheumaticis, nec non contractionibus spasmodicis, usque in sphincterem ani, & vesicæ, imo ad extremos pedes exporrectis, pulsu debili existente, celeri, & inæquali, cum urina instar picis liquidæ atra, consistentiam bilis ac olei Lini cocti referente, nonnunquam turbida, & varia, alvo adstricta.

Quo quidem à dolore, per varia tunc temporis adhibita remedia per D. D. G. per aliquot dierum spatia liberata est, sed brevi temporis spatio, dolores demum reduplicabantur. Undè Nervosum genus universum, partiumque Membranacearum, & tendinosarum structura, motu tremulo & spasmodico, quasi contracta sunt, cum vigiliis, deliriis, symptomatibusque horrendis, & inexpectatis, lipothymia frequenti, appetitu prostrato ac nausea perpetua. Ructus, vomitus porraceæ & æruginosæ bilis, singultus, miseram ægram fatigabant, cum siti in exhausta, & stranguria molesta; cum acutissimo dolore ventriculi, intestinorum, lumborum, ilium & inguinum, dilacerabatur ægra; cum paralyfi spuria, atque scorbutica, utriusque brachii, manuum & digitorum motum impediante, ut eos neque flectere, neque extendere poterat,

fal-

salvo tamen sensu, valdè emaciata, ac viribus planè enervata erat.

Interim rogavi prædictos D. D. ut casum hujus morbi proponerent, & quibus medicamentis ægram tractaverint, quoque regimine diætæ.

Hi D. D. (salva tamen cum venia, & auctoritate) acriter tenebant, Colicam esse Pictonum, cum Paralyfi utriusque brachii manuum & digitorum. Sed ego Scorbuticam affirmabam, Pictonum similem, cum Paralyfi spuria Scorbutica, utriusque brachii, manuum & digitorum motum impediante; ab acerbissimis doloribus, nervosum genus afficientibus, debili sanguinis constitutione, ac vigore suppressio, à nimio clysterum, purgantium, venæ sectionum & narcoticorum usu; cum appetitu prostrato, vomitu, ac nausea continua, & doloribus acerbissimis, à longo tempore tam diu iteratis, ac partium balsamicarum sanguinis depauperatione; unde bile indies magis magisque accensa, & acriori facta, dolores quotidie fiebant acriores, ac intolerabiles, cum motu tremulo atque spasmodico totius corporis, usque in vesicam, & sphincterem ani, undè alvus semper constipata, ut neque fæces, neque urinas, exonerare potuerit, nisi ope clysterum,

&

14 DE PODAGRA, ET COLICA
& purgantium usu; neque dolores unquam mitigari potuerunt, nisi venæ sectionum & narcoticorum applicatione.

Nam bilis per venas intestinorum, eorumque tunicas & plicas in nervosum genus effusa, dolores acerrimos excitare potest, qui diuturni & contumaces esse solent; quia difficillimo negotio à partibus nervosis, ac membranaceis potest avelli.

Tunc prædicti D. D. meum implorabant consilium, atque auxilium, quid hac in re tam ardua esset agendum; quapropter proponebam aliquod specificum, quod sæpè, ac sæpius, tam in Colica scorbutica, arthritica, biliosa, quam in ipsa Podagra retrocessa, summo cum successu applicare licuit.

Hi autem prædicti D. D. rogabant, quale Medicamentum hoc esset; dixi quod esset Tinctura Mineræ Mart. Nativæ, singulari modo præparata, quam mox præscripseram, sequenti modo

Rx. Aqu. Antiscorb. Amstelæd. ℥x.

— Antiscorb. Syd. ℥ij.

Tinct. Min. Mart. Nat. ℥iij.

Syr. Cich. c. Rh. ℥i℥. M.

*De hac mixt. singulis biboriis assumpsit agra
ad ℥ij.*

Secundum autem Consilium quod habuimus 17 die Junii erat, tunc ægra ab usu præcedentis mixturæ bis alvum deposuit, cum excrementis atris liquidis.

Urina crassa, biliosa, oleosa, atra, instar olei lini cocti consistentiam referens, quæ prima die, sive in primo consilio apparuit; jam in secundo consilio in flavum colorem mutata erat, sed turbida, cum cessatione omnium dolorum tam internorum, quam externorum, absque ullo motu tremulo aut spasmodico.

Quæ omnia tam horrenda, & inexpectata symptomata, viginti horarum spatium evanuerunt, & ab illo tempore, in hunc usque diem, nunquam, quod scio, aliud hac de re symptoma experta est.

Qua propter prædicti D. D. valdè mirati, rogabant, ubinam tam citò bilis atra manserit, quæ ægram fere per totum morbi cursum tam acriter vexaverat, quamque in illo tempore per urinas evacuaverat? quod hæc jam tam subitò in flavum colorem mutatæ sint, cum cessatione omnium dolorum.

Et ego, ubi tam citò motus tremuli atque spasmodici, ubi tam citò dolores, cum alvo adstricta, aliaque symptomata horrenda, & inexpectata?

Cum nunquam antehac, nisi clysterum,

16 DE PODAGRA, ET COLICA

rum , ac purgantium ope , alvum poterat subducere , nisi altero die demum magis esset constipata , cum prædictis symptomatibus horrendis , sed gravioribus , quæ (more solito) redibant.

Ergo Consilium *tertium* deferretur in alterum diem sc. 18 diem Junii , & ægra usum hujus Mixt. Antiscorb. præcedenti modo continuavit , quando altero die in consilio vidimus , quod ægra in multò meliori statu sese habebat ; cum cessatione omnium dolorum , ac tanta evacuatione bilis copiæ , ut urina non amplius esset bile tincta , cum pulsu meliori , æqualiori , & omnium planè symptomatum remissione.

Sed quid fit ? conqueritur ægra , quod aliqualem dolorem in pede dextro sentiret , qui dolores per totam pedis dextri partem dispergebantur.

Quapropter non sine ratione concludebam , quod dolores Colici , cum quibus jam per sex annorum seriem , tam miserè nostra luctata fuerat ægra , tam subitò in dolores PODAGRICOS essent mutati , quod sæpè fit , & iteratis vicibus expertus sum , in diversis casibus ; sed quod dolores per partem totam pedis dextri essent dispersi , non mirum.

Nam ulterius sese extendere non poterat.

terant, propter labefactatam humorum indigestionem, ac spirituum inopiam, & doloribus acerbissimis tam diu iteratis, ac partium balsamicarum depauperatione facta; cum propter debilem corporis dispositionem, tales dolores **PODAGRICI**, ad propria sua emunctoria sese exonerare non poterant, ubi necessario debuissent amandari. O **DIVA PODAGRA!** plurimorum morborum **Chronicorum** tuta curatrix.

Sed quam gratum hoc fuit, tales dolores observare, judicandum relinquo illis, qui hunc morbum diligenti observatione sæpius tractaverint.

Sed quid fit? prædixi **D. D.** qui mecum in Consilium aderant, quod morbus, cum quo tam diu luctata nostra fuerat ægra, in alium morbum esset degeneraturus, scilicet in **PODAGRAM**.

Quid autem fit? hi **D. D.** irridebant me lenem, ac si stultescerem, quod talia, incondita verba proferre valerem, ac cachinnis exposuerunt eum; forsitan? illis nunquam talia in Praxi reperire licitum fuit, aut si contigerit, (quod non dubito, sæpius contigisse, ob frequentissimam praxin, quam hac

B in

18 DE PODAGRA, ET COLICA
in civitate prægrandi exercent), neglexe-
runt.

Nam mihi relatum est, quod dolori-
bus arthriticis, five podagricis, sæpius
fuerit obnoxia; sicque quotidie, five per
fomenta, empl. aut innunctiones exter-
nas, cum aq. Antiparalytica, & ol. Kin-
kinimalo, five clysterum, aut purgan-
tium usu, materiam morbificam, à Peri-
pheria ad centrum corporis quotidie de-
duxerunt; undè dolores in corporis Pe-
ripheria, quidem mitigati; sed iterum
ad centrum corporis deducti, planè in-
tolerabiles facti sunt.

Indè quotidie, tam horrenda sympto-
mata, irregularia, & inexpectata, cum
motu tremulo, atque spasmodico, usque
in sphincterem ani, & vesicæ exporrecta,
cum vomitu continuo & propensione ad
diarhæam.

Sed dico, & affirmo, quod tales do-
lores non alii sint, quam podagrici, &
hic morbus non alius sit, nisi PODA-
GRA, quæ propter humorum indigestio-
nem, & spirituum inopiam, ulterius sese
extendere non potuit; & non aliam agno-
scunt causam proximam, tam in partibus,
quam in succis corporis universis, quàm
labefactatam concoctionem.

Nam

Nam spiritus animales, qui præcipua coctionis instrumenta sunt, per totum corpus deficiunt, immodico calore, & spiritibus consumtis, unde corpus flaccescit, & coctiones non amplius rectè promouentur, ac ingens humorum colluvies sanguinem opprimit, ac viscera suffocat, donec tandem calorem putrescentem acquirit, prout ansa ejusmodi humoribus in motum ciendis data fuerit, & pro subjectorum, & humorum diversitate, varios chronicos producit morbos, uti nostra in ægra *Podagram*.

Sed mecum observate quæso, quod talis materiæ podagricæ sedes, non sit, nec esse debeat in ventriculo, aut intestinorum circumferentia, sed in corporis Peripheria, scilicet in manibus, pedibus, brachiorum articulis, genibus, aliisque corporis partibus.

Et quia in præcedentibus dixi, quàm facilè ista materia peccans podagrica in colicam mutari possit, & è contra dolor Colicus in Podagram, aliosque morbos chronicos; tam facilè ista materia peccans, ad Peripheriam corporis potest deduci, quod in sequentibus clarissime patebit.

Sed oblivisci non possum, quod D. D.

20 DE PODAGRA, ET COLICA

merisui, & cachinnis exposuerint: quapropter illis respondebam, ne me irrideatis, aut cachinnis exponatis, sed expectate, & videbitis, quid dies diem de Podagra docturus sit. Hinc ego proposui, ut à medicamentorum usu pro tempore abstinereamus, quia medicatio podagræ magis opus naturæ, quam artis est; libenter hac in re concesserunt, ergo Consilium 4. deferatur *ad 19 diem Junii*, quando dolores in pede dextro valdè exacerbatî erant, per totum pedem, neque dolor pedis extremitates attingere patiebatur, propter humorum indigestionem, & spirituum inopiam.

Interim ægra bene sese habebat, edebat, & utebatur vino antiquo generoso Rhenano, unde sanguis, & viscera majorem acceperunt vigorem, ut dolor podagricus, in extremitates pedis dextri magis magisque posset deferri.

Sicque corpus sanum constitutum est, nisi quod dolor in extremitate pedis quam maxime urgebat; Quapropter cum clarissimo Sydenhamio concludebam, *quod dolor in Podagricis amarissimum esset pharmacum*, & tuta curatrix plurimorum morborum.

20. autem die Junii, in quinto Consilio

filio, quod habuimus, hi D. D. viderunt podagram extremitates pedis dextri occupantem, cum corpore sano. Et quia spectatorem hac in re potius agere conveniebat, quam debilem ægram medicamentis ulterius vexare; quapropter hi D. D. acriter urgebant ægram valedicere, & meæ solæ curæ committere, quod renuebam, nam valdè urgebam, ut finem respicerent.

Quapropter Consilium defertur ad 23 diem Junii, quando ægram in tali statu sanitatis viderunt constitutam, ambulantem per cameram, sed propter dolores Podagricos claudicantem, & cum sederet in sella, brachia tollebat supra caput, quod plurimorum annorum spatio paragere non potuerat; sed manus adhuc permanebant contractæ, salvo tamen cum sensu.

Tum deliberatum est, quid esset agendum in hac re tam ardua, ut manuum pristini motus recuperarentur; & quia prædicti D. D. adhuc acriter tenebant, quod membra essent paralytica, sed non contracta, quapropter iterum ad inunctiones, cum Aq. Antiparalytica, & oleo Kinkinnimalo confugere vellent, quod modò sæpius sine successu probarunt; undè dolores iterum à Peripheria ad Centrum cor-

22 DE PODAGRĀ, ET COLICĀ
poris deducti, illos atrocissimos excitabant; ac humores multò acriores redditi sunt, ut ægram in summum vitæ periculum conjicerent.

Ergò acriter tenebam, quod membra non essent Paralytica, sed Contracta, propter rationes in præcedentibus allegatas, & propter motum, & sensum, ac dolores, quos continuò in manibus sentire licuit.

Quapropter proponebam pulverem fumalem sequentem

℞. *G. Carannæ.*

Myrrbæ.

Masticb.

Olibani. aa. ʒij.

ʒ. ros. rubr.

Lavend. aa. Mʒ. M.

ac rejeci spirituosa, quia sæpius sine successu probata fuerant.

De hoc pulvere, bis de die, singulis vicibus à ʒj. ad ʒij. super carbonibus projiciebatur, ac fumus linteis susceptus recipiebatur, ut manus & articuli digitorum, ac juncturæ fricarentur, sic nostra ægra, motu per vigiliam diu amisso, in tantum restituta est, ut ambulare, manus atque digitos movere, sola edere,
bi-

bibere, aliaque naturalia agere posset, quapropter hi D. D. acriter urgebant ægram valedicere, at ego valde illos persuadebam, ut finem respicerent.

Ergo Consilium defertur ad 27 diem Junii, tunc ægram viderunt in tali statu sanitatis constitutam, ut omnia munia naturalia peragere posset; ita ut spatio undecim dierum (nisi Podagra, & virium debilitas obfuisset) pristinae sanitati fuisset restituta.

Interim statuto tempore D. D. P. solus appropinquavit; ac ægram meæ solæ curæ commisit, ac valedixit.

Et quia humorum languescientia, ac spirituum inopia, defatigatam ægram tam debilem reddidit, sequi mixturam præscripti, de qua singulis bihoriis assumpsit ad ℥ij.

Rx. Aqu. Antiscorb. Amst. ℥x.

— *Antiscorb. Syd. ℥ij.*

Tinct. Min. Mart. Nativ. ℥iij.

Syr. Cich. c. Rb. ℥ij. M.

Undè altero die bis alvum deposuit, cum excrementis atris liquidis, ingenti humorum colluvie repletis, cum cessatione omnium dolorum.

Interim usum hujus mixt. continua-

24 DE PODAGRA, ET COLICA

vit, inde tanta bilis, ac saburræ copia sefe evacuavit, unde sanguis, & viscera, quæ quasi suffocata videbantur, novum acceperunt vigorem, ac labefactata ventriculi concoctio brevi temporis spatio evanuit; ita ut cibos omnes, etsi concoctu difficillimos, jam facile ferre potuerit.

Pro potu autem ordinario utebatur cerevisia tenui benè defæcata, & bis de die, cerevisia Brunswicensi ad ℥iij recenti; unde corpus brevi temporis spatio, mirum in modum invigoratum est; ita, ut spatio viginti duo dierum in integrum fuerit restituta; & Leidam, Hagam Comitum, aliosque locos petiit, ad visitandos amicos, & bene constituta ad proprios rediit Larcs.

Et quia manuum juncturæ adhuc erant debiles, quæ manuali opera agitari, flecti, & extendi debuerant, curavi, ut linteis scabris, super carbonibus, cum pulv. fumali præcedenti fumo imbutis, bis de die juncturæ fricarentur.

Sic motum per vigiliam diu amissum, manus iterum recuperarunt; ut omnia agere munia sola posset, & in hunc usque diem (jam mensis Aprilis est 1738. dum hæc scribo) adhuc optima fruitur valetudine.

Sed

Sed quam primum illam iterum viderem, Haga Comitum reversam, illa mihi planè innotuit, & nisi loquuta fuisset, non cognovissem, ita, ut nulli credere fas sit, quantum in corporis gravitate, ac viribus, quatuor septimanarum spatio, robore, ac pinguedine assumerat, & spero, ut D. T. O. M. illam diu ita conservet, ut vix credibili patris, fratrum, ut & nostro gaudio, diu sana superstes mansura sit.

De Dolore Colico - Scorbutico, per quinque annos durante, subito in Podagram mutato.

Vocatus ad D. N. N. Mercatorem quem reperi gravissimis doloribus correptum, præprimis circa præcordia, atque totas infimi partes ventris. Venter torqueri incipiebat, ita ut stare, aut meare de uno in alium locum, nesciret æger; plurimas noctes insomnes traduxit, extrema frigebant, & ab universo corpore humores in ventrem profluebant, cum nausea continua, vomendi conatu, & propensione ad diarrhoeam.

Urina colorata erat, cum sedimento rubro, arenulis referto, appetitu prostrato, alvo constipata, cum rigore, ac

26 DE PODAGRA, ET COLICA
gravitate totius ventriculi, & intumescencia corporis quasi ventosa, cum summa ventris cruditate, ac gravitate, atque motibus spasmodicis, cum sudore frigido, per totum corpus diffuso.

Mox paroxysmi podagrici suspicio aderat, uti ex ægri relatione, & adstantium percepi, quod modò per quinque annos talibus doloribus fuerit correptus, sed quandoquidem Arthrit. atque Podagricis; quapropter variis Medicorum consiliis, tam Leidæ, Hagæ Comitum, Rotterodami, quam Amstelædami usus erat.

Qui neque Clysteribus, neque fomentis, neque aliis remediis, hoc malum superare potuerunt, quapropter præscripti mixturam sequentem.

Rx. Aqu. Antisc. Amstelæd. ℥viij.

— *Antisc. Syd.*

Tinct. Min. Mart. Nativæ aa ℥ij.

Syr. Cichor. c. Rh. ℥j. M.

de qua mixt. singulis bihoriis assumpsit ad ℥iij. sed quam primum bis de hac mixt. assumpserat, dolores quam maxime fuerunt exacerbati, cum lumborum, inguinum, ac coxendicum dolore acerrimo & intolerabili, sicque humores biliosi aeres, magis in actum deducti, ma-

ximam saburræ partem biliosam, & al-
 bam quasi gypseam, instar calcis vivæ
 aquæ subactam, vomitu rejecit, in magna
 quantitate. Inde dolores multum mitigati
 sunt, quapropter usum præcedentis mixt.
 singulis bihoriis continuavit. Sed quia al-
 vus tam acriter erat constipata, sequens
 Enema præscripsi, non ex purgantibus
 aut carminantibus; sed solis emoll., cum
 sale Epsone, & melle Mercuriali; Inde
 ter alvum deposuit, cum excrementis a-
 tris liquidis biliosis, unde omnia tam hor-
 rendæ symptomata intra biduum evanue-
 runt, & eodem modo, intra biduum do-
 lores podagrici in pede dextro sunt exa-
 cerbati, & de pede in pedem, ad manus,
 carpos, digitos, aliosque locos petierunt,
 quos leni diaphoresi in corporis periphe-
 ria detinuimus; sed æger admodum de-
 bilis erat, emaciat, atque defatigatus
 summopere, quod non mirum videtur,
 cum per quinque annos corpus orba-
 tum erat viribus, ab humorum indigestio-
 nibus, à caloris & spirituum animalium
 defectu ortis, unde humores putredinem
 nacti, à mora in corpore quàm opor-
 tuerat diuturniore, ab humorum indi-
 gestione pendente; unde ingens colluvies
 humorum accumulatur, quæ sanguinem
 opprimit, ac viscera suffocat, tandem
 pu-

28 DE PODAGRA, ET COLICA

putrescentem humorem producit, eodem modo, ac in maturis fructibus, pomis, pyris aliisque, quam primum ad putrescentiam vergunt, acorem contrahunt causticum gravissimum.

Quapropter usum præcedentis mixt. continuavi, undè humorum indigestiones, quæ sanguinem ac viscera quasi suffocabant, per talia organa secretoria amandabat, ut in aliis humoralibus morbis fieri solet; sicque humorum concoctio, ac labefactorum secretio restituebatur, quod in plerisque morbis chronicis idem est, materiam peccantem suo modo exterminare, vel in articulos deponere, aut per alvum aut transpirationem rejicere.

Sed quia viscera ita debilitata fuerunt, ut quinque annorum spatio, parum, aut nihil potuerit consumere, nisi per vomitum, cum ventris torminibus, summo dolore, & cruciatu debuisset evacuare; quapropter adhuc usum præcedentis mixt. continuavi, cum pilulis Bals. corroborantibus, per sex hebdomadas, undè corpus sanum constitutum est. Nam sex res non naturales optimè sunt constitutæ, benè comedit cibos, etsi concoctu difficillimos, & omnes excretiones proprio suo funguntur munere, ita,

SCORBUTICÆ SIMILI. 19

ita, ut corpus pingue, & summo robore est constitutum, ac si nunquam ullo morbo fuisset afflictum.

De Doloꝛe Colico-Scorbutico, in Atrophians converso.

Vocatus ad pistorem in pago Velsen, qui per plurimos annos Colica Scorbutica fuerat affectus, cum summis cruciatibus, torminibus ac doloribus, & alvo constipata. Ita, ut in morbi principio vix singulis octiduis, semel alvum exonerare potuerit; sic progressu temporis alvus ita constipata fuit, & permansit, ut neque clysteribus neque fortioribus purgantibus, alvum unquam exonerare potuerit, unde assumpta alimenta, semel deglutita, regurgitabant, ac revolvebantur ad os, ubi coactus illa demum dentibus comminueret, & bestiarum instar cibos ruminaret, & illud quod concoctum erat continuo per os evacuare debuerit, summo cum foetore, ut nullus propter teterrimum odorem in camera permanere posset; cibum & potum interim per intervalla assumebat, sanorum instar; cum contractura totius corporis, sive Paralyfi spuria, atque scorbutica, (excepto capite), manente sensu in integro. Quapro-

30 DE PODAGRA, ET COLICA

propter corpus interdum atrophia correptum, ac enervatum, cum spiritibus exhaustis, miserrimam per tres integros annos traxit vitam, donec tandem placide obdormivit.

Ruminationis humanæ, Fabritius ab Aquapendente primus (quantum scio) meminit; in calce libri, de varietate ventriculi, sed J. C. Payerus in Merycologia, plurima Ruminantium hominum allegat exempla, sed ex diversis scriptoribus.

De Dolore COLICO-Scorb. in HYDROPEM mutato.

Vocatus ad prænobilem Dominum A. D. H. Equitum Præfectum, postquam per plurimos annos Colica Scorbutica, per similitudinem dicta, laborasset, & cura D. D. H. Bronkhorstii commissus fuisset per plurimos annos, tandem incidit in Hydropelem Anasarcam, cum ventris, pedum, faciei, ac manuum tumore, respiratione difficili, pulsu debili, inæquali, cum urina rubra, biliosa, clara, arenulis referta, in minima quantitate excreta; reperi ipsum sedentem in lecto, sex pulvinaribus ornato, præ respiratione difficili dormire non audebat, etsi totus

fo-

somno fuerit deditus, nam ejus servus vigilabat ante lectum, ob metum, si dormiret patiens, & à pulvinaribus decideret, mox cum fore mortuum, quod revera quoque factum fuisset. Tunc præscripsi sequentem mixturam

*Rx. Aq. gemmarum pini, p. ferm. pp. ℥vj.
Tinct. Min. Mart. Nativ. ℥ij.*

— *Vermium maj. 3j.*

Syr. de Cich. c. Rh. ℥vj.

M.

De hac mixt. singulis bihoriis assumpsit ad ℥ij. in illa nocte adhuc parum dormivit, ac bis alvum deposuit, cum excrementis atris alvinis saburra repletis, & urinas evacuavit illa nocte circiter ad ℥iv. sed admodum rutilantes.

Quapropter persuasi, ut ægrum de lecto removerent, ac in sellam deponerent, quod sex viri, etiam si robustissimi, vix peragere potuerunt; nam nemo eorum aliter cogitare potuerat, quàm quod propter debilem corporis dispositionem, ac respirationem difficilem in ipso actu moriretur. Interim singulis bihoris usum præcedentis mixt. continuavit, sed postquam per horam in sella federat, ac bis, tervè urinas excreverat, in tribus istis vicibus ad ℥xij., suffultus à duobus viris
sub

32 DE PODAGRA, ET COLICA
sub scapulis, ad lectum abiit, in illa nocte per quinque aut sex horas dormivit, alvum deposuit, ac urinas in majori copia exoneravit, quapropter tertio die patientem in meliori statu reperi, cum pulsu & respiratione meliori, ita ut à solo servo suffultus è lecto surrexerit, ac in sellam sese deposuerit.

Interim Nobilissimus ille Dominus usum præcedentis mixt. continuavit, ac suffultus sub scapulis, per cameram ivit bis, unde tantam humorum copiam iterum evacuavit, tam per urinas, quam per secessum, attamen in viribus accrevit: quapropter desiderabat juscula ex carne bovino, ac vitulino, cum alliis, ac pane tosto; quod libenter concessi.

De hoc jusculo bene comedit, ac circa octavam vespertinam sese lecto commisit, benè dormivit; & sitis, qui ægrum antea quam maxime infestaverat, evanuit. Quapropter quarto de die, solus è lecto surrexit, ac in sellam sese deposuit, & quinquies, aut sexies solus per cameram ivit, baculo suffultus, ac iterum sellæ sese imposuit; interim magnam quantitatem urinæ, cum excrementis atris alvinis evacuavit: sic ventriculus summo appetitu cibum desiderabat; sed nullas adhuc accepit, nisi facilis digestionis per octo dies. Quin-

Quinto autem die, cum pulsarem ante foras, ille mihi ipsemet aperuit januam, etsi camera ipsius octoginta pedibus à janua distaret; in eo statu, quotidie viribus ita accrevit, ut ventriculi humores languescentes, cum tumoribus abdominis, pedis, faciei ac manuum, brevi temporis spatio evanuerint, ac die decima quinta meis ædibus solus appropinquaverit, solo baculo suffultus, & quidem per diversas plateas, spatio circiter centum & quinquaginta domuum à me distantes.

Attamen usum præd. mixt. continuavi, sed omisi Tinct. Vermium Majalium, at ejus loco addidi salem Epson. ad ʒij. unde in totum convaluit, & singulis diebus equitavit, per horas duas, tres, aut quatuor, ita ut trium septimanarum spatio in totum convaluerit, & plures quam quinque annos athleticè, & sano corpore constitutus supervixerit, tandem Apoplexia correptus subitò obiit.

De PODAGRA INVETERATA, 56. annorum.

Vocatus ad prænobilem D. D. J. D. M. quem Podagra quasi consumptum, ac enervatum reperi, & tot miseris patientem, ut ut unquam mihi Podagricum reperire

34 DE PODAGRA, ET COLICA

licuit, etsi admodum sobrius ab ipsa infantia vixerit, nam hæreditaria erat podagra.

Hic summo persuasu D. D. H. Bronckhorstii, sese ad curam lactis contulerat, & negru quidem ab eadem cura decesserat, per tres integros annos; tandem debilitate ventriculi corripitur, cum relaxatione nervorum, & glandularum ventriculi, totiusque mesenterii, ita ut spincter ani suas functiones amplius peragere nequiret, neque capax esset clysterem recipiendi, & propter nimiam ani dilationem excrementa amplius retinere non posset, ac lac, quod calidum è vacca mulctum quotidie, bis, tervè assumpserat, mox coagularetur in ventriculo.

Nam vacca quotidie propè cubiculum appropinquare debebat, ut admodum calidum lac posset recipere.

Sed post longiorem lactis usum, & tractu temporis, ita coagulabatur, ut non sine summo vitæ periculo, cruciatu, & dolore, sæpius evomuerit contortum, longum, compactum, ac si à rustico fuisset, qui per plurimos dies alvum non exoneraverat, ita, ut sæpissimè syncope corriperetur, & vox quasi faucibus hædere videretur.

Quapropter præscripsi pill. ex solo Extr.
Rhei

Rhei cum sale Tart. ut hoc coagulatum resolveretur, ac alvus leniter subduceretur; quod quidem per aliquod temporis spatium optimo cum successu profuit, nam singulis octiduis debebat assumere tres pill. unde ter alvum deposuit.

Sed quia admodum debilis erat, persuasi prænobilem hunc Dominum, ut à lacte abstineret, & cibis Euchymis, atque Eupetis uteretur, quod factum est.

Interim Nobilissimus ille Dominus in meliori sanitatis statu versabatur, absque dolore, aut alio podagræ incommodo, sed debilitatus, ac emaciatus summopere.

Et quia primaria causa podagræ dependet ab humorum indigestione, & labefactata ventriculi concoctione, à caloris, & spirituum defectu orta, sive ab humorum calore, & exæstuatione, qui putredinem, ac acredinem nacti, à mora in corpore quam oportuerat diuturniore, ab indigestione supra memorata pendente, lactis usus coctioni, ac debilitati contrariatur, & magis obest, quam prodest, cum semper coaguletur.

Quod cum minus perspectum fuerit, nonnulli incautiores in errores permagños inciderunt, dum morbi causæ continenti, humorum scilicet calori, & acridini obviam ire satagentes, concoctiones

36 DE PODAGRA, ET COLICA

peffundiderunt, & functiones naturales prostraverunt omnes.

Me judice, optimi sunt liquores, qui neque ad vini generositatem ascendunt, neque ad aquæ debilitatem deprimuntur, ut sunt, cerevisia tenuis lupulata.

Vinum autem, licet prodesse credatur coctionibus juvandis, quarum vitia causam podagræ antecedentem jam diu statui; ratione tamen causæ continentis, omninò abesse censendum est; humores sc. fomitem morbi, jam in procinctu stantes, accendendo & exagitando; at in diu vino consuetis, ad coctiones promovendas concedi potest, sed non pro potu ordinario.

Quapropter prænobili huic Domino, ad corroborandum ventriculum, ac labefactatam humorum concoctionem promovendam, ac putredinem, atque acridinem humorum præcavendam, qui à mora in corpore diuturniore, magis putridi & acriores fiunt, evacuandam, præscripti mixt. sequentem.

Rx. Aq. Antisc. Amst. ℥x.

Antiscorb. Syd. ℥ij.

Tinct. Min. Mart. Nat. ℥iijs.

Syr. Cich. c. Rb. ℥j. M.

(Mirabitur forsitan aliquis, quod nulla alia medicamenta præscribam, quam Antiscorb. cum Tinct. Min. Mart. Nativæ; cum THERAPEIA sit orbis extensus & unum quodque Regnum sua propria contineat medicamina, in tam longam, & exactam seriem sæpissimè digesta; quæ luculento examine læpius trutinare licuit, sed pauca invenire potui, meæ intentioni consona; quapropter mea in Praxi consuetus sum, ut paucis utar, nec nisi longo usu, ratione, & experientia probatis.)

De hac mixt. singulis bihoriis assumpsit patiens ad ℥ij Sed quia tum temporis alvus plusquam more solito respondebat, loco Syr. cichor. cum Rheo, addidi Syr. Alkermes. Undè optime sese habuit, per longum temporis intervallum. Nam benè prandebat, & utebatur vino Gallico, generoso antiquo, ut & rubro.

Interim quotidie ambulabat, & utebatur cibis Euchymis & Eupeptis, undè humorum indigestiones, ac vasorum debiles relaxationes plurimum corroboratæ, ac labefactata ventriculi coctio majorem accepit vigorem, ut excrementa bene cocta singulis diebus semel exoneraret, ac spincter ani, qui admodum relaxatus fuerat, pristinum re-

38 DE PODAGRA, ET COLICA

cepit motum, sic ut excrementa bene co-
cta, debito tempore, atque ordine potue-
rit amandare, & clysteres applicatos de-
mum retinere.

Tam diu autem, quam in ruribus erat,
illa optimè succedebant, & fruebatur bo-
na valetudine; sed in hyeme, cum iterum
Amstelædami esset, & ab exercitiis con-
suetis demum esset destitutus, in ægritu-
dinem potius coniectus, quam in dolo-
res Podagricos, quæ summa cum ventri-
culi cruditate, ac totius corporis gravita-
te, & intumescencia quasi ventosa ægrum
vexabat, cum alvo constipata, appe-
titu prostrato, ac totius corporis rigore,
sed quandoquidem cum diarrhæa.

At notandum, quam diu alvus laxa
aderat, de nullis doloribus Podagricis con-
questus est, sed ægritudine totius corporis.
Sicque Nobilissimus ille Dominus vitam
traxit miserrimam, per totum hyemem,
quandoquidem cum doloribus tum in ma-
nibus, tum pedibus, sed sæpius sine do-
lore, ita, ut ille podagræ accessus nil
aliud erat, nisi podagra continua summa
cum ægritudine conjuncta.

In vere autem, cum demum in rura
veniret, omnia præcedentia symptomata
adhuc perseverabant, sed mitiora; qua-
propter persuasi Nobilissimum hunc Do-
mi-

SCORBUTICÆ SIMILI. 39
minum, ut sese in lecto contineret, ad
materiam peccantem melius eliminandam,
quæ propter humorum languescentiam, ac
spirituum inopiam, per propria emuncto-
ria non poterat amandari.

Quapropter præscripsi pulv. resorben-
tes, ex quinque lapidibus pretiosis, cum
lapide Bezoar. Orient. ad causticum po-
dagræ, quod in ventriculo ac intestino-
rum circumferentia delitescibat, enervan-
dum, quia nervosum genus quàm maxi-
me molestabat.

Hos pulv bis de die assûmebat, cum
brodio, ex vino Rhenano antiquo, cum
cerevisia Neomagenfi, indè dolores in pe-
de dextro quàm maxime exacerbatî sunt,
& sudores leves proliciebantur. Undè do-
lor gradatim intendebatur, ac tensionem
violentam exhibebat, in pede dextro; sic
ut nec linteaminum superincumbentium
pondus, nec minimam concussionem ferre
valeret.

In tali autem sudore detinebatur æger,
ac usum præced. pulv. resorb. bis de die
continuavit, sic tertio die partem af-
fectam tumore rubro occupatam vidi-
mus, cum summo levamine doloris.

Interim pes alter eodem modo affi-
ciebatur, at dolor, ac debilitas, quæ pri-
mum infirmaverat, mox evanuit, ac si

nunquam ullo dolore fuisset afflictus; interim tales tragædias exercebat, ut prius in pede altero, tam quoad doloris vehementiam, quam durationem.

Urina in morbi principio coloratior erat, cum sedimento rubro, arenulis referato, appetitu prostrato, ac alvo constipata, cum rigore, ac gravitate totius corporis.

Sic dolor lente prorepebat, in manus, genua, cubitos, carpos, aliasque corporis partes, ac digitos, eosque summo cruciatu afficiebat cum inflammatione, ac rubore.

Hinc Nobilissimum Dominum, in tali statu constitutum, per octiduum detinui in lenibus sudoribus, donec materia peccante sensim despumata, corpus naturali officio fungeretur, sed admodum debilis erat, ut vix stare, atque progredi potuerit, cum venarum hæmorrhoidalium dolore, ac corpus præ spirituum inopia, maximè languebat, & urina jumentorum instar excernebatur, uti in diabete.

Quapropter præcedentem mixt. ex Antisc. & Tinct. Min. Mart. Nativ. huic prænobili Domino præscripsi, cum Syr. Alkermes; & remisi usum pulv. præcedentium.

Sed quia ex morbida glandularum, & vasorum lymphaticorum, plus solito

SCORBUTICÆ SIMILI. 41

referatorum constitutione, cibi manducati adhuc putrescentem gustum referebant, cum ructu nidoroso, etsi in minima quantitate assūmebat, de præcedenti mixt. bis de die assumpsit ad ℥iij, inde mirum in modum, brevissimo temporis spatio, corroboratus patiens, ac pristinæ sanitati (uti videbatur) restitutus est. Nam sex res nonnaturales optimo suo fungebantur munere.

Interim quotidie ambulabat, aut equitabat, vel rheda sua quotidiana exercitia peragebat; & ab usu medicamentorum omnium abstinuit; attamen indies in pinguedine, ac corporis vigore accrescebat, & diu ab insultibus Podagricis immunis vixit.

Sed cum hoc in casu in parenthesis dixerim, quod nullus mirari deberet, quod in curatione podagræ, non alia medicamenta præscribam, nisi antiscorbutica, cum *Therapeia* sit orbis extensus, & unumquodque Regnum sua propria contineat medicamina, in tam exactam seriem digesta, ut uno intuitu possint desiderata haberi, quæ ad curandam podagram, aliosque morbos chronicos sint accommodata; sciendum est, quod in Praxi mea consuetus sim, ut paucis utar, at lon-

42 DE PODAGRA, ET COLICA
go usu, ratione, & experientia proba-
tis, hisce plenariè *contentus*.

De Podagra, pulmonum lobos obsidente.

Vocatus ad virum prænobilem D. G. V. L. quam summum Podagricum reperi; cui vox faucibus hæere quasi videbatur, cum respiratione difficillima, fenestris apertis aërem haurire coactus, cum materia peccans podagrica ex artubus, quos obfesserat, ad pulmones migraverit, cum tussi admodum molesta.

Quod mirandum nequaquam erat, nam patiens per plurimos annos, quasi Podagra consumptus, in cuspide tali pedis dextri natura sibi viam paraverat, fonticuli instar, ex quo in maxima quantitate continuò pus benè coctum, sed foetidissimum diversi coloris promanabat; sed circà plenilunium claudebatur fonticulus, summa cum inflammatione tali, ac totius pedis dextri, cum pulsu celeri, inæquali, quandoquidem duro, & admodum vario; sed quam diu fonticulus erat clausus, respiratio difficilis perseverabat, cum feбри continua, ac tussi permolesta.

Et quia summa necessitas admodum urgebat, venam secare jussi, tunc præscri-

scripsi pulv. ex resorbentibus diaph. cum pulv. diatrag. frig. & sperm. Ceti; unde singulis bihoriis unum assumpsit cum brodio. Sicque lectum continere iussi, quod vix præ respiratione difficili facere poterat; sed post tres dies fonticulus in talo sponte apertus, & pus demum effluebat, ut antea; nisi quod in pede inflammato, nil aliud applicari curavi, quam fl samb. cum farina triticea in sacculis, parum calefactis; sicque brevi temporis spatio, ab illo Paroxismo fuit liberatus.

Quapropter injunxi Chirurgo, ut fonticulum apertum servaret, quod neque spongia cera cocta & expressa, neque aliis remediis fieri poterat, quin demum clauderetur; ac digestiva, & Empl. Antiphlog. ferre non poterat, propter inflammationem; ergò præscripsi digest. ex solo melle rosarum, & minima quant. ungt. Ægyptiaci, ac Empl. imponi curavi, ex defensivo *Cæruleo*, Ungt. Nutrito, Sapone veneta, cum cera flava, quod Empl. ferre poterat, absque pedis inflammatione.

Sed quam primum paroxismus Podagricus demum appropinquabat, mox claudebatur fonticulus, ac peccans materia mox iterum ad pulmones migrabat, circà tempus plenilunii, ubi easdem tragædias

44 DE PODAGRA, ET COLICA

dias exercebat, ut antea, cum symptomatibus horrendis & inexpectatis; tunc iterum præscripti pulv. præced. diaph. absque venæsectione; sic sudores lenes eliciebantur, & iterum præcedenti modo tertio die fonticulus apertus fuit, brevi temporis spatio ab illo Praoxifmo demum liberatus; ac longo temporis spatio benè sese habebat, quam diu fonticulus apertus fuerat.

Sed tandem materia peccans per totum corpus migrabat, & nullum fixum amplius locum occupabat, tunc ægitudine confectus est, cum torpore totius corporis, ita tamen, ut bene edere, ac bibere, ambulare, aliaque munia paragere posset; sicque per plurimos annos adhuc vixit superstes, donec tandem post meum decessum obiit. Si quis autem quærat remedia externa ad leniendos dolores, accommoda nulla mihi hætenus cognita sunt, licet plurima in aliis expertus fuerim, præter sola Emoll. refriger. aut repell. sed longa observatione suffultus scio, maximam partem eorum, qui podagra periisse putantur, non tam ipso morbo, sed molesta, atque indebita medicatione fuisse peremptos, à topicorum applicatione.

VIRO CLARISSIMO, DOMINO
HENRICO VAN BRONK-
HORST, MEDICINÆ DO-
CTORI ERUDITISSIMO,

THEOD. A ZELST. M. D.

S. P.

AD ultimas, quas nuper jussu Nobilif-
simi Amplissimique Domini
Belgico Idiomate conscriptas, ad te exa-
raveram, responsum adhuc debes; sed
jam altioris indaginis occurrit casus, qui
concernit, prænobilem amplissimumque
Dominum hujus civitatis civium
cohortis Præfectum &c. ad quem die. . . .
vocatus, ac gravissimis doloribus reperi
corruptum, præprimis circa præcordia,
atque totius infimi ventris partes; pul-
sus erat admodum debilis, quandoqui-
dem inæqualis, cum lævi intermissione.
Urina valdè biliosa, ac pellucida, cum
spuma constanti supernatante, absque se-
dimento aut nubecula; alvum reperi val-
dè adstrictam, cum cephalagia continua,
& linguam mucosam quasi flavo obsessam,
sed humidam, cum appetitu diminuto,
siti præter naturali, & summa virium pro-
stratione.

Cau-

46 DE PODAGRA, ET COLICA

Causam hujus mali, quantum ex ægro percipere potui, contraxisse suspicor, quia patiens sese vehementissimo jam sæviente solis calore, per totam ferè diem aëri libero exposuerit, vehementissimis exercitiis, ac circa vesperam, nudis ad abdomen usque pedibus, refrigerandi gratia balneaverit. Hinc spiracula, à summo calore plus solito aperta, & à frigore mox reclusa, sanguinis circulum tardiores reddiderunt, & calorem præternaturalem, à corporis peripheria, ad centrum deduxerunt; unde mesenterium à sanguinis impetu obstructum est, & ab impedita secretionē corpus debilitatum; quapropter mixta aperitivam diaphoreticam præscripsi, cum decocto ex aperientibus diureticis, aliisque; altera verò die, ut alvus leniter subduceretur, pill. lax. cum Ext. Rhei; inde bis alvum deposuit.

Et cum Amstælodamensi Reipublicæ hujus ægroti magni intersit; vestrum implorare consilium, atque auxilium, consultum duxi; an forsan aliquid emolumenti hac in re tam ardua conferre potueris, quod gratissimum erit. Interim me vestræ clientelæ submitto, ac vestrum consilium, atque auxilium, & responsum, animitus rogo. Dabam Beverow. . . . Ter-

Tertio autem die, post hujus mali accessum prædictus Nobiliss. D. Amstælodamum profectus, quia libentius cum amicis vivere vellet, ac ibi omnia in promptu haberi possunt, tam Medici, quam Pharmacopœi, & alia, quæ ægri desiderio satisfacere possunt, quod in rure non ita fieri potest, nam minima quæ desiderantur, ex urbe apportanda curari debent.

Quapropter Ampliss. ille Dominus, se se curæ commisit D. D. Bronkhorstii, qui per octo menses cum ipso luctatus est, ad annum sequentem, quod ex literis sequentibus patebit; quandò prædictus D. in rus reversus, emaciatus, atque defatigatus summopere, à me petiit, interrogavitque, numne mihi adhuc copia mearum præcedentium literarum, quas anno præcedenti, ad D. D. Bronkhorstium miseram, ad manus esset? ut primum, prima hujus morbi facies palam fieret, quod annui; quapropter copiam præcedentium literarum nobili huic Domino porrexi, quas ad D. D. Bronkhorstium misit, ac denuo responsum petiit: Ille autem sequentes literas responsorias ad me misit, de verbo ad verbum convenientes.

VIRO EXPERIENTISSIMO,
DOCTISSIMOQUE THEOD.
ZELSTIO, MED. DO-
CTORI.

H. VAN BRONKHORST.

S. P.

QUID circa morbi Nobilissimi, Amplissimique Domini, symptomatumque ipsum à principio concomitantium indolem, tibi observare licuit, pergratæ, quas ad nos dedisti literæ, satis superque indicarunt; temperamenti cum biliosi patiens, corporisque quidem gracilis, sed tum temporis agilissimi, per protracta, & repetita exercitia vehementiora, nimia passim vi, & copia consumpsit, expulsiitque, quicquid roris subtilissimi aderat succi nutritii, quicquid humorum spirituosioris, humidioris, nobiliorisve; undè exsiccata nimis atque calefacta remanserunt reliqua; quo in statu constitutus, vehementissima in solis æstuatione, per totam diem aëri sese exposuit calidissimo; imò refrigerii captandi ergo, nudis ad abdomen usque pedibus, sese aquæ immerisit frigidæ, quo contigit,
quod

quod mirandum nequaquam est, ut in colicam ventris infimi ferocissimam inciderit, cum doloribus rheumaticis, nec non contractionibus spasmodicis, usque in spincterem ani, & vesicæ, imò ad extremos pedes exporrectis, pulsu debili existente, celeri & inæquali, urina tenui biliosa, & nonnunquam turbida, & varia, alvo adstricta &c.

Quo quidem à dolore, per varia tunc temporis adhibita remedia, aliquot dierum spatio feliciter liberatus; tribus, vel quod cecidit hebdomadibus sequentibus, febre correptus fuit tertiana, subito in duplicem mutata, tandemque, ut fieri frequenter solet, in febrem conversa mali moris, universum genus nervosum, partiumque membranacearum, & tendinosarum structuram, motu tremulo & spasmodico contrahentem, cum vigiliis, deliriis, symptomatibusque horrendis, irregularibus, & inexpectatis.

Nihilominus à periculosissimo hoc morbo, Deo favente ter optimo maximo liberatus, sed emaciatum atque defatigatum summopere, in Paralyfin incidit spuriam utriusque brachii, cum tumore duro circa carpum, contractiones manus motusque non parum impedi-

50 DE PODAGRA, ET COLICA

Adeò ut ex consideratione horum omnium quærat:ur:

1. *An non Colica hæc nominanda sit scorbutica, ab ordinaria Colica, sive uterina, sive nephritica sedulò distinguenda?*

2. *Et quam de causa hi colici dolores ordinario sibi comites habeant rheumaticos, ischiaticos spasmodicos vagos, & irregulares?*

3. *Nec non quam ratione ex eadem Paresis exoriat, spuria scilicet, & scorbutica, manente sensu, à veterum Paralyse toto cælo diversa?*

4. *Undè febris mali moris, totum genus nervosum, tanto cum vitæ discrimine concutiens?*

5. *Quonam fundamento obstructio hæc in parte nitatur, fons & scaturigo latentium & pertinacissimorum morborum, cognitu difficillimorum, præcipue ubi nullæ egestionès adsunt chylosæ, illæso ferè ventriculo?*

6. *Undè tumores exorti, Tophi nominandi scorbutici, hic manus occupantes?*

7. *Quonam fundamento, ex concatenatis, inventisque jam enarratorum symptomatum causis, patere queat, affectionem hanc tam mirabilem, facie licet diversissimam, simplicissima tamen ex scaturigine deducendam esse?*

8. Si inventa res fiat in aperto, quod aliàs est intricatissimum, an in corpore tantoperè emaciato, consumptis scilicet succis nobilioribus, una cum solutione nervorum, vel atonia, Balnea in usum vocanda sint, sudores moventia?

9. Vel an usus aquarum Spadanensium alicujus possit esse utilitatis?

10. Sin minus, quibus appropriatis remediis, & alimentis, curatio tutissimè sit dirigenda, ut & ipsa diæta, qua scil. Nobilissimus Dominus in meliorem quam hactenus valetudinis statum, tantoperè exoptatum, vix credibili consanguineorum, ut & nostro gaudio, Deo auxiliante, queat restitui?

Cui petitioni, ut data occasione satisfiat, obnixè rogamus. Vale.

Sequitur responsum.

VIRO PRÆNOBILI DOCTO,
HENRICO VAN BRONK-
HORST, MED. DOCT. ET
PRACTICO AMSTELÆ-
DAMENSI.

THEOD. VAN ZELST. M. D.

S. P.

DUM à Nobilissimo ac Amplissimo Domino... mihi porrigitur vestrum responsum, ad meas tibi dicatas literas præcedentes, pro qua benignitatis specimine tibi sum devinctus; gratum hoc summopere fuit Specimen casus positionis extensi, in quo tibi cum tanta eruditione observare licuit, quæ circa hunc casum, atque observandi methodum necesse judicasti.

Causam verò hujus temperamenti biliosi patientis optimè deducis ab exercitiis nimis, ac vehementioribus, unde nobilissima pars succi nutritii avolaverit, & nil nisi vappa remanserit exsiccata, atque calefacta, quo in statu patiens sese tunc temporis habuit, cum ab ipso morbo tyrannide corripereetur. Quapropter ut voluntati vestræ sub sincera reverentia sim satisfactorius.

Jam

Jam quæritur.

1. *An non Colica hæc nominanda sit scorbutica, ab ordinaria Colica, sive uterina, sive nephritica sedulò distinguenda?*

Resp. Non esse dolorem Colicum, neque uterinum, neque nephriticum, sed propter similitudinem scorbuticum dictum, propter dolores rodentes fibras nerveas, ac membranas à se invicem quasi divellentes, non in intestino Colo, ut alia Colica, sed in membranis Peritonæi, aliisque partibus circumjacentibus, undè omnia illa horrenda symptomata facilè deduci queunt; præprimis rheumatica, cum contractionibus spasmodicis intestinorum, ani, & vesicæ, aliaque quam plurima, quæ neque clysteribus, neque fomentis, aut aliis remediis cedunt, & ad plures menses, imò annos perseverant, undè corpus contabescit; febris alicujus ex intermittentibus typum referens molestat interdum, eaque sæpius continua, ac lenta, donec tandem doloribus remittentibus succedit Paralysis spuria, per similitudinem ita nuncupata, si-ve contractura ab humore illo, per abdominis membranas, in spinam dorsi, lentissim irrepente.

54 DE PODAGRA, ET COLICA

2. *Quanam ratione ex eadem Paralysis exoriatur spuria, & scorbutica, manente sensu, à veterum Paralyfi toto cœlo diversa?*

Resp Contracturam potius, quam Paralyfin spuriam, atque scorbuticam esse autumo, propter rationes sequentes.

1. In omni Paralyfi, tam particulari quam spuria, reperitur mollities, atque flacciditas cum motus læsione.

In contractura vero rigiditas, cum sensus laudati permansione, quod nostro in ægro promptissimè observamus.

2. In Paralyfi, nulla potest fieri articulorum contractio.

In contractura verò, strictè dicta, nulla extensio, quod quoque in nostro ægro promptissimè observamus, & oculis videri potest, ergo sine lite.

3 Paralysis oritur ab obstructis interstitiis tubulosis nervorum, spiritibus influxum denegantibus.

Contractura verò fibrarum rigiditatem agnoscit, nervis persæpe salvis existentibus, & membrum constanter rigidum sine dolore, in uno situ, & figura tenens, quod nostro in ægro luce clarius elucescit.

In statu autem præternaturali, omnibus ferè contractionibus spasmoticis ad-

icri.

scribitur ; sed magno satis errore spasmi, convulsionis, & paralyseos, cum contractura confusio non rarò oritur, quamvis à causis planè diversis dependeat, & singuli affectus specialem etiam curandi methodum exposcant.

Nam contractura est abolitio motus involuntarii, minusque dolorifica, certa, & constans, à præternaturali fibrarum carnosarum abbreviatione, & rigiditate dependens, quæ omnia prædicta symptomata, constante veritate, nostro in ægro apparent.

Ut res proinde clarius elucescat, necessum est scire, præcipuum motuum instrumentum, componi ex fibris, vasis lymphaticis, nervis, tendinibus, membrana omnes dictas partes obvolvante. Nam per arterias humor ad nutritionem advehitur, ejusque residua ad nutriendum inepta, vel superflua pars per venas, & vasa lymphatica, ad fontem suum reducitur; nervis autem, cum eorum contentis, omnis motio (stante sanguinis circulo) peragitur.

Fibræ enim corrugatæ, ac decurtatæ sibi mutuo viciniores factæ, principale contracturæ subjectum constituunt: unde necesse in statu præternaturali sequuntur membra fibras constanter (at-

56 DE PODAGRA, ET COLICA
tamen viriosè) contractas; imò colliguntur interdum nodi intra articulos, qui motum articularum per se impediendo, promptissimi hujus mali sunt fabri, quod hic clarissimè elucescit.

Si verò causam ejus desideras, dico fundamenta sani corporis poni in bona ventriculi digestionem, & ex hujus errore, plurimorum præprimis chronicorum semina spargi, & in specie à mala digestionem, ac impedita secretionem; chylus enim non ritè elaboratus, ac massæ sanguineæ communicatus, labem suam & huic affricat, ac motum retardat.

Hinc sanguis minus spirituosus, sed crassus, densus, tardius per vasa tendens, in reliquis visceribus, nec depuratus, nec exaltatus, nec ab excrementitiis sordibus liberatus, multis impuritatibus terrestribus contaminatur, quæ communi circulationis lege ad peripheriam corporis delatæ, facile nominatas turbas excitare possunt; dum scilicet in eo, ob seri defectum, per loca excretoria ritè secerni nequeunt, ac per longum tempus collecta, causa quandoquidem occasionali, ut motu corporis nimio, robore naturæ, ad artus amandata, contracturam promptissime efficere possunt.

Nec excludendus est aer intensè calidus,

duſ, & ſiccus, qui in exſuccis humidum interſtitia fibrarum replens diſſando, ſanguinem dein magis inſpiſſat, ac filamenta muſculoſa arida reddit, & ad decurtationem ac contracturam conſtantem diſponit.

Sic obſervavit *Etmull. Tom. I. pag. 501*, Contracturam Scorbuticam Epidemicam fuiſſe; Decocto ſc. gemmarum pini priſtinæ ſanitati plurimos reſtitutos fuiſſe.

Item *Wedelius, in annotationibus Amœnit. materiæ medicæ pag. mihi 214.* de Topicorum applicatione in podagra; Sic *Platerus libro I. pag. 147.* diuturnum Colicum dolorem, contracturam manuum, & digitorum, cum tophis calceis, ac gypſeis, per biennium perſeuerantem ſequutam fuiſſe obſervavit.

Imò quotidie in praxi obſervamus, de Colica, alioquin convulſiva, ac ſcorbutica, quod plurimos illos invadat, qui mineras Saturninas tractant. Quod malum nihil aliud eſt, niſi dolor abdominis diu durans, cum contumaci alvi adſtrictione conjunctus, tandem in contracturam tranſiens, à fumis Saturninis ore hauſtis, cum ſanguine, & lymphamixtis, fibras muſculorum conſtringentibus ortum ſumens; ſed plurima alia poſ-

58 DE PODAGRA, ET COLICA
sem adferre exempla, nisi tibi Vir Eruditissime tædia ac molestias crearent; quapropter hisce supersedebimus.

3. *queritur:*

Undè febris mali moris, totum nervosum genus, tanto cum vitæ discrimine concutiens?

Resp. Æstate præterita Beverowici, & locis circumjacentibus tales febres Epidemicæ grassarunt, sed planè irregulares, ast primis diebus erant mites, notis characteristicis valdè obscuris, attamen plurimas reperi semitertianas, sive Hæmitritæas, uti à Galeno describuntur, nullas autem perfectas.

Aderat nempe dolor capitis gravissimus, præcordiorum anxietas, ventris inflatio, cum dolore cervicis intolerabili, totum nervosum genus afficiente, cum motu tremulo, ac spasmodico; uti in plerisque domesticis nobilissimi hujus ægroti reperiri licuit; sed omnes, Deo auxiliante, pristinæ sanitati restituti sunt.

4. *queritur:*

Quonam fundamento nitatur obstructio, fons & scaturigo latentium & pertinacissimorum, cognitu difficillimorum morborum, præcipuè ubi nullæ egestionες adsunt chylosæ, illaso ferè ventriculo, undè Tophi exorti, tumores nominandi scorbutici, hic manus occupantes?

Resp.

Resp. Causa horum omnium est serum, majori vel minori (pro morbi & ægrorum varietate) terræ copia, seu salibus heterogeneis, speciatim tartareis, terreis, ac gypseis conspurcatum, & tubulis suis ineptum redditum, quod ad ambitum corporis, scil. hoc, vel illud membrum delatum, parietibus vasorum sese affigit, partibus muscutorum fibrosis se subindè insinuat, eas stringendo, & quasi in-torquendo, vasorum percurrentium tubulos angustando, circulum humorum transeuntium impedit, ac stagnationem producit, tumorem, fibrarum rigiditatem, intractabilitatem, aliaque sympto-mata exhibet.

Ubi verò multæ ejusmodi particulæ e-gestæ, sensim sensimque accumulatae, à tergo subsequenter, & patentem viam non invenientium impulsu, arctius infar-ciuntur, major adhuc vicinorum tubulo-rum coarctatio, & obstructionum multi-plicatio fit, undè aufugientibus subtilio-ribus, reliquæ crassæ tractu temporis ma-gis magisque coagmentatae, & lentæ di-gestionis ope (accedente imprimis frigo-re, vel calore majore) induratae, in to-phaceam, gypso non multum dissimilem, & ut vocant tartaream abeunt materiam, articulis motum penitus adimentem. Imò

ma-

60 DE PODAGRA, ET COLICA

malum cò usque non rarò procedit , ut membra calceis undiquaque nodis obducta , rigida , & incurvata , monstrum quasi petrefactum exhibeant. Quorum tophorum intra articulos collectorum examen Chymicum , si quis curiosus desiderat ; is *Kerckringii Spicilegium Anatomicum* adire poterit.

5. quæritur :

Si inventa res fiat in aperto , quod aliàs est intricatissimum , an in corpore tantoperè emaciato , consumptis sc. succis nobilioribus , una cum solutione nervorum , vel atonia,

1. *Balnea in usum vocanda sint calida , sudores moventia ?*

2. *Vel , an usus aquarum Spadanensium alicujus esse possit utilitatis ?*

3. *Sin minus , quibusnam appropriatis remediis & alimentis , curatio tutissimè sit dirigenda , ut & ipsa diæta ?*

1. Quod attinet ad primum , plus certè damni quàm emolumenti adferre possunt Balnea calida , item omnia Antiparalytica medicamina , tam interna , quàm externa adhibita , cane , & angue pejus vitanda ; nam partes contractas magis decurtabis , bilis acrimoniam incitabis , & ægrotanti majorem labem affricabis , contracturam augebis , ac in Atrophiam ,
&

& ariduram conjicies ægrum, nunquam superabilem, ac brevi morte indubitata compensaturam. Quapropter illa sicco pede transibimus.

2. *Secundam quod attinet quæstionem, an aquarum Spadanensium usus alicujus esse possit utilitatis?*

Resp. Præmissis præmittendis, in calidioris ac siccioris constitutionis hominum visceribus (speciatim pulmonibus salvis) cum bono regimine ad debitum tempus continuatæ, inaccessa massæ sanguineæ loca pervadunt, humores spissos, ac tenuitatis modum non servantes dividunt, meatus quosvis eluunt, Tartareas obstructions expediunt, & ceu universale evacuans, in aliis per alvum, in aliis per sudorem, urinam, &c. operationem absolvunt; nam sperandum est, ut harum aquarum usu Nobilissimus patiens ad pristinum sanitatis statum reduci queat.

3. Jam tua restat ultima quæstio, & tot proposita habuisti solvenda, ut facile in ordine quæstionum errare potuissem: sed quod concernit medicamentorum usum, cum regimine diætæ, in omnibus Regnis amplissimus patet campus, eodem modo in Chymicis, Pharmaceuticis, ac Chirurgicis.

Cum tamen ut plurimum, si non semper,

62 DE PODAGRA, ET COLICA

per, primæ viæ farragine viscida repletæ sint, quæ exinde fomitem sanguini communicat, se commendant evacuantia lenia, vel fortia; pro materiæ peccantis quantitate, ac subjectorum varietate usurpanda.

Humores enim peccantes, nisi depleantur, frustrâ alia in usum vocantur, & primæ viæ ab infarctu vitiosorum humorum liberandæ cum sint, id optimè faciunt lenientia, quæ balsamum feri & sanguinis eximiè tuentia laudari possunt; nec non Clysteres emollientes & abstergentes, artis scopo componendi; cavendo ne blanda humiditas absumatur, vel corpus nimis fortibus pessundetur.

Antiscorbutica, Balsamica, diuretica, hic multum præstare possunt, nam evacuatio per urinam est optima, talia verò sint lympham dulcificantia selectiora, ac coagulationem in tophos impediunt; qualia specifica sunt, Cochlearia Groenlandica, & gemmæ arboris Pini, sive Abietis, mense Aprilis, & in principio mensis Maji collectæ (sed non majores debent esse, quam gemmæ populi, quales ad usum unguenti populæi adhibentur) ut in arborum extremitatum surculis tunc temporis erumpunt; quæ summa Antiscorbutica, Balsamica, & diureti-

SCORBUTICÆ SIMILI. 63

tica vi pollent, uti longo usu, & experientia sæpius sum expertus.

Succi Herbarum Antiscorbuticarum, (quarum Catalogi apud Auctores prostant amplissimi atque innumeri) hic summopere convenirent, & quarum campus in omnibus Regnis patet amplissimus, exindè tibi seligere potes specificas, longo usu, ratione, & experientia probatas; At melius specificum nunquam mihi reperiri licuit, quam Cochlearia Groenlandica, quæ crescit in vallibus rupium, in illa parte quidem, ubi aves, qui maxima in quantitate ibidem reperiuntur, fimum deponunt, quapropter sale volatili balsamico gaudet, hæc penetrativa sua virtute balsamica obstructions referat, saliaque scorbutica obtundit, & per urinas educit.

Interim valdè tædiosum est, quod recens haberi nequeat, nisi sale condita, aut spiritu vini irrorata, quæ hoc in casu magis obsunt quam prosunt.

Sed cum scorbutus tam varius sit morbus, cujus symptomata morbum sequuntur, ergò talia adhibenda, qualia huic aut illi scopo satisfacere possunt; nam campus apud Auctores patet amplissimus; *sed utere paucis, nec nisi specificis selectis, ratione & experientia sæpius probatis.*
Quod

64 DE PODAGRA, ET COLICA

Quod cibum concernit, assumatur facilis digestionis, tenuis, & humectans, non tamen, nimia quantitate unica vice, ne, ventriculo obruto, cruditatibus generandis ansa detur; ut juscula avenacea, carnes animalium juniorum, olera quæcunque facilis digestionis; ut chærefolium, lactuca, portulaca, aliaque; abstineat à crassis viscidis, fumo & sale induratis, ab acribus, & nimium aromatizatis. Pro potu utatur cerevisia tenui, benè defæcata, & bis de die cerevisia Brunswicensi recente, ad ℥iij.

Nec sicco pede prætereunda est agitatio partis contractæ, manuali opera præstanda, non vi majori extendantur, flectantur, & agitentur, sed linteis scabris super carbonibus fumo ex pulvere fumali sequente imbutis, fricentur bis de die, sic membra motus, per vigiliam diu amissos, sæpè iterum accipiunt.

℞. *G. Carannæ.*

Myrrhæ el.

Mastich.

Olibani. aa. p. æq.

Præprimis motus organa, crebriori conatu agitando, calidè, blandè ad munus suum obeundum invitanda sunt. Hac enim ratione musculi, cum ten-
di-

SCORBUTICÆ SIMILI. 65

dinibus, vegetiores redduntur, & patiens
pristinæ sanitati restituetur, id, quod faxit
Triunus supplex oro.

Hæc sunt Vir Eruditissime, quæ tibi
hac in re tam ardua, brevissimo quan-
tum potui stilo, communicare volui. In-
terim, data occasione, vestrum respon-
sum rogo, petoque, ut res tam ardua
clarius elucescat; me quoque vestro
patrocinio, atque favori, summopere
commendatum volo, pro qua benignita-
tis specimine tibi semper ero devinctus.
Vale.

Interim Amplissimus ille Dominus,
reversus ad rus, sese meæ curæ com-
misit; quem reperi dolore ventris,
scorbuti comite, non continuò, sed per
intervalla infestantem, cum pulsu, &
urina, qualis scorbutis affectis familia-
ris est.

Dolor interim per universum abdomen
sese extendebat, & præprimis circa lumbos,
sed gravioribus symptomatibus, quàm quæ
colico vulgari supervenire solent; neque
soluta alvo, nec exeuntibus flatibus mi-
tescebat; cum doloribus rheumaticis,
nec non contractionibus spasmodicis, us-
que in spincterem ani, & vesicæ, imò ad
extremos pedes exporrectis, cum con-
tractura utriusque brachii, & tumore du-

66 DE PODAGRA, ET COLICA
ro circa carpos, contractiones manus,
motusque non parum impediēte, cum
virium ferè omnium prostratione.

Sed quia spiritus animales per totum
corpus deficiunt, immodico calore, &
exercitio contumpti, unde corpus flac-
cescit, & concoctiones non amplius re-
ctè promoventur, ac ingens humorum
colluvies sanguinem opprimit, & vilce-
ra quasi suffocat, qui calorem putre-
scentem acquirunt, prout ansa hujus-
modi humoribus in motum ciendis data
fuerit.

Ad curam igitur quod spectat, oportet
ut inquiramus, ad quem scopum in-
dicationes curativæ sint dirigendæ; cum
prima sit humorum indigestio, à caloris
& spirituum naturalium defectu orta; al-
tera humorum calor, & exæstuatio, qui
putredinem nacti, à mora in corpore
quàm oportuerat diuturniore, quæ mo-
ra ab inconcoctione supra memorata de-
pendet.

Sed cum hæ causæ à se invicem to-
to cœlo discrepent; ut, quæ huic pro-
sunt remedia, alteri obsint, undè hic
affectus curatu perdifficilis est.

Sed cum plurimi Practici hunc mor-
bum oppugnare voluerint laxantibus,
at-

atque purgantibus, clysteribus, venæ sectionibus, fomentis, anodinis, aliisque, & morbi sedes non sit in intestino Colo, ut alia Colica, sed in membranis, tam Peritonæi, quam partibus circumjacentibus, undè in illis semper, aut plerumque est alvus constipata, & sphincter ani & vesicæ ita obturatur, ut æger vix alvum depone-
re, sive urinas evacuare possit, propter humorum acrimoniam, qui has partes membranaceas continuò percrepant, ac in crispaturam cogunt, eodem modò, ac corium madidum ad ignem depositum fieri solet, sicque nec ani sphincter, neque vesicæ suas functiones peragere possint.

Si autem prædictis medicamentis, hunc morbum aliquis oppugnare vellet, talibus remediis non cedit, & fortioribus irritatur, quia pugnat cum indicatione curativa, quapropter Nobili huic Domino præscripti mixt. seq.

℞. *Aq. Antiscorb. Amst.* ℥x.

Gemmar. pini per ferment. ppt. ℥iij.

Tinct. Min. Mart. Nativæ singulari modo ppt. ℥ij℥.

Sal. Epsom. ℥ij.

Syr. Cich. c. Rheo ℥vj. *M.*

63 DE PODAGRA, ET COLICA

De hac mixt. singulis bihoriis assumpsit ad ℥ij. Undè altero die bis alvum deposuit, cum excrementis atris, ingenti humorum colluvie repletis, cum cessatione omnium dolorum, ita ut Ampl. ille Dominus fateri debuerit, se nescire, in quo mundo jam viveret.

Interim usum hujus mixt singulis bihoriis continuavit per octiduum, undè tanta bilis, ac saburræ copia sese evacuavit, sanguis & viscera, quæ quasi suffocata videbantur, novum acceperunt vigorem, sic labefactata ventriculi concoctio brevi temporis spatio evanuit, ita ut cibos, etsi concoctu difficillimos, cum summo appetitu assumeret, etsi diætam ex jusculis avenaceis, ac carnibus juniorum animalium, aliisque facilis digestionis conservaret.

Pro potu autem utebatur cerevisia tenui bene defæcata, & bis de die cerevisia Brunswicensi recente ad ℥iij. undè corpus mirum in modum invigoratum fuit, ut solus iterum edere, ac bibere potuerit.

Sed quia brachia, & manus contractæ, cum tophis calceis Scorbuticis, ad extremos digitos exporrectis, manuali opera agitari, extendi, & flecti debuissent; linteis scabris super carbonibus, fumo

ex pulvere fumali fequente imbutis ,
bis de die partes , & Tophi concre-
ti fricabantur , & membra motum per
vigiliam diu amiſſum iterum recepe-
runt.

℞. *G. Carannæ* , *Myrrhæ el.*
Mastic. , *Oliban.* , aa. ℥iij.
Fl. roſ. rubr. Lavend. aa. Mß.
M. F. Pulv. fumalis groſſus.

Sic muſculi , cum tendinibus , vegetio-
res redditæ ſunt.

Interim corpus Ampl. hujus Domi-
ni , continuis exercitiis vexatum , tam
ambulando , quam equitando , ſic mo-
tum per vigiliam diu amiſſum recepit , &
quatuor ſeptimanarum ſpatio priſtinæ
ſanitati reſtitutus eſt.

Interim uſum præcedentis mixt. bis
de die continuavit , ad ℥iij. per ſex ſe-
ptimanas.

DE COLICA PICTONUM , SCOR- BUTICÆ SIMILI.

In Gallia , in Provincia Pictonica , no-
vus dolor Colicus exortus eſt , A^o. 1572. ab
acerbiſſimis à bile cruciatibus , & quia pau-

70. DE PODAGRA, ET COLICA
ciffimi Auctores, de illo dolore colico
mentionem fecerunt, nisi mutato nomi-
ne, mihi aliquid de illo dixisse sufficiat,
ut solummodò differentiam, inter Coli-
cam Scorbuticam & Pictonicam, ob o-
culos ponamus, ad vitandos errores,
qui sæpius in Praxi occurrunt; ubi sæ-
pissime quid pro quo, & unus pro a-
lio tractatur morbo, cum in signis dia-
gnosticis, eorumque causis, in pluribus
conveniant; quamquam maxima, inter
hos morbos, quoad faciem, sit diffe-
rentia.

Nam Colica Pictonum est morbus
Epidemicus, quandoquidem Endemius,
Provinciae Pictonicæ familiaris, eodem
modo, ac *Scorbutus*, *Rachitis*, *Plica Po-
lonica*, aut *tumidum Guttur* in Alpibus,
unicuique Regioni familiaris est ubi gra-
satur, at non solis Pictonibus annume-
rari potuit, sed etiam toti fermè Aquitanix
popularis est, nec non in Provinciam Pi-
cardiam sua semina diffudit.

Et, præter alias Regiones, in quibus
Medici siluerunt, Moravia, Silesia, &
maxima inferioris Germaniæ pars, jam
pridem hoc morbo laniatæ, & ejus cru-
delem morsum expertæ sunt, uti ex
Langii Epist. Lib. 2. Epist. 38. perspicuum
est.

Sed

Sed clarius ex *Consiliis*, & *Epist. à Cratone*, de *Paralyfi* & *Colica*, *Consil.* 10. & 11. *Epist.* 3. & 4. A. 1582. scriptis; sed quicquid sit, Epidemicum esse, & quandoquidem Endemium istis provinciis familiarem, ac proindè aliquam causam habere communem, satis superque constat.

Nam eorum quos attingit corpora, veluti fidere percussa, ex pristino statu dejicit, pallor vultum decolorat, extrema frigent, languent vires, animus inquietus, corpus anxium, vigiliæ assiduæ, lipothy-miæ, sive cardialgiæ frequentes, appetitus prostratus, nausea perpetua, ructus, vomitus porracæ & æruginosæ bilis, singultus creberrimus, miserum ægrum fatigant, sitis inexhausta, stranguria molesta, quæ sæpius calculum mentitur; cum acutissimo dolore ventriculi, intestinorum, lumborum, iliorum, & inguinum dilaniatur æger, per initia præsertim, cum alvi frequenti fluore.

Mox propagatur venenum; tunc humeri, mammæ, totumque pectus, veluti aculeis vellicantur, lancinantur, modò verò crura, & os sacrum; & post tot misérias (mirum dictu), ægro jam melius secum agi credente, nam ventris dolores remittunt, cubiti manuum, tibiarum, &

pedum motus perit, integro tamen sensu, & veluti pungentis acus per totam cutem.

Hanc Paralyfin in plerisque præcedunt Epilepticæ aliquot convulsiones, quæ olim multos, nunc rariores, è medio tollunt; eas ingruentes præmonstrat plurimum horarum cœcitas, mente adhuc constante, quæ per septem & plures dies perseverat, nulla alia sensuum functione præterquam visione intercepta; tunc enim dolores, aut leves, aut nulli sunt, qui sensim mitigantur.

Interim dolor exacerbatur, & Epilepsia, magno cum ægri discrimine recurrit, & partium omnium, infra caput, paralyfi affectarum vires paulatim recuperant post aliquot menses, fiuntque pallidæ, squalidæ, macilentæ, manibus incurvis, & suo pondere pendulis, voce clangosa ac sibilosa.

Nec omnibus tamen manet eadem fors, sed instar Prothei forma varia est mutabilis; nam à purgantibus ingravescit, sed liberale alvi, menstruorum, ac hæmorrhoidum profluvium, sæpè morbum solvit; quanquam tanta est hujus morbi pertinacia, ut sæpius contra hæc symptomata insurgat. Sed observatum est aliquando, pustulam in extremo Talo pedis subortam, quæ humoris purulenti quidpiam effudisset, hunc affectum perfecte judicasse,

se, qui aliàs non nisi resolutos, convulsos, & exsanguis, ac sæpius exanimis dimittere solet.

Nam Colicus hic dolor, hujus Regionis incolis, toto genere repugnat, quam Epidemiam sive popularem dicimus, quoniam passim in vulgus grassatur, & multis communis est, & communem habet causam.

Alii Epidemii, alii Endemii, nam Epidemii alii sunt mitiores, pro hujus, aut illius anni constitutione, qui certo tempore, in Regione aliqua læviunt, quos habet *Hippocrates de Epidemiis*.

Sic Endemii, Patrii sunt, & alicui regioni familiares; quibus certè Colicum dolorem Pictonibus adeò familiarem annumerarem, at non solis Pictonibus, sed toti fermè Aquitanix jam popularis, nec non in proximam provinciam Picardiam, irrepsit; ut colligere est ex Consilio *P. Droëti de Pestilentia*, typis excuso Anno 1572. qui inquit, Colicus dolor hoc anno re vera fuit Epidemicus & exitiosus. Omnes enim facti sunt Paralytici, vel Epileptici: & ex his non pauci interierunt, vel in ipsa accessione, vel paulò post, idque præsertim Abbevillæ, & nescio quo virginum Cænobio, cui nomen Casæ Dei impositum erat.

Sed quicquid sit, Epidemicum esse, & proinde communem aliquam causam habere, satis superque constat.

Id verò, quod inspiramus, Aër est, qui qualis est, tales sunt spiritus, teste *Galeno*, de *Crisi* Cap. 3. & ut malum nostrum colicum, plerique ab *Hippoc.* ante mille ducentos annos observatum putant, ex ea quam notat ab articulis in intestina materiæ morbificæ translatione, & contra 6. *Epid. sect.* 4.

Unus autem *Paulus Ægineta* ante mille ducentos annos expressam vidit, & descripsit Pictonici nostri colici doloris idæam, cujus prototypum, *Colicum dolorem biliosum*, sua ætate in Italiam primum, per multas Reip. Rom. Provincias, pestilenti quodam influxu, grassatum fuisse testatur, plerisque in Epilepsiam, aliis in Paralyfin, sensu incolumi, delapsis, at eorum qui Epileptici facti sunt, plures interiisse.

Ex iis verò, quibus in Paralyfin factus est transitus, plerosque omnes, veluti crisi quadam, causa in nervos translata, servatos, & quibus motus post certum temporis spatium sponte rediit. Lib. 3. Cap. 43. sed paulo ante monuerat Lib. 3. Cap. 18. superstites scilicet in hoc affectu, artuum privationem motus consequi, tactus sensu incolumi.

Post

Post *Æginetam*, hic morbus exstinctus, nec visus est postea, neque notatus, per sexcentos, vel septingentos annos, donec *Avicenna*, Medicorum Arabum princeps, *Tractatu 3. Cap. 6.* Colicam scripsit fieri, interdum Pestilentem, & Epidemiam; quando inquit:

Colica, & Ilias perveniunt de Regione ad Regionem, & de homine, ad hominem, uti retulit quidam Medicus de Antiquis, (per hunc P. Æginetam intelligit) & dixit, quod perveriebant quidam eorum ad Epilepsiam, quæ erat mortalis; & quidam ad artuum resolutionem, cum incolumitate sensus evadabant, secundum semitam permutationis similis crisi; & Lib. eodem 3. tr. 2. Cap. 2. Paralysis inquit, est crisis Colicæ, & multoties remanet cum ea sensus, & qui evadit, evadit cum paralyti, & natura quasi illam materiam expellit, & reducit eam ad exteriora &c.

Tunc iterum desit hoc malum, per quingentos fermè annos, & revixit demum anno 1572, uti ex *Droëti consiliis, de pestilentia*, typis eodem anno excuso colligere licet, & quia nullus scriptorum, in illo temporis spatio, de hac Colica ullam mentionem fecerat, donec tandem conversa ad Pictones, cum iisdem, & multis aliis gravioribus symptomatibus, qua-

76 DE PODAGRA, ET COLICA

quarum causam rejicit in vina Pictonica recentia, quæ ab aliquot annis austera, & acerba colligi solebant, & in illo tempore, quo vitis gemmas emittit, medio sc. Vere, matutini algores tanti sunt, ut plerumque glaciem, & pruinam in maximam turionum, cauliculorum ac florum, tum vinearum, tum cæterarum arborum perniciem, efficiant.

In autumno autem, uvis ad maturitatem properantibus, tantum plerumque frigus supervenit, ut eas recrudescentes potius, quam maturas colligere cogamur, undè vina acerba exprimuntur, in nondum assuetorum ventriculorum detrimentum. Quod experiuntur sæpius, omnium ordinum fratres mendicantes, qui quoniam plerique peregrini, à vinis Pictoniensibus magis læduntur, & gravius, quam ipsi Pictones; quod vina in suorum Cænobiorum ditione collecta, aut hinc indè conquisita, varia, non meliora potare cogantur.

Et ubi in gulæ gratiam mille condituras, non ad tollendam, sed ad irritandam famem, non ad explendam, sed ad excitandam sitim, vinorum genera quaerimus, sic corporis Eucrasia alteratur, functiones læduntur, atque ventriculi concoctio impeditur, undè cruditates hujus mor-

morbi fons, & scaturigo, quæ calorem suum in porraceam bilem convertunt, modò in venis, modò in ventriculo, & intestinorum circumferentia, quæ variat admodum, pro labefactata humorum coctione, & corporum varietate.

Nam humores, vel quantitate, aut qualitate peccantes, sunt etiam bilis, succus lymphatico-pancreaticus, saliva, lympa, aliique humores, pro unaquaque corporis dispositione.

Illa enim omnia sunt requisita, quæ machinam corporis humani, vel ad plenariam sanitatem conservare, aut ad ejus interitum perducere possunt, prout humores peccantes sunt constituti, nam qualis chylus, talis sanguis.

Quis autem humor, præter bilem, rodere potest? quis vellicare? quis æstum excitare? quod nulli, præterquam bilioso humori tribui potest; rosionem, punctiorem, lancinationem membrorum, & viscerum fervorem pituitæ assignasse minus convenit.

Non diffiteor tamen, tam vehementes dolores, ab humore pituitoso, & vitreo contrahi posse, licet *Paulus Ægineta*, qui ex professo de hoc dolore Pictonico agit: *Humorem erodentem biliosum acrem, gravissimi hujus affectus causam statuere non dubitaverit.*

At-

78 DE PODAGRA, ET COLICA

Atque hi, levissima de causa, in hunc affectum, ac in Paralyfin, convulsionem, aut coecitatem incidunt, præsertim si bilis flava in atram degeneraverit, vel in cerebrum, aut ejus ventriculos rapiatur, & Epilepsiam faciat, aut nervorum opti-
corum originem obstruat, & coecitatem pariat: aut si in spinalem medullam amandetur, fit paralyfis.

Si vero in intestinis fiat obstructio, ac materiam biliosam, per suas vias depellere nequeat, expellit natura eo, quo magis potest, quodam impetu ad membra exteriora, musculos, nervos, ac tendines, biliosam materiam ferendo: At si cum sanguine mixta, in venis contentam esse, & putrescere oportet, undè ardens potius, aut continua, quam intermittens accenderetur febris. Sed quam male suæ sanitati consulant, qui acidis & austeris hujusmodi vinis delectantur, ex eo judicare licet, quod *Franc. Citesius*, vir undique quidem doctus, & gravis, dum in causas diri illius morbi Epidemici inquireret sedulò, quem *Colicum dolorem Pictonicum* nominavit, ipsum vix aliunde, quam ab acerbitate vinorum Pictonicorum deduxerit.

Sed addere debeo, quod à supra citato *Citesio* de monachis quibusdam Pictaviensi-

fibus, quos crudelissima ventris tormina (*scorbutica indubie*) diu exercuerant, observatum, quæ neque clysteribus, neque fomentis, aut aliis remediis cedunt.

Mirandum sane, & miserandum magis inquit, quod patribus Fulienses contigit, cum in Novallium Cœnobium, Coloniam deduxissent, intra mensem omnes, (erant enim tredecim numero) quærule gemibundi, proni in ventrem cumque crudelissimis doloribus vexati, cum alvo adstricta, suas vices dolore, cœlum Pictonicum accusare: Nosocomium potius, quam Monasterium dixisses, nec alia causa succurrebat, quam, quod præter cœlum, vino albo, eoque acerbissimo (alias generosis Tholosanis assueti) pro potu uterentur, quod probavit eventus; mutato enim cœlo, & potus genere, omnes pristinae sanitati restituti sunt.

En! hic ad vivum usque expressam, Colicæ scorbuticæ effigiem, licet sub usurpato Colicæ Pictonum nomine depictam, qua optimo viro in Scorbuticorum curatione minus versato, imposuerat.

En! ejusdem primordia, præsertim à vino austero deducta, inculpatis interea visceribus, en! denique acerbissimis itipatum symptomatibus morbum, cœlo tantum, potuque mutatis, brevi evanescen-

Quum

80 DE PODAGRA, ET COLICA

Quum itaque, & quæ pariunt hunc morbum scorbuticum, & quæ eundem certissime tollunt; huic quam in præcedentibus attulimus sententiæ, tam claris argumentis suffragantur; quid superest? nisi, ut nobis in eadem acquiescere liceat, donec manifestè de ipsius falsitate constiterit.

Nam ut omnia levi credulitate amplectenda non sunt, ita, neque ea protinus repudianda, quæ in rebus obscuris, cum rationi, tum experientiæ consentanea videntur, etiamsi statim cornicum oculos non configant; sub occulta naturæ, & artis facie, quid ni conjicere liceat, quod probari nequit?

Nam in luce rerum tenui nos homunculi caligamus, in mediocri cæcutimus, in majori talpæ fumus, in maxima insanimus, in omni quo magis quærimus, eo magis dubitamus.

Quid non pariunt alimenta acria, salsa, & piperata, quæ cum calore nativo vinci nequeant? Nonne corrumpuntur, & calorem suum retinentia, in porraceam bilem convertuntur?

Nec minus noxia sunt, austera, & acerbæ; quales sunt omnes fructus immaturi, quos ventriculus, cum coquere nequeat, in flatus varii generis, & humores vi-

vitiosos commutat. Hujus generis sunt vina Pictonica præsertim recentia, quæ austera, & acerba ferè omnia colligi solent.

Hunc etiam affectum, aliæ causæ non naturales, & externæ producere possunt, vigiliæ immodicæ, labor vehemens, alvi adstrictio, sed multò magis graviora animi pathemata, ut metus, & moestitia, undè cruditates multæ succrescunt, & bilis, quæ multa collecta erat, crassior efficitur, ideoque difficilior excernitur, & potentius per longam moram excruciat.

Dum enim *Franc. Citsius*, vir doctus, & gravis in causas diri illius morbi Epidemici, quem *Colicum dolorem Pictonicum* nominavit, sedulò inquireret, ipse vix aliundè, quam à cibis concoctu difficilibus, & crudis, ac vinis austeris Pictonicis, hujus atrocis morbi causam invenire potuit.

De Aëre, quem primam & potissimam omnium popularium morborum causam statuimus, constanter asserimus, & frequenti experientia compertum habemus, certissimum hujus affectus remedium situm esse in cœli, & soli mutatione; id ante nos vidit *Droëtus in libro de peste*, ubi inquit: *Non potuerunt virgines hujus Cænobii, (CASAM DEI supra memoratam intelligit), aliter sibi salutem*

tem quærere, quam fuga, & loci mutatione.

Sic supra laudatus CITESIUS: Idem experti sumus nuper in omnium Ordinum Monachis, & præsertim in Capucinis, & Fuliensibus, quorum totas colonias anno superiore ablegavimus, & statim ubi aëre Piëtonico exularunt, hunc penitus dolorem sine ulla veneni labe excusserunt, ac sanitatem sine ullo artis præsidio recuperarunt.

Sed pergit ulterius: Anno 1592 periit Franciscanus quidam, nomine Brethet, cujus aperto cadavere, jejuni intestini diploë divisa à se invicem erat, ejusque spatium humore refertum tumorem, ovi Anserini magnitudinem referentem, exhibebat: Is tumor jussu D. D. Milonis piæ memoriæ, me adhuc Philiatro & ejus discipulo præsentente, apertus, nihil præter sinceram bilem, eamque æruginosam profudit. Multa hujus generis à cæteris collegis nostris, annis præcedentibus observata sunt.

Nam ut primò de aëre Piëtonico dicam, is calidus, & ficcus, qualis per æstatem est, sanguinem accendit, & attenuat, ex quo bilis fit, morborum ferè omnium chronicorum comes; cibi calidiores, vigiliæ, labores, excrementorum retentio, & animi perturbationes, ex quorum omnium concursu bilis copiosissima succrescit, modò in venis, mo-

dò in ventriculo, quæ quandoquidem pallida, vel vitellina, porracea, æruginea aliaque.

Ab his adustis, aut corruptis, cardialgiæ, singultus, & plerique alii contra naturam effectus: ab iisdem in intestina delatis, dysenteria crudelissimæ, & Colici dolores vehementissimi; & ubicunque hæret mordax, & acris humor biliosus, intestina pungit, ac vellicat. Nam quis humor præter bilem rodere potest? quis vellicare? quis æstum talem excitare? Non aliter, quam à bile provenire potest; quia neque per vomitum, neque per alvum exoneratur. Quapropter talia, qualia purgari oportet, si purgentur, confert, & facile ferunt, minus contra.

Quanquam ut plurimum bilis, in intestinorum alveo conclusa, vel per venas, ex universo corpore confluens *διὰ τὰς αἰνᾶτας* sæpius per vomitum & per secessum feratur: Per vomitum quidem frequentius, sed symptomaticum, curantur tamen citius vomentes, quam nauseantes nec vomentes.

At ubi per secessum, sine catharticorum ope, bilis liberalius fluit, critica est evacuatio, & integra morbi solutio. Sed si ea rapiatur in cerebrum, aut ejus ventri-

84 DE PODAGRA, ET COLICA

culos ferit, vel Epilepsiam facit, vel nervorum opticorum originem obstruit, & cœcitatem parit, aut in spinalem medullam amandatur, & fit Paralyfis.

Paulus Ægineta quidem (*cujus divinæ mentis industriæ ac sagacitati, tot ac tanta debet omnis medicorum cohors*) tam exactam hujus morbi Pictonici descriptionem tradidit, simplici sub titulo, *Colici biliosi Epidemici*: Si quis autem oculos suos in prælongam quæ præcessit, atrocissimorum symptomatum seriem attentius reflexerit, & singula seriò, & sine præjudicio pensitaverit, nulla sanè inveniet, quæ non ad Colicam Scorbuticam referantur.

Sed prædictus Auctor *Paulus Ægineta*, illo tempore Scorbuti nomine exprimere non poterat, quia tunc temporis illius nomen planè incognitum erat; & post *Æginetam*, Arabum Princeps *Avicenna*, Colicam scripsit fieri interdum *Pestilentem*, & *Epidemicam*, donec tandem post quinque sæcula conversa est ad Pictones.

At cum *Franc. Citesius* in causam illius diri morbi Epidemici inquireret, illum *Colicum dolorem Pictonicum* nominavit; sed qua ratione, nescio? Cum non solis Pictonibus, sed toti ferme

Pro-

Provinciæ Aquitaniæ familiaris effiet, nec non in Provinciam Picardiam, Moraviam, Silesiam, & maximam inferioris Germaniæ partem, jam pridem hic morbus irrepperit.

Hinc non mirum, quod varii Scriptores huic morbo varia imposuerint nomina. Nam morbus non unus est, sed plurimorum morborum potius ILIAS, ex multiplici morborum concursu, & complicatione oriunda; & si faciem ejus interiorem spectes, vel Protheo mutabiliorem esse jurabis.

Ab Antiquis, *nec incognitus, neque neglectus*, sed vivis coloribus depictus videtur. Sed dum Medici, ipsius morbi naturam inquirere aggrederentur, hic in has, ille verò in illas, & tertius in alias apparentias, oculos attentius convertit; quemadmodum in Pictoribus, atque Poëtis videre est, qui licet eodem tempore & loco, unum aliquod objectum intuiti fuerint, id ipsum tamen singuli diversimodè referunt, & describunt, prout quisque species differentes in Phantasia efformaverit.

Quid enim jam Colica Pictonica aliud est, quam Colica Scorbutica, nisi mutato nomine? nonne ab una eademque causa producitur, ac primordia at-

86 DE PODAGRA, ET COLICA

que incrementum sumit, ab humorum Discrasia, sive à labefactata humorum concoctione; & tam varios inter se differentes affectus producit, ut non morbus simplex, sed fere plurimorum morborum chronicorum cumulus, seu Ilias, dici mereatur, quibus nos miselli homines obnoxii sumus, & horum symptomatum series, alia Scorbuticis existunt magis familiaria, alia minus, & alia nihil de morbo scorbutico participant, & eodem modo cum plerisque morbis chronicis constitutum est, nam ab una eademque causa, scilicet humorum labefactata concoctione, ortum & progressum sumunt.

Non mirum igitur, quod *Paulus Ægineta*, neque *Avicenna*, huic morbo *Colici Scorbutici* nomen non imposuerint; cum tamen tam exactam descriptionem de illo morbo tradiderint, sed simplici titulo, *Colici biliosi Epidemici* nomine, contenti; quia Scorbuti nomine exprimere non poterant, quapropter alto silentio præterierunt.

Nam duodecim sæcula post Æginetam, à Danis, ac Norwegis Scorbutus primo descriptus fuit A°. 1536. & postea, à Remberto Dodonæo, Senerto, aliisque, ad altum vestigium evectus, etsi ab Hippocrate, ad hæc usque tem-

pora, variis nominibus descriptus reperitur, ab Auctoribus diversis.

Sed cum hic morbus tam atrox, quam crudelis sit, tam horrenda, & inexpectata symptomata producat; & in hunc usque diem (quod scio) neque à veteribus, neque à neotericis, aliter descriptus fuerit: Quid agendum est in casu tam deplorabili, cum supra laudatus Citesius hunc morbum *Colicam Pictonum* nominare ausus fuerit, licet non magis Pictonum Colica quam Batavorum sit; & non solum à P. Ægineta, ante quatuordecim sæcula descriptus, & in Italia familiaris fuerit, sub nomine *Colici biliosi Epidemici*, sed post Æginetam, per septem sæcula de hoc morbo altum fuerit silentium, donec ad Avicennam pervenerit, qui multis gravioribus symptomatibus descripsit. Tunc iterum per quinque sæcula, post Avicennam, inter scriptores altum fuit silentium, usque ad annum 1572. donec in Provincia Pictonica, aliisque locis circumjacentibus in præcedentibus allegatis, denuo hic morbus grassaretur, & à supra laudato Citesio descriptus sit, sub usurpato *Colicæ biliosæ Pictonum* nomine, quod nomen ab illo tempore, in hunc usque diem servavit, sed male.

88 DE PODAGRA; ET COLICA

Quapropter ab unico mutato illo nomine, tot errores, ac tantæ confusiones circa Praxin, in illo temporis spatio, ad hunc usque diem, inter Medicos contigerunt, cum unus *Colicam Scorbuticam*, & alius *Piëtonicam* nominaverit. Cum tamen hic morbus nihil aliud sit, quam Colica Scorbutica, & à Scorbuto principium, atque incrementum cœperit.

Sed quia hic morbus tam varius est, eapropter à diversis scriptoribus, diversa nomina ipsi sunt imposita, & res easdem, variis circumstantiis considerarunt; cum tamen ex propria morbi natura, nomina imponi deberent.

Cum Scorbutus à Belgis *Scheur-buyk* appellatur, à modo memorato *Scheur*, quasi dicas *Scheuren*, five rumpere, & *Buyk*. Venter, quasi diceres Gastro-cele, seu Ventris ruptura, undè tales dolores atrocissimi oriuntur, & partes infimi ventris, aliæque corporis partes, quasi dirumpere videntur, à doloribus atrocioribus continuis, quibus miserrimi ægri vexantur, hoc Colico dolore scorbutico laborantes; sed quia scorbutus, tam latè sua semina diffundit in plurimos morbos chronicos, mater illorum meritò appellari potest.

Nam morbi Epidemici ubicunque
graf-

grassare possunt, & nescio quisnam Scriptorum morbum aliquem Epidemicum nominare possit, secundum Regionem, aut Provinciam, in quo grassatur, uti supra citatus Citesius, de Colica Pictorum fecit, cum Pictaviensibus hic morbus non magis familiaris sit, quam aliis provinciis, ut toti fermè Aquitanix, Picardiæ, & in aliis regionibus, in quibus Medici siluerunt, ut Moravia, Silesia, & maxima inferioris Germaniæ pars, hic morbus ferè grassatus sit, quibus Colicæ Pictonicæ nomen non competit, *sed morbo descripto*; etsi ab illo tempore 1572. in hunc usque diem hoc nomen servaverit, sed male.

Et ab illo tempore, post *Citesium*, altum iterum videtur esse silentium de hoc morbo inter Scriptores, nisi quod unus aut alter aliquam mentionem faciat; sed largam, & extensam descriptionem hujus morbi, mihi reperire non licuit, quapropter incertus sum, an morbus ille Colicus apud Pictavienses post *Citesium* demum exacerbatus fuerit, vel adhuc grassetur, nec ne? Ergo faxit Triunus, ut imposterus semper sepultus mansurus, ac nunquam rediturus sit.

Sed quod ad curam, omnes Auctores ad hæc usque tempora, unum eundem-

que servant ordinem, scilicet, cum purgantibus, clysteribus, aliisque, sed cum morbus tam atrox sit, hisce remediis non cedit, & fortioribus irritatur, tandemque omnibus incaſſum peractis, & adhibitis medicaminibus, æger, tantis miseriis paſſus, in meliorem ſtatum ſecum agi credit quidem, & ventris dolores remittunt; at cubiti, manuum, tibiarum & pedum motus perit, integro tamen ſenſu.

Hanc Paralyſin præcedunt Epilepti-
cæ aliquot convulſiones, eas ingruentes præmonſtrat plurium horarum cœci-
tas, quæ per ſeptem, & plures dies perſe-
verat, tunc dolores leves, aut nul-
li ſunt.

Interim dolor exacerbatur, & Epilepſia recurrit, & partium omnium infra caput, Paralyſi affectarum, vires paulatim recuperant; ſed poſt aliquot meſes ægri ſunt pallidi, ſqualidi, macilenti, manibus incurvatis, ſuo pondere pendulis, voce clangofa, & ſibilofa, ſicque miſeros ægros dimittunt, donec tandem indubitata morte, ultimum compenſent debitum.

Nec omnibus tamen manet eadem fors, ſed inſtar Prothei, varia & mutabilis, nam a purgantibus ingraveſcit, & fortioribus irritatur. Sed quid jam agendum, in

casu tam deplorabili, cum prædicti Auctores, unanimi consensu, quoad Colicam Epidemicam, ab aëre depravato eam deducant; & quoad Endemiam Colicam biliosam, causam statuunt in depravata chylosi, ac labefactata ventriculi concoctione, quæ revera hujus mali causa est.

Quapropter veteres contumaces obstructions biliosas, analogo Cholagogo, ut Hieræ Picræ triplicata Colocynthide, sive confectione Hamech, Scammoniatis, resinosis, aliisque fortioribus purgantibus auferre voluerunt; sed nauseabundus ventriculus, mox vomitu rejecit talia, quod non mirum.

Tunc excogitarunt, purgantium molem minorem, ex utroque Crollii Panchymagogo, & similibus exhibitis in forma boli, aut pilularum; ab hisce assumptis, repetunt dolores atrocissimi, non minus punctorii, ac mordaces; tunc oleo amygdalarum dulcium, & olivarum, aut rosarum, cum syr. ros. sol. cum senn., inde humores quam maxime recrudescent; tunc sine mora repurgabant, præcedente cathartico. Indè dolores multò atrociores evadebant, tunc iterum ad leniendos dolores, ad præcedentia recurrunt olea, cum syr. ros. sol. cum senn.

Sed

92 DE PODAGRA, ET COLICA

Sed quia præcordiorum æstus ægrum anxium faciat, sanguinem mittunt ex brachio, & pede, tunc viderunt, quod brachia resolvi, ac Paralytica fieri incipiant; & imperitum vulgus, ac mulierculæ putant illud symptoma, à phlebotomia inductum fuisse, nec ulla ratione hac de re deduci possunt.

Tunc clysteres purgant. laxant. ac Balnea diversa, in usum revocanda; his non juvantibus, tandem media hyeme, tempore tamen pluviali, ægros linteis inclusos, fluvio immergere cogunt; sed hisce incassum adhibitis, ad Anodina refugium sumunt; sed Theriacæ, ac Philonii Romani usu, dolores reduplicarunt.

Tunc refrigerantibus, & aperientibus Apozematibus, ac lacte Asinino, Caprillo aliisque rem aggrediuntur, sed hisce non juvantibus, ad aquas medicatas, diversi generis confugium sumunt; & ut nil intactum præterirent, magno ægrotantium damno, sudorem magna vi tentarunt; unde corpori quasi incendio perfuso, magnos dolores excitant.

Hinc liquet, quantum veteribus sit operæ & negotii, in Colici doloris causis radicitus amputandis; quia tot novis symptomatibus, & novis mutandi consiliis interturbantur, ut miseros tandem dimitte-

tere cogantur, pallidos, squalidos, macilentos, manibus incurvatis, voce clangosa, ac sibilosa, donec tandem indubitata morte, ultimum compensent debitum.

Jam videre potestis Viri Clarissimi, quid non Antiquitas, in enervanda Colicæ biliosæ scorbuticæ pertinacia, quamquam incassum omnia, tentaverit, ut nihil intactum reliquerint, tam ad hunc morbum curandum atrocem, quam ad demulcendos dolores, attamen ægros dimittere coacti sint, macilentos, squalidos, manibus incurvatis, aliisque horrendis symptomatibus atrocioribus, & inexpectatis pro incurabilibus habitos.

Si quis autem serio, & sine præjudicio oculos convertat, ad hunc morbum tam atrocem, quo neque purgantibus, etiam si fortissimis aliquid superare potuerunt, nam nauseabundus ventriculus, mox vomitu talia rejicit, etsi purgantium molem minorem præscripserint, attamen dolores repetunt, non solum mordaces, sed punctorii, quapropter ad hosce demulcendos oleosa, cum syr. lax. exhibuerunt, unde dolores denuo recrudescent; & ab omnibus in præcedentibus præscriptis, iteratis, ac reiteratis, dolores adhuc multo atrociores evadunt, & miserum ægrum anxium faciunt. Tunc

94 DE PODAGRA, ET COLICA

Tunc ad Venæ lecti in brachio, & pede refugium fuit, indè ægri Paralytici evadabant. Quapropter ad Balnea, clysteres purgantes, atque laxantia & Anodina, confugerunt; sed Theriacæ, ac Philon. R. usu dolores recrudescebant. Quid ergò jam agendum, cum in hunc usque diem, neque alia medendi methodus, neque descripta, neque cognita, ab ullo Auctore reperitur; nisi prout omnes Medici, in selectu suorum remediorum, distinctiores esse solent.

Sed quia praxis medica, ante plurima sæcula eadem fuit, quam hodierna. nonne in omnibus Regnis eadem fuerunt simplicia medicamina, & medicamentorum compositiones eadem, quæ indies novis observationibus, ab experientia, & ratione deductis, continuò crescunt, & augmentum accipiunt, undè artes fiant faciliores.

Nam necessitas medicinam invenit, experientia perfecit, quæ rudis ac stupida erat, progressu temporis, novis observationibus instructa, liberalis facta & erudita est. Nam ars præstantissima medica, non sita est in acumine ingenii, sed in diligenti, accurata observatione naturæ.

Si enim rite comparaveris, observationibus præcedentibus sæculis, *Hippoc. Aphor.*, *Præfagia*, *Coacas*, nunc esse eandem morborum naturam, & eodem, ac olim ordine, illorum periodos procedere, liquidò constat in Colico scorbutico tam atroci.

Nam observationes pro subjecto habent corpus humanum, cujus motus, siue naturales siue morbofi, originem habent stabilem, & periodos regulares, ac constantes; unde certæ quædam morborum periodi, ut statis horis exacerbationes fiant, ut in doloribus nonnullis observatur; nec non in febribus, tam accurate observandis, ut fluxus; atque refluxus maris, ita & quoad doloris Colici scorbutici curam valet. Omnes enim animi nervos, variis phænomenis contemplandis, acriter intendens videbit, quod Colica Pictonica, non alia sit, quam Scorbutica, nisi mutato nomine, ac ab una eademque causa producat, ac primordia atque incrementum sumat, ab humorum discrasia, siue labefactata concoctione.

Sed cum in præcedentibus viderimus, à medicamentis evacuantibus curationem Colicæ scorbuticæ incassum peti, sed eadem maximam noxam adferre, quapropter ex accurata prædictorum omnium pen-

penfatione, colligere licuit, quod à duobus potiffimum caufis morbi curationem obviam ire debeamus. Prima eft caufa *antecedens*, five humorum indigestio, à caloris & fpirituum naturalium defectu orta; Altera eft caufa *continens*, five eorundem humorum calor, & exæftuatio, vbi jam tum putredinem nafti funt, à mora in corpore quàm oportuerat diuturniore, quæ mora ab inconcoctione fupra memorata dependet. Hæ caufæ à fe invicem difcrepant, ut, quæ huic profunt remedia, alteri obfint, unde hic affectus ita curatu perdifficilis eft: Nam fi indigestionem medicamentis calefacientibus vincere volumus, periculum eft, ne ex altera parte humorum calor intendatur; fi autem remediis refrigerantibus, calorem, & humorum acredinem mitigare volumus, labefactabitur calor naturalis. Quapropter vitentur vietus, & medicamenta calidiora, à quibus humores inflammantur. Nam præcipua curandi intentio in eo verti debet, ut coctioni, indigestionibus fublatis, confuletur.

Quapropter remedia fint, quæ ad leniendum humorum calorem, & acredinem retundendam facere poffunt; five jam respiciamus ad humores corruptos, atque

indigestiones, & coctiones roborandas, undè aliorum humorum aggestio possit præcaveri, & illa, quæ ad humorum calorem leniendum, & acredinem retundendam facere possunt, quo melius succos nutritioni destinatos, in propriam substantiam convertant, ut singularum partium recrementa debito tempore valeat amandare; quapropter talia in Colica scorbutica, & morbis chronicis in præcedentibus allegata & descripta conferunt, sive pharmaca ea fuerint, sive victus ratio, sive exercitium, sive alia ex istis quælibet, quæ sex rebus non naturalibus indigitantur. Hinc hisce supersedebimus, & L. B. ad illa remittimus, quæ in præcedentibus observationibus & sequentibus descripta sunt.

At sicco pede præterire nequeo, cum præcedentia modò prælo subjecta fuerant; Quod *Franc. Citesius*, in *dissert. de usu Phlebotomiæ*, ubi loquitur de dolore Colico Piætonico, Cap. IX. dicit: Sicut morbi omnes sua habent principia, incrementa, status, & fines, sic etiam dolor Colico-Piætonicus, qui quondam erat contumacissimus, sese jam benignius præstat, sive quod cælum Piætonicis faveat, adeo ut frugum, fructuum, & vinorum acerbitas, jam mitigata

98 DE PODAGRA, ET COLICA

Et alio translata sit, cum Colica Pictonica non amplius reperiatur, neque in provincia Pictonica, Andalusia, aliisque Galliarum provinciis, sed extincta sit, ut observavit in nuperis curiae peregrinationibus: Idque post Cratonem, qui in Moravia, & Silesia ortum hunc morbum, per totam deinde Germaniam propagatum esse testatur; desit autem hoc malum ante annos 150.

Jam videre potestis L. B. quod Colicus hic dolor Pictonicus, Epidemicus fuerit morbus, at non Endemicus, Galliarum Provinciis familiaris, quia non amplius ibidem reperitur, sed extinctus est. Non mirum igitur, quod post *F. Citesium* paucissimi Auctores de Colica Pictonum mentionem fecerint, cum jam in quatuordecim sæculis, post *Paulum Aeginetam*, solummodo bis grassatus fuerit hic morbus Epidemicus, uti observarunt post *Aeginetam*, *Avicenna*, & *Franc. Citesius*, quapropter jam iterum altum est silentium inter Auctores, nisi quod inter medicos, quando diuturnos abdominis dolores observant, semper fere Colicam Pictonum accusant.

Exinde videre potestis L. B. quam male sanitati suæ consulant, quibus cura talium ægrorum demandata fuerit; sed quod dolores Colico-scorbutici, talia hor-

tenda, & inexpectata symptomata producere possint, quotidiana constat experientia.

DE SCORBUTO.

Scorbutus variis nominibus à veteribus impositus, nam morbus non unus est, sed morborum potius ILIAS, ex multiplici malorum concursu, & complicatione oriunda. Quapropter unusquisque, pro diversa morbi natura nomina imposuit, cum affectum hunc antiquis nec incognitum fuisse, neque indescriptum clareat.

Primo sub magni lienis nomine, cum tam exacte scorbutum quadret, ab HIPPOCR. item à STRABONE, ab oris fœtore & tibiarum imbecillitate, quia crura ita resolvit, ut homo rectè incedere non possit. Sub nomine OSCEDINIS, quapropter medici STOMACACEN, ac SCELOTYRBEN vocabant, & aliis nominibus à CELSO, ÆGINETA, ARETÆO, AVICENNA, Scorbuti vestigiis, sed densa vetustatis caligine obductis.

Quapropter à Germanis illud malum duplici nomine insignitum est, & triplici à Danis; à Belgis enim appellatur *Scheurbuyk*, quasi dicas GASTROCELE, seu ventris ruptura.

Endemium Scorbutum esse Batavis,

A. B. 100 DE PODAGRA, ET COLICA
ac locis septentrionalibus maritimis, &
depravata victus ratione deductum, etsi in
aliis quibusdam locis, ut Gallia, Germa-
nia, quidem hic morbus reperiatur, sed non
frequens, hinc silentio præteream. Nam
sua natura contagiosus existit, ubi in-
veterascere incipit; fuerunt enim qui li-
beris suis scorbutum legarunt, jure possi-
dendum hæreditario, ex semine nimirum,
& lacte uterino, ac nutricibus infanti-
bus allatum; qui tam varios inter se diffe-
rentes effectus producit, alios scorbuticis
magis familiares, alios minus.

Alia symptomata facultates animales
affligunt, illa funestum bellum vitali-
bus inferunt, alia nutritionis organa
perturbant, alia denique ad peripheriam
corporis immane sæviunt; sed cuncta ad
calculos redigere, esset opus longum, &
laboriosissimum, at addo Catalogum eo-
rum, quæ cæteris, & frequentius obvenire,
& gravius excruciare solent symptomata.

CLASSIS PRIMA SYMPTO- MATUM.

1. Dolores capitis diversimode affli-
gentes, tensivi, punctorii, gravantes,
nunc vagi, nunc periodici, & sudationi-
bus matutinis evanescentes.

2. Sopor profundus, cum insigni spirituum torpore opprimens, cum paroxismo ingruit, & cessante recedit.

3. Vigiliæ, terrores, metus, tristitia, quandoquidem deliria, ex improvviso invadentia, ita & brevi evanescentia.

4. Vertigines crebrò corripientes, quandoquidem in Epilepsiam, aut Apoplexiam raro desinentes.

5. Convulsiones, & motus spasmodici, modò universales, modò particulares, cum rigida membrorum contractione, & eadem facilitate, quaprehendunt, remittunt, iterumque recurrunt.

6. Colicam, & ventris dolores producit acerbissimos, cum Paralyfi, quæ nunc crura, brachia, manus, aliasque partes occupat; differt à veterum Paralyfi, quia sensus remanet, & alios resolutos dimittit, ac motus perit.

7. Dolores modò in lumbos, modò per cuncta membra oberrantes, nec ullum requiei tempus concedunt, & circa coxendicis ossa tormenta inferentes.

8. Dolores circa talos, & plantas pedum, qui, ob tenuitatem materiæ morbificæ, partes quasi penetrantes sunt.

9. Arthritis vaga, cum levi Paralyfi conjuncta, quæ cum dolore cessat, & dolore redit, & in eandem partem cum dolore remigrat.

10. Dolor crurum, tensivus, obtusus, in profundo latens, sub noctem ingravescens, qui manè post sudatiunculas mitescit.

11. Ventris dolores immanes, ut peritonæum disrumpere videantur, vexant non continuò, sed per intervalla; qui huc illuc per universum abdomen discurrent, soluta alvo, & flatibus per inferiora explosis, neutiquam mitigantur, ac in Paralyfin spuriam desinunt. Quibus indiciis dolor ventris scorbuticus, à Colico facile discriminatur.

12. Pleuritis spuria, etsi non minus atrox, quam vera, nec tussim, nec sputi expectorationem, nec pulsum durum, sed mollem habet inæqualem, cum febris, non acuta, sed lenta.

13. Respiratio difficilis, & pectoris angustia interpolata, quæ absque stertore, sibilo, aut tussi afficit, frequentius accidit, post vehementioris corporis, & animi motus.

14. Cordis palpitatio, & lipothymia frequens, quæ majori motu, & exercitatione exasperatur; ac balneis, venere, crapula, & excandescencia ingravescit; & sæpe repentina morte exstinguit.

15. Febres multigenæ, nunc lentæ & continuæ; nunc intermittentes, nunc con-

tinuæ, & tertianæ mixtæ, sc. Hæmetritæ; ab aliis febribus differentes; nunc pulsus tardus, debilis, & inæqualis in declinatione, urina qualis scorbuto familiaris.

SECUNDA CLASSIS SYMPTOMATUM.

1. Est deglutitio læsa, cum strangulationis metu.

2. Inanis vomendi conatus, nullam ventriculi gravitatem, nullum dolorem antecessorem habens.

3. Salivatio prodigiosa, haud multo inferior illi, quam hydrargyri inunctio excitare solet.

4. Alvi fluxus tam diurnus, quam nocturnus; quæ ejiciuntur fæces compactæ, sed copia cibum excedentes, coloris varii; nonnunquam etiam sanguinolenti, sine torminibus intestinorum sese manifestant.

5. Tarda, atque pigra alvi dejectio, qua fæces, & cibi reliquiæ rarò, nec prout assumptorum ratione descendunt.

6. Hæmorrhagiæ ingentes, ex uteri, ani, narium, pulmonum, ventriculi, crurum, labiorum arteriolis conspicuis erumpentes, nullumque aperturæ vestigium, post se relinquentes.

104 DE PODAGRA, ET COLICA

7. Urinæ insigniter variæ, initio tennes, & citrinæ: nunc crassæ atrescentes, rubræ, turbidæ, & in hæmorrhoidibus cum dolore, & ardore exstillant.

8. Exanthemata, seu maculæ, crurum, dorfi, pectoris, aliarumque partium, cum vario sparsim stigmate foedantes, primo rubicundæ, purpureæ, sublividæ, nigricantes, interdum mox ab eruptione disparentes, interdum ad plures annos infixæ, aliquando in gangrænam, & sphacelum abeunt.

9. Tubercula dura, undique dispersa & tumores maghi, in inguine, cæterisque glandularum sedibus fixi.

10. Erysipelas, illa nempe phlegmonis species, quæ rubro roseoque colore, de loco in locum migrat, sæpè singulis septimanis, interdum menstruatim, quandoquidem semel in anno recurrit.

11. Ulcera crurum, furarum, faciei, pudendorum carnes exedentia, nec pus, nec saniem proferentia, aut sicca ut plurimum, crustosisque, & ad livedinem tendentibus labiis circumsepta, quandoquidem in carcinoma, aut gangrænam desinentia.

12. Pedum tumores oedematosi, duri, rennentes, cum tendinum aliquali rigiditate vexantes.

13. Hydrops, cum ventris, hepatis & lienis tumore, quæ post catharsin ingravescere solet.

14. Gingivarum intumescencia, laxitas, putrefactio, cruentatio, dentes vacillantes, halitus foetidi.

15. Atrophia universalis, à succi nutritii inopia corrupta.

16. Scabies aspectu foetidissima, à succo nutritio depravato.

17. Cæcitas subitanea ex iisdem impuritatibus, cum summa pectoris angustia, difficili respiratione, & urinis turbidis, subruffis, nigricantibus conjuncta.

18. Icterus cum hydrope, ascitide, asthma.

19. Crepitus ossium, ad quosvis articulorum motus, & inflexiones, à WIL-
LISIO observatus.

20. Ossium fragilitas tanta, ut minimo impetu, quasi spontè transversim diffiliant; vide SCHENCK lib.5. obs.8. item FABRIT. HILDAN. cent.2. obs.68.

Sunt insuper alia symptomata, non minus prodigiosa, quæ detexisse traditur, sed studiosè omitto; & paucis ad-
moneam, non eadem symptomata, omnibus esse communia, non omni tem-
pore, eadem pati singulos, sunt enim

106 DE PODAGRA, ET COLICA
sicut aliorum morborum gradus, & pro
temporum horum varietate, variant quo-
que symptomata, & in diversis subje-
ctis ingens symptomatum diversitas ex-
oritur.

Sed in prædictis symptomatibus, non cre-
scit ultra sui principium; illis in augmen-
to est; in aliis eò usque vigent, ut ad
summum tyrannidis vestigium ascendisse
videantur, & pro temporum horum va-
rietate, variant quoque symptomata, quæ
proindè nunc pauciora, & mitiora, nunc
plura & graviora infestant, pro tempe-
ramentorum hominum diversitate.

Illæ enim symptomata discrepant in
causis procatarctæ, & conjunctis, quod
non mirum est, in diversis subjectis in-
gentem symptomatum diversitatem exo-
riri, & nil solennius hisce diris affectibus
est, quam cruciari per periodos.

Non est autem, quod quis, aut eosdem
in omnibus, aut semper ejusdem moris,
aliquot in quovis, expectet reperire.

Ex jam descriptis per compendium patet,
quod scorbuti malitia, quibus humani cor-
poris sanitati insidias struit, nunc clancu-
lum, nunc aperto Marte corpus devastet,
Quid lucis inde nobis affulserit, ad in-
vestigandam ipsius essentiam, tot diffi-
cultatum tenebris absconditam, hic con-
jun-

jungere consentaneum arbitror ; & qualiscunque demum is humor fuerit, unde scorbutus ortum sumit, & qualis hæc sit natura & conditio, ut cum nervis tales inimicitias gerat, ac exerceat graviores, quàm cum cæteris quibuscunque universi corporis partibus.

Nam Scorbutus, ab humoribus diversimodè peccantibus, ac eorum labefactata concoctione, ac depravata chylosi, ortum atque progressum capescit, & causa quidem primaria est plurimorum chronicorum morborum, ut & ipsæ Podagræ, qui ex hoc morbo initium atque incrementum sumunt. Nam bilis, succus lymphatico-pancreaticus, saliva, & lympa in vasis contenta, & extravasata, ac mucaginosa, internam fistulæ intestinalis faciem obtegens, diversis qualitatibus peccare possunt, uti falsedine, oleositate, crassitie, quantitate, & qualitate.

Scorbutus est aliqualis cachexiæ species, ab humoribus corruptis productus, & quia tam varius morbus est, plerumque distinguitur, in *calidum*, & *frigidum*, etsi ab una eademque causa proveniat; humoribus scilicet corruptis, & solidis vitiatis, attritu vasorum, aut relaxatione; vel à nimia humorum indigestione aut crassitie, qua de re, vel admodum tardè
ad

ad coctionem perveniunt, aut rarò eandem attingunt. Nam singuli, ad unam, eandemque causam universalem referri debent, (si rectè conjicio) humorum sc. indigestionem ; undè tot symptomata, pro ægrorum & temperamentorum diversitate, & obstructions ac humorum stagnationes oriuntur, quamvis in uno homine nunquam simul occurrant, & ab EUGALENO quadraginta novem species enumerantur, quæ pro symptomatum, & corporum afflictorum varietate sunt diversæ; & in diversis Regionibus septentrionalibus adeò familiaris est, ut nullus ferè reperiatur morbus, cui non aliquid scorbuti subdit.

Sed cum de dolore Colico, scorbutico simili, nobis jam sermo sit, & quia scorbutus tam varius sit morbus, sed rarò ad secundum, aut tertium gradum in hac Colica scorbutica ascendere videatur; cum causa proxima doloris colici scorbutici in hisce lateat, quod hic morbus plurimos invadat, ubi ferè nulla scorbuti signa sese manifestant, neque in suis signis diagnosticis sese offerunt, maculæ lividæ, sive purpureæ, neque ulcera scorbutica, tam cacoëthica, quam phagedænica, sub nomine ulceris, Cancris, gangrænæ, sphaceli, aliisque titulis.

Si quis autem oculos suos in prælongam, quæ præcessit dolorum Colicorum scorbuticorum seriem, attentius reflexerit, & mente singula eorum seriò, & citra præjudicium pensitaverit, perpauca sane tanto ex numero inveniet, quæ non ad SCORBUTI, ARTHRITIDIS, PODAGRÆ, NERVORUM, aut membranarum, sive nervulorum fibrillis contextorum, molestam irritationem commodius referantur, quam ad quarumlibet cæterarum partium offensiones; manifesto indicio, SERUM CAUSTICUM BILIOSUM ACRE LUBRICANS, stillare in partibus membranaceis, tendinosis tenerrimis, musculos & ossa, aliasque partes contegentibus, ac concomitantium porulis, seu orificiis acrimoniam insolitam acquirere, quæ doloribus vagis, fixis, & atrocibus, totam humani corporis machinam, ita afficere, & quasi destruere, summo cum impetu possit, ac dolores crudelissimos proferre valeat.

Sed his diris colicis affectibus nil solennius est, quam excruciare per periodos; non est ergò, quod quis, aut eosdem in omnibus, aut semper ejusdem moris, aliquos in quovis, expectet reperire,

Nam

LII DE PODAGRA, ET COLICA

Nam causam colicæ scorbuticæ, arthriticæ, atque podagræ continentem, & proximam, non in hoc, vel illo ex visceribus membro, tanquam in propria sui minera stabulari, sed per universum corpus diffusam, vel sanguini, vel succo nutritio, vel utriusque (licet fortassè non ex æquo) primariò inhærere certum est. Nam symptomata planè evincunt, ut non huic, aut illi, seu visceri, seu membro speciatim, præ cæteris affixa manere soleant, at de uno, in aliud membrum migrando, sæviant in cuncta; uti luce clarius elucescit in Podagra, Colica scorbutica, Arthritide, & quam arctissimo vinculo hi morbi sint conjuncti, ex præcedentibus vobis palam fuit, & ex sequentibus luce clarius patebit.

Quid enim dolor Colicus, scorbuticis similis, aliud est, quam Arthritis, sive Podagra? quæ ob labefactatam, tam in partibus, quam in succis corporis universis, à depravata chylicatione ortum ducunt, ob defectum spirituum animalium, quæ præcipua coctionis instrumenta sunt, ac per totum corpus deficiunt, immodico calore, & exercitio consumpti, undè corpus flaccescit, & coctiones non amplius rectè promoventur, ac ingens humorum colluvies sanguinem opprimit, & viscera
lus-

SCORBUTICÆ SIMILI. III

suffocat, donec tandem ista materies calorem putrescentem acquirit, prout ansa hujusmodi humoribus in motum ciendis data fuerit; sive à solidis vitiatis, vasorum attritu, aut relaxatione, vel à nimia humorum indigestione, vel crassitie, qua de re, admodum tardè ad coctionem perveniunt, vel rarò eandem attingunt, undè plurimorum morborum chronicorum proventus.

Et quia hic dolor Colicus tam diversis, inter se differentibus symptomatibus stipatus sit, quæ totum mesenterium, nunc peripheriam corporis obsident; undè dolores de uno in alium locum mutantur, cum doloribus rheumaticis, nec non contractionibus spasmodicis, usque in sphincterem ani, & vesicæ, imo ad extremos pedes exporrectis, cum pulsu debili, celeri, & inæquali, urina instar picis liquidæ atra, consistentiam bilis atræ ac olei lini cocti referente, cum motu tremulo, atque spasmodico, nervosum genus universum afficiente, à sero caustico bilioso, acri lubricante; undè lypothimia frequens, nausea, ructus, vomitus, singultus, miserum ægrum fatigant, cum siti inexhausta, & stranguria molesta, cum acutissimo ventris, intestinorum, lumborum, ilium, & inguinum dolore

di-

112 DE PODAGRA, ET COLICA
dilaniatur æger, cum paralyfi spuria, at-
que scorbutica totius corporis, excepto
capite.

Et quia non rarò inter Auctores confu-
fio oritur, inter Paralyfin & contractu-
ram; nam plurimi Paralyfin, Hemiple-
giam, Paraplegiam, ac Resolutionem, pro
una eademque motus, & fensus privatione
indiscriminatim ufurpant.

At alia eft fpecies Paralyfeos, quando mo-
tus læditur, illæfo fensu, tunc Contractura,
five Parefis scorbutica dicitur, & fic vice
verfa. Nam motus fæpiffime læditur, illæ-
fo fensu, quia ad motum efficiendum
major requiritur virtus, quam ad fen-
fum, & fic fæpiffime fensus læditur, illæ-
fo motu.

*Sic RIVERIUS: Non eft hæc Paraly-
fis propriè dicta, quæ fit, affecto nervo-
rum principio, fed abufive fic appellata,
quæ non totalis eft fensus, & motus pri-
vatio, ob denegatum animalis fpiritus in
nervos influxum; fed potius fensitive &
motivæ depravatio, quia dolorificus fensus
adeft.*

*Sic FERNELIUS de part. morb. lib.
6. cap. 10. Bilis in spinam dorsi, ac in
nervorum origines effunditur, undè obftructis
cæcis meatibus, per quos fpiritibus anima-*
li-

libus patere solet aditus, sequitur ea, quam videmus à bile sub finem februm intermittentium, transmissa Paralysis.

Hac eadem ratione solvi potest non minus ardua ista quæstio, quomodò fiat, ut progrediente isto malo, simul & semel acu instar infixæ mammæ pungantur, crura, inguina, & universa fere cutis, uti in Podagricis aliisque scorbuticis fit, ut ne stragulorum quidem attactum ferant. Per quas unquam vias fertur ista bilis ab intestinis in eas partes? Non per eas venas, quæ solæ ad intestina pertinent, meseraicas dictas, à quibus trahi hunc mordacem humorem quis credat, cum nonnisi familiarem alliciat? Quapropter cum HIPPOCRATE agnoscimus, in corpore humano omnia esse perspirabilia, & naturam semper viam moliri, quamvis crassa, per exiles transitura meatus.

Sed quomodò nostris Paralyticis, illæso sensu, pereat motus, cum nervi sint sensus atque motus organa, præter paucos, qui feruntur ad sensoria, ut oculos, & linguam, in quibus alius est qui movet, & alius qui sensu afficit; aliter sublato motu, sensum permanere non posse, quia spiritus animales, motricis & sensus facultatis Auctores, feruntur per

H unam

114 DE PODAGRA, ET COLICA
unam eandemque viam, nempe nervi medullam, cujus poris obstructis, intercipi utramque facultatem necesse est.

Sed cum hac in re, admodum variant Auctores; alii statuunt nervos quosdam esse molliores, & imbecilliores, eosque sensui dicatos, & alios duriores ac validiores, hos motui addictos. His obstructis perire motum partium, quas movere debent. Illis integris, quibus sola sentiendi facultas inest, ut nervis, qui feruntur ad cutem, sensus adest. Alii iterum referunt ad majorem, vel minorem spirituum copiam, quia ad motum pluribus spiritibus opus, quam ad sensum, cum ad agendum majore robore opus sit, quam ad patiendum.

Nec enim nervi omnes duri motorii sunt, nec omnes molles sensifici, ut patet ex secundæ, & septimæ conjugationis nervis, qui oculi & linguæ motui dicati sunt, & tamen molliores sunt, quia cerebro propiores; Ac sextæ conjugationis nervulo stomachico dicto, qui soli orificio ventriculi inservit, & durior est, quia à cerebro remotior; sed unus idemque nervus, ut dictum est, & sentiendi, & movendi facultate differt, pro varia partis, in quam inferitur, conditione.

Nam

Nam si in musculos, qui sunt immediata motus organa, distribuatur, eis movendi facultatem impertit; si in cutem, quæ est tactus organum, inferatur, solam sentiendi facultatem communicat.

Alii iterum audacter tenere audent, sensum perire non posse, nisi prius amisso motu, cum tamen sæpius fiat, ut integro motu, pereat sensus, ut variis exemplis demonstrare licet. Nec satisfacit, quod respondent ad epilepticos, comatosos, phreniticos aliosque, quibus, manente motu, sensus est læsus; vel propter imaginationem læsam illos non sentire, quanquam in illis maneat sensus.

Jam adhuc alia quærenda est ratio, ut nodum hunc solvamus. Nervum in duas substantias dividimus, medullarem unam internam, alteram membranofam, atque externam, per illam nervus vim motricem consequitur, eamque trahit à cerebro, quo cum substantiam habet communem, ut nihil dicam de spiritibus, per eam influentibus. Per hanc vim sensifcam adipiscitur, eamque trahit à membranis cerebri, cum quibus habet communem substantiam. Illa quovis humore obstru-

116 DE PODAGRA, ET COLICA

cta, perit motus. Hac præ nimia humiditate laxata & resoluta, sensus deperditur; si enim utramque partem humor occupat, Paralysis est absoluta; sin alteram tantum, tunc perit sensus, integro motu, nunc motus, integro sensu, ut in nostris Paralyticis, quibus nervorum substantia medullaris bile infarcta, & obstructa est, ideoque motu privantur.

Membranosa verò, & fibrosa sana est, coruscantibus, aut in eam transmissis, ab animali facultate, tanquam Sole, spirituum radiis, quæ est elegans GALENI comparatio, de symptom. causis; ideoque biliosæ materiæ appulsu, se laceffitam sentit, sed & externas aëris injurias, molestissimè ferre comperitum est.

Sed in Colica Pictonum, epilepsiæ, & coecitatis causæ, ab ipsis cerebri ventriculis, & origine nervi optici, illis mordaci isto humore vellicatis, hoc vero obstructo, petendæ sunt.

Sed cum humor biliosus, qui ex quavis causa exustus est, crassior factus fuerit, hæret diutius in præcordiis, antequam caloris nativi robore, atque convenientibus remediis, attenuatus fuerit,

ac per alvum perfecta crisi, vel ut sæpius contingit, imperfecta, in Epilepsiam, vel Paralyfin degeneraverit; & tales si in ægros incidimus, diuturniorem fore morbum, si non etiam periculosum, certò pronuntiare non dubitemus.

Sed cum passim apud Auctores, de diversis Colicis differitur, & inter illos Vir excell. ingenii, LAZ. RIVERIUS, ubi loquitur, de dolore Colico-scorbutico.

Est & alia Colicæ biliosæ species, quæ in Paralyfin degenerat, NB (VETERIBUS PARUM NOTA), quæ fit ab humore bilioso, non in colon intestinum, quemadmodum alia colica; NB. Sed in abdominis membranis repente effuso, qui eo transfertur, à cystide fellea, vel mesenterio, in crisi diuturna februm, aut à vehementi iracundia, aliaque causa externa, quando propter obstructiones ad vias communes effundi nequit, sed motu præpostero, ad prædictas membranas repentinè excutitur.

Hinc dolor oritur crudelissimus (Colicum imitatus) qui neque clysteribus, neque fomentis, aut aliis remediis cedit, & ad plures menses, imo annos perseverat, undè corpus contabescit.

Interdum vero in ipsum cerebrum erum-

118 DE PODAGRA, ET COLICA
pit, & convulsiones epilepticos producit,
undè mors ut plurimum solet succedere.

Sic WALDSCHMIDIUS apud J. ALLEN, in Synopsi: *Est Colica quædam scorbutica, ubi ægri conqueruntur de intenso dolore circà lumbos, & non in intestinis, sed in musculis abdominis; ibi mesenterium afficitur, & causa morbifica hæret in plexibus nervorum, NB. SUCCO NUTRITIO DEPRAVATO; sæpè terminatur in Paralyfin, & cessante paralyfi redit dolor consuetus.*

Sic GUILIELMUS BALLONIUS, ubi loquitur de dolore Colico-scorbutico: *Imum ventrem exercent dolores, quos frustra multis adhibitis remediis, sive ea assumantur, solvere cogitabis, injectis clysteribus non solvuntur, & medicamentis paulo vehementioribus irritantur, ob similitudinem NB. (Colici nuncupantur), quibus tamen non in colo intestino sedes est, sed in Peritonæo, vel in membranis, quæ abdomini, & ventris partibus obtenduntur.*

Sed quo modo hunc morbum jam nominare debemus, quia veteribus parum notus fuit, uti fatetur LAZ. RIVIERIUS in Cap. de Paralyfi. *Quia humores biliosi acres, non in intestinum Colum, ut alia Colica, sed in abdominis membranis, ubi motu præpostero repente amendantur,*
cly-

qui dolor, NB. (Colicum imitatus) neque clysteribus, neque fomentis, neque aliis remediis cedit, sed ad plures menses, imo annos perseverat, undè corpus contabescit, & mors plerumque præ foribus exstat.

Non mirum igitur, quod veteres hunc morbum non curare potuerint. Sed si cogitassent, quam facilè arthritis, podagra, herpes, scabies, & alii morbi cutanei, in dolores Colicos, (quasi imitatos) variare possint; & è contra, tales dolores Colici, in arth. podagram, ad corporis peripheriam, ubi illorum sedes est, & esse debet, ubi per propria sua emunctoria, non tam cito amandari possint, propter labefactatam humorum concoctionem, & spirituum inopiam, ægrum sæpissime conjiciunt in summum vitæ periculum, cum ventris torminibus, lassitudine spontanea, & propensione ad diarrhæam, cum ructibus nidorosis, qui putrescentem gustum referunt.

Sed quam diu talia vigent symptomata, dolores artuum leniuntur, & paroxismus longas moras neçtit, ac patiens summa ægritudine potius conficitur, quam dolore.

Si autem hosce dolores, per enemata, purgantia, aliaque remedia alvum laxantia, mitigare volueris, ægrum conjicies

in summum vitæ periculum, aut in mortem, uti sæpius ab imperitis, & adhuc nuper observare licuit, & plerique, qui podagra retrocessa pereunt, non aliter moriuntur, nisi quod morbus ab imperitis male tractatus fuerit.

Nam nullus est morbus, in quo medicus tam facile peccare possit, quam in curatione podagræ retropulsæ.

Si autem Podagricum talia symptomata vexaverint, quod in tali casu semper fit, propter corporis languescentiam, & spirituum inopiam, ut ad peripheriam corporis materia peccans amandari nequeat.

Quapropter ut sanguis invigoretur, mox præscribatur brodium, ex vino antiquo Rhenano generoso, cum cerevisia Neomagensi, & pulv. diaph. resorbentes, ut materia peccans in abdominis membranis, aliisque corporis partibus leniatur, & à centro, ad peripheriam corporis deducatur.

Sicque dolores, qui jam in ventriculo & intestinorum, ac abdominis membranis, diu latuerint, ad artus demandabuntur, ubi dolores acerrimos excitant, & eorum sedes est, sed non in intestinis, uti olim cogitatum fuit; nam nunquam vidimus podagricum à dolore in artubus perire.

Ni-

Nisi, quod diaphoresi, nimia passim vi, & copia, ob humorum languescen-
tiam, & spirituum inopiam, ad artus de-
mandetur, plus quam ferre valeat; nam
tali modo, conjiceret tuum ægrotum in
apoplexiam indubitata, quod scio sæpè
factum fuisse, aut in mortem.

Sed quo vehementior dolor in corpo-
ris peripheria, eo citius præterlabitur pa-
roxismus, nam sine dolore externo, Po-
dagricus curabitur nunquam, nisi medi-
camentis in præcedentibus descriptis.

Caveas quoque, ne ad dolores lenien-
dos, aut cataplasmatibus, sive empla-
stris, oleo Kinkinemalo, aliisque topicis
utaris, sicque peccantem materiam, à
Peripheria, ad centrum corporis deducas,
unde innumera mala expectanda sunt, in
corporis peripheria, ut obstructions per-
tinaces, callositates, scirrhusitates, ac
nodosæ calcis concretiones in ligamenta
produces; eodem modo in renibus, hanc
trophaceam materiam depones, quare Po-
dagrici, plerumque calculosi sunt, &
propter supinum decubitus diuturnum
magis agglutinatur.

Quapropter si tales dolores, sive Co-
lico-scorbuticos, Arthriticos, Podagricos,
aliosque, vel quali nomine aliter indigi-
tare volueris, diu latuerint, qui neque

clysteribus, aut aliis remediis cedunt, & ad plures menses, imo annos durare possunt, siue (ob similitudinem) Colico-scorbuticos, siue diuturnos abdominis dolores, nominare volueris, cum, vel sine vomitu, aut lassitudine spontanea, vel propensione ad diarrhæam, semper ad peripheriam corporis deducendi sunt, nam *serum causticum biliosum* aliter evacuari nequit.

Quapropter semper ante oculos habeto, Podagram, Arthritidem, Scorbutum, aut alios morbos chronicos, ab humorum languescentia, leu spirituum inopia productos esse, & quod natura admodum debilis sit, hancque peccantem materiam exterminare, siue in articulos, aut per insensibilem transpirationem per propria sua emunctoria, deponere nesciat.

Et quia morbi chronici, tam varii sunt, actione differentes, prout languescentes corporum humores corrupti sunt constituti, nam qualis chylus, talis sanguis, uti patet in cachexia, scorbuto, hydrope, arthritide, aliisque, pro humorum peccantium, & discrasia constitutione.

Si autem talis lympa, quæ muriatica est, ad acidum vergit, producit hydropem, cachexiam, scorbutum; si ad austerum, obstructionum pertinacissimorum,
cal-

callositatis, scirrhusitatis, lapidificationis ortus & progressus exhibet, ac tandem nodosas calcis concretiones producit. Si circa articulos, ac ligamenta verò, ad acre oleosum vergit, intestinos motus, inflammationes & dolores atroces, punctorios, & acutos producit, ut plurimum concomitante cephalalgia, & ardores renum admodum molestos.

Sed quam primum illa corpora varia, inter se concurrentia, resolvuntur, tunc flatulenti habitus, borborigmi, murmura, ructus, dolores Colicos imitantes, & tympanitides indè nascuntur, eodem modò, ac in scorbuto.

Si autem consideremus, quam facilè Arthritis, Paralysis, & Contractura, in dolorem Colicum; & è contra, talis dolor in Arthritidem, Paralyfin, ac Contracturam degenerare possit.

Eodem modò, de morbis pulmonum, quodnam habeant commercium, cum partibus generationi dicatis, ac viis urinariis? si autem aliquis rogaret, per quas vias hoc fieri posset, ipsi responderem, illas mihi planè ignotas esse.

Si autem L. B. rogarem, qualem effectum non quotidie videmus, ex castratione, ad barbam, vocem, ac calvitiam?

Et quid Cervorum cornua relationis ha-

124 DE PODAGRA, ET COLICA

habent ad eorundem testiculos, ubi enim illi extirpati sunt, Cornuum excrescentiam aut cohibent, vel eorum excretorum decidentiam impediunt annuam.

Et quales effectus non videmus in morborum successione, quales quotidie in Praxi occurrunt, de una parte in aliam, etiamsi remotam?

Et qualem differentiam non videmus, inter morbos acutos, atque choronicos? Quæ differentia probari potest, si ob oculos ponamus, quam citò morbi Acuti aut Epidemici aliquem è medio tollant, & coctionem humorum maturam producant; Chronici autem, admodum tardè, vel nunquam, aut longa temporis mora, eandem coctionem attingunt.

Quæ differentia facilè patebit, si indigestioni parumper horum morborum immoremur, ad indagandas veras indicationes, horum morborum curativas.

Sive jam introspeciamus interiora terræ viscera, quæ à vaporum exhalantium interventu, aërem inquinant, ac inficiant Athmosphæram diversis miasmatibus; undè corpus humanum morbis Epidemicis afficitur diversis, pro ratione aëris inquinati, ab exhalatione à terræ gremio disrupto; nonne morbos acutissimos produ-

ducit, qui habent motum celerem, ac violentum, ac pro diversa temporum constitutione, & Atmosphæræ conditione, diversi generantur morbi.

Ut sunt febres malignæ, petechiales, putridæ, catharrhales, lentæ, verminosæ; ac variolæ & morbilli, pessimum induere solent morem.

Ad tales referri debent, dysenterix epidemicæ, febres purpuratæ, biliosæ, ardentes, ophthalmiæ, tusses convulsivæ, exanthemata, aliaque quam plurima morborum genera.

Nonne morbi breves sunt, qui motum habent celerem, ac violentum, qui citò interimunt, aut ad maturationem perduunt? In chronicis autem, salia diu latent in corpore, antequam suæ præsentix faciant fidem.

Quid non contingit in morbis contagiosis? ubi ab effluviis, aut aliis invisibilibus miasmatibus, accessu unum corpus aliud ad nutum, & motum suum disponit, ut in quibusdam regionibus & locis, casus circa vitam, morbum atque incolarum mortem demonstrant.

Et quare in una eademque vicinia grassantibus variolis, omnes ferè infantes, qui iis nondum inquinati fuerunt,
hanc

126 DE PODAGRA, ET COLICA
hanc labem contrahunt, uti sæpè insigni
infantum pernicie observatum fuit?

Et qua ratione salia diu latent in corpore, quæ nullam faciunt suæ præsentiaë fidem? uti patet, post morsum canis rabidi, podagram, arthritidem, scorbutum, rheumatismum, melancholiam, maniam, epilepsiam, luem veneream, scabiem, elephantiasin, rachitidem, passionem hysterica, & alios quam plurimos, diversi generis morbos.

Ita etiam in febribus petechialibus, catharris, & morbis artificum.

Nonne videmus in toxico canis rabidi morsu, vel saliva communicata, post dies aliquot, seu menses, imò post plurimorum annorum decursum hydrophobiam induxisse? cum non tantum immediate aëri originem debeant suam, sed ut plurimum, horum omnium parenti,
HUMORUM SCIL. INDIGESTION-
NI.

Sed cum organa secretoria, in morbis chronicis, eò usque sunt relaxata, ac debilitata, ut functionibus suis, ad defæcandum sanguinem, sint imparia ritè fungendis, ad ejus superfluitates eliminandas destinatis.

Cum enim dicti humores, mora diuturniore in corpore varias putrefactiones
su-

subeant, tales morborum species produ-
cunt, pro depravatorum corporum va-
rietate.

Sed quod debilitas, & relaxatio orga-
norum secretoriorum, plurimorum mor-
borum chronicorum causa sit, patet in se-
nibus, quorum coctiones, & spiritus
eorum instrumenta, sunt consumpti, à
repetitis functionibus; quod in junioribus
contrarium videmus, ubi organa secreto-
ria calore naturali instruuntur, ut fun-
ctionibus ritè peragendis neutiquam de-
ficient.

Quapropter tempus hyemale, senibus
maxime est infestum, propter vitam se-
dentariam, in administranda corporis œ-
conomia, & rarò hyeme tales morbos
effugiunt, ad quos magis sunt proclives,
Podagram scil. Scorbutum, Asthma,
Pthises, Tusses, aliosque quam pluri-
mos, quo tempore ingens humorum sa-
burra accumulatur.

Quapropter in plerisque morbis chro-
nicis, & venæ sectio, & purgatio in
principio, quoties opus fuerit repetita,
imperanda sunt; antequam remediis cor-
roborantibus opera danda est.

Sed quia ex morbida glandularum, &
vasorum lymphaticorum constitutione in
senibus, glandulæ, & vasa lymphatica,
plus

128 DE PODAGRA, ET COLICA

plus solitò reſerata lympham fluidiorem, ac copioſiorem adferunt; ſic calculus ſæpiſſime infeſtat, & obſtructiones producit pertinaciſſimas, quæ calloſitatem, ſcirrhoſitatem, ortum, & progreſſum lapidificationis exhibent, ac tandem nodofas calcis concrectiones in ligamenti producit; uti fit, in Scorbuto, Podagra, Arthritide, aut aliis morbis chronicis.

Et prout in præcedentibus dixi, quod plerique morbi chronici, unam eandemque cauſam proximam agnoſcant, hos labefactatæ, tam in partibus, quam in ſucis univerſis corporis, concoctioni ortum debere exiſtimo.

Sic etiam, in morbis acutis, febribus continuis, aliſque ardentibus, attendendum eſt, ubi tractu temporis ingens humorum colluvies congeſta fuerit, quæ ſanguinem opprimat, ac viſcera ſuffocet, diu ibidem hæſere poteſt, antequam iſta materies calorem putreſcentem acquirere poſſit, vel anſa huiusmodi humoribus in motum ciendis data fuerit, (nam corpora non agunt niſi ſoluta) vel aliquod miaſma accedat, hiſce humoribus in motum ciendis efficaciffimum.

Eodem modo, ac in chronicis dictum eſt, qui cauſam proximam unam eandemque agnoſcunt; uti patet in ſcorbuto, qui

qui levis cachexiæ species est, etsi causa calida vel frigida sit, quæ ab humoribus corruptis, & solidis vitiatis, attritu vasorum, aut relaxatione, dependet.

Vel ab humorum indigestione, aut crassitie ortum sumunt, qua de re vel admodum tardè ad coctionem perveniunt, aut rarò eandem attingunt, ita, ut ad eandem causam universalem referri debeant, tam in chronicis, quam in acutis, *ad humorum scilicet indigestionem.*

Uti clarissime patet in vino, succis plantarum, aliisque ejusdem farinæ, quæ diu quiescunt, quamquam partibus motui concipiendis aptissimis scateant, nec prius fermentescunt, quam partes fermentationi aptæ expediantur.

Sic fœnum madidum repositum, nonne post mensem unum, aut alterum accenditur; sic salia præcedentium morborum diu quiescunt, antequam in motum effrenem rapiantur, nisi partibus mixtis liberentur.

Sed prout aër inquinatus, eminus, aut cominus, citius aut tardius malis miasmatibus inquinatur, & nostris humoribus commisceri poterit, eo morbi sunt leviores, aut graviores.

Sed quid de morbis EPIDEMICIS
I sta-

130 DE PODAGRA, ET COLICA
statuerim, longè aliter sese res habet, quam
in ACUTIS, à causa externa excitatis,
aut peculiari sanguinis, aut aliarum par-
tium inflammatione natis, quæ non à
causa aliqua generaliori, ab aëre depen-
dent, sed à particulari, particularium cor-
porum anomalia, vel intemperie produ-
cuntur, cum annis fere quibuslibet oc-
currant; & pro diversa symptomatum
serie graviores, aut leviores sunt.

Sed Epidemici, quo citius, aut tar-
dius, miasmata in actum deducuntur, aut
in quiete permanent, vel quo major hu-
morum labefactatio est, eo morbi sunt
graviores, aut leviores.

Cum pestis familiarissima sit in Ægy-
pto, qui incipit autumno, & desinit cir-
ca solstitium, notandum est, quod pestis
ferè nunquam ibidem oriatur, nisi Nilus
nimium increseat, & totas regiones in-
undet, sicque per evaporationem aquæ
putridæ Niloticæ ibidem pestis propaga-
tur, & illa corpora labefactata, ad con-
cipiendum tale miasma matura, magis af-
fligit, quam alia.

Videte, quomodo poma, pyra, alia-
que fructuum ac plantarum genera, suum
tempus habent ut maturecant, sic quo-
que morbi infiniti.

Inspicite fermentationes, quam ritè si
in

in quiete permanent, & non turbantur in suo motu, opus suum absolvunt, sed quam primum turbantur in suo munere, non bene succedit fermentatio, particulæ enim acescunt, aut ad vappescentiam, & ad putredinem vergunt.

Ita etiam in plurimis morbis, tam chronicis, quam acutis attendendum est, nam tempus debet adesse maturationis, coctionis, & despumationis, antequam eorum morborum solutiones habere possimus; sed non turbanda NATURA, medicaminum copia, aut farragine; illa tibi dux erit, hanc sequere secundum leges mechanicas, in omni machina observandas, & qui illam in earum dispositione non servat, & à recta deflectit semita, in mille errores, aut ridicula deliramenta, sine dubio debet incidere.

Nam relicta natura, nescio quibus nugis, & pugnantibus cum ipsius rei veritate figmentis, ac ratiociniis, in horrenda opinionum portenta prolapsi sunt, ut suam, licet subtiliter excogitatam hypothesein, cachinnis & risui exposuerint.

Nam natura sui juris est, nec ingeniis addicta nostris, suosque motus occultos peragit, ut nulla alia via facilius, quam per observationum experientiam, ratione unctam, investigari queat.

Quamobrem, nisi attenta meditatione inclinationi obviam iveris illi, & internos temperamenti motus recta ratione dirigere noveris, præfatis, aliisque erroribus obnoxius eris quam maximè.

Præsertim cum medici ante novissimè elapsum sæculum, nec machinarum in corpore fabricam, neque liquorum indolem explorassent agitantium, futilis falsarum opinionum substituta fuit Theoria, ubi deductæ sunt regulæ, nugarum, & errorum farragine, in morbis curandis adhibendæ, nil restabat, nisi Rhetorum flores Philosophici, ac verborum lenocinia.

Quapropter ars medica, cujus observandi ratio continuo augeri, ac magis amplificari potuisset, rejecta, atque neglecta fuit, quantum enim rei medicæ damnum, & ægrotantium strages inde sequuta fuerit, quis est, qui dubitat?

Uberiora si quis expetat testimonia, ante bis mille, & plura sæcula, adeat viros, artium & scientiarum professores, consulat mortuos, sæcula jungat, & ætates, nil doctrinarum stabile reperiet, nisi illud unicum, *quod naturalis, à corporum naturalium diversitate prolata, firmavit Experientia.*

Reliqua ex votis, & sententiis Doctorum,

rum, in suas sectas inanes distributa, suo apparuerunt, & disparuerunt tempore, ut optimè dixerit GALENUS, *falsas opiniones animos præoccupantes, non solum surdos, sed etiam cæcos facere, ita ut videre nequeant, quæ aliis clara apparent.*

Quid jam enim differt Praxis medica in illis, quibus ratione, & experientia, per observationum, & experimentorum regulas deducta est, quam qui sapientia Geometrico-Mathematica instructi sunt, quæ magis ad speculandas rerum causas, & affectuum rationes tendit. An in praxi medica feliciores sunt cæteris?

Attamen, quæ admiranda Theoretica disciplina, quod attinet data, postulata, propositiones, & reliqua id genus sapientiæ Mechanicæ Geometricæ, divina & aurea sunt præcepta in suo genere, sed gemmarum instar fulgentium magis radiarent, omni pretio clariora, si illa æque valerent in Praxi Medica, quam in mera speculatione Theoretica, quo successu huc usque destituta sunt saluberrima tempora.

At vero morbi CHRONICI, genium habent, longè ab his diversum, cum non ita aëri immediate originem debent suam, sed ut plurimum communi omnium horum parenti, HUMORUM SCIL. INDIGESTIONI. I 3 Ubi

Ubi enim quis naturæ principia jam habuerit infirmata, ac protrita, à continuis erroribus circa *sex res non naturales*; aut si organa secretoria eo usque fuerint debilitata, ut functionibus suis, ad defæcandum sanguinem eliminandum destinatis, sint imparia, dicti humores varias putrefactiones subeunt; tandemque erumpunt in varias morborum species, pro depravatorum corporum varietate.

Et prout hi succi depravati, variam habent indolem, ita varie in hanc illamve partem dilabuntur, quæ eisdem excipiendis aptissima est, atque ibi sensim longam illam symptomatum seriem explicant, quæ partim ab ataxia istis partibus illata solent exoriri: Quæ duo simul juncta, istam naturæ anamoliam constituunt, quæ morbi alicujus nomine insignitur.

Et quod ejusmodi impotentia naturæ, ad coquendos humores, morborum plethorumque chronicorum causa sit, facile liquebit, si animadvertamus SENES, quorum coctiones læsæ sunt, à repetitis vitæ longioris functionibus, quorum spiritus absumpti, hisce affectibus magis esse obnoxios, quam sunt juniores, quorum vitæ flamma magis accensa, recrementa

coacervata dissipat, & quorum organa secretoria isto caloris naturalis subsidio instruuntur, ut functionibus rite paragendis neutiquam deficient, nisi quasi suffocentur à nimia humorum copia.

Sed veritas magis patebit, ab ingenti, & stupendo, ac incredibili emolumento, quod morbis chronicis obnoxii percipiunt à nimio motu, equitatione, ac alio exercitii genere, quantum corpus non invigorat, firmaturque, dum à continua corporis succussione calor naturalis reaccenditur, & organa secretioni destinata, in munere depurandi sanguinem rite fungendo promoventur: Unde necesse est, ut sequatur digestionum quasi deperditarum renovatio, & totius corporis crasis optima.

Jam ex allegatis clarissime elucescit, quod non in podagra tantum, sed & in aliis quoque chronicis morbis, ubi nullum symptoma manifestum contraindicat, Tinct. Min. Martis Nativæ, cum antiscorbuticis, magnum omnino commodum adferre possint, cum sanguini æstatis calorem vel media hyeme consulent.

Nam podagra id sibi habet peculiare, ut non tantum non juvetur, sed & lædatur à catharticis; tamen in aliis chronicis plerisque & venæ sectio, & purgatio,

136 DE PODAGRA, ET COLICA
quoties opus fuerit repetita, imperanda
sunt, antequam remediis corroborantibus
præcedentibus opera danda est.

Quapropter Doctiss. TH. SYDENH.
in tractatu de podagra, dicit: *Eum qui
remedium ad hanc intentionem satisfacien-
dam invenire potuerit, longe majora, in
sananda Podagra, ac aliis morbis chroni-
cis præstare posse, quam ipse se posse exi-
stimaverit.*

Quapropter concoctionum robur, ac
firmitudo partium, sensim reduci debet,
ac restaurari, pro modulo pristinae, ac
consuetæ corporis œconomiae; & certissi-
mè voto frustrabitur is, qui in hoc, a-
liove morbo chronico omnem curatio-
nem solis medicamentis absolvi posse au-
tumat, absque exercitiis.

Si autem respiciamus, ad dolores Co-
licos scorbuticis similes, sive ad poda-
gram retrocessam, qui tales enormes do-
lores producant, cum vomitu bilioso,
& rosione acerrima totius mesenterii, ac
partium membranacearum Peritonæi, alia-
rumque nervosarum; quales dolores à ve-
teribus pro incurabilibus habiti; & plurimi
podagrici hoc in actu ultimum obierunt
diem; quia nesciverunt, quorsum ma-
teria peccans evacuare debuerat.

Et plurimi adhuc Neoterici reperiun-
tur,

tur, qui hosce dolores mitigare voluerunt, per enemata, purgantia, narcotica, aliaque quam plurima, sed hisce remediis non cedit, & fortioribus irritatur, cum tamen nihil facilius sit, quam peccantem materiam suo modo eliminare.

Sed plurimi medici, quam primum dolores ventris enormes sese manifestant, mox Colicos accusant, etsi non in intestino Colo, ubi dolorum Colicorum biliosorum sedes est, reperitur, sed in toto abdomine.

Et quia humores diversimodè peccare possint, si respiciamus ad labefactatam concoctionem, aut humorum indigestionem, unde humorum labefactorum aggestio possit præcaveri, quod in aliis humoralibus morbis idem est, qui quantitate, vel qualitate, vel his simul peccant, ac plethoram, aut cacochimiam constituunt; prout bilis, succus lymphatico-pancreaticus, saliva, lympa in vasis contenta, & extravasata sit constituta.

Nam sæpe humores acrimonia salina peccant, ut in nimio corporis motu, aëre æstuante, vigiliis extremis, alvo constipata, vel à nimia plus solito evacuatione; vel crassitie, ac oleositate, quando ad calculorum generationem viam sternit.

Si enim quantitate & qualitate simul bilis peccat, ut in cholera, ab alimentis oleosis, aut spirituosius acris affatim assumptis.

Vel si istis humoribus alius admisceatur humor præter naturam, mutatur bilis in porraceam, aut æruginosam, ob admixtum acidum lymphaticum, uti in dolore Colico Pictonum videmus, à vinis acidis, ac austeris assumptis.

Sic etiam saliva, & succus lymphaticus pancreaticus, & lymphæ in vasis contenta, & extravasata, uti in scorbuto, hydrope, aliisque peccare possunt; unde est, quod scorbutus tam varius sit morbus, & ab Eugaleno quadraginta novem species enumerentur, etsi ab una eademque causa proveniant, HUMORUM SCIL. INDIGESTIONE.

Si autem ob oculos ponamus, differentiam Colici scorbutici, Pictonici, aut biliosi. Nam dolor in intestinis tenuibus, magis punctorius est, quam in crassis, & diutius durat, uti videmus, in Colica scorbutica simili, sive Pictonica.

Nam dolor Colicus *biliosus* oritur ab obstructione, per quam fæces erumpere prohibentur, uterque tamen communem habet dolorem, & alvi adstrictionem.

Sed

Sed in *scorbutico*, ac *Piëtonico*, nil præter fæces, intra volvulum contentas, per Enemata excernuntur, sed in biliolo etiam humores.

In utroque Colico *Scorbutico*, ac *Piëtonico* febris adest, sed magis acuta in *biliosa* Colica, propter inflammationem conjunctam, ex quibus signis perfectè distinguitur.

Colico-*scorbuticus* dolor differt, quod in illo fit dolor lancinans, mordax, ac rodens, non in intestinis tantum; sed etiam in partibus membranaceis totius abdominis peritonæi, lumbis, cruribus, pectore, mammis, aliisque partibus, per totum corpus dispersis.

Biliosus verò, à pituita vel flatu distendens, est gravans, circà Epigastrium, dextra præsertim parte; & solum Colon afficit, quod indicat dolor supra umbilicum, ubi situm est, & flatu emissio, aut pituita excreta, dolor statim quiescit.

Scorbuticus enim perseverat, etiam fluente alvo, & per vomitum excreta omnino biliosa sunt, & cum ardore, atque morsu exeunt, & si bilis vomitus non succedat, singultus imminet.

In *Biliosa* autem, solius pituitæ vomitus, vel saltem sola nausea.

140 DE PODAGRA, ET COLICA

In *scorbutica* Colica, urina biliosa acris, cum stranguria sæpissimè excernitur, ut plerisque imponat, non scorbutica, sed nephritica cruciari.

In *biliosa*, urina alba, tenuis, & cruda est.

In Colica autem *scorbutica*, os amari-
cat, sitis urget, cibi fastidium perpetuum,
vigiliæ assiduæ, hypochondria æstuant, ar-
teriæ palpitant, & febris lenta miserum
ægrum conficit, quem prius tabidum,
arefactum, quam doloris expertem con-
spicere licebit, quæ signa aliis omnibus
Colicis doloribus desunt.

DE PODAGRA, ET ARTHRITIDE.

Duplices dantur Paroxysmi in Poda-
gra, generalis nempe & particularis, qui
universalem constituunt. Nam diversa
fortitur nomina, prout nempe diversas
occupat partes, si pedes afficiat, Poda-
gra, & sic, pro ratione partis affectæ; si
enim brachia, crura, humeri infestan-
tur simul, dicitur Arthritis; si autem
de parte in partem devolvantur dolores,
Arthritis vaga nominatur scorbutica; cum
tamen omnes podagræ species, immédia-
te scorbutico originem debent suam.

Nam

Nam duplices dantur Paroxysmi in Podagra, unus generalis, alter particularis, qui universalem constituit.

Particularis, singulis diebus recrudesceat, hora potissimum vespertina, & circa auroram sensim mitescere incipit, nam in his paroxysmis observamus posteriores, & acutiores, & breviores esse, donec consumpta penè materia podagrica, æger perfectæ sanitati restituatur, sed primis diebus alvus inobediens est; at morbo parum suppurato, redeunt appetitus, & somnus, alvi laxitas, & reliqua sanitatis indicia.

Si superveniat membrorum lassitudo, aut dolor ventris, & nonnunquam diarrhæa, artuum dolores leniuntur, recedentibus verò hisce symptomatibus, iterum excitantur; & modo has, modo alias partes invadit, & ægri patientiam continuo exercet.

Si derepente materia Podagram efficiens evanuerit, sive retrocesserit, incidunt in vehementes stomachi dolores, & vomitus biliosos, & multis ante invasionem podagræ diebus superveniunt dolores Colici, quibus evanescentibus, statim manifestatur Podagra, ex quibus confirmatur consensus ventriculi & intestinorum, inter glandulas cutis & intestinorum.

Do

Dolente podagra, abstineto à medicamentis anodino-emollientibus, nam ex nimio eorum usu, generantur Tophi in articulis, & exinde contracturæ talium partium succedunt.

Ante podagram, & quandoque post sanatam solet supervenire pedum tumor œdematofus, qui per crisin quasi ad pedes secernit; in hisce itaque tumoribus pedum, ante, aut post sanatam podagram, nullum inquam, neque internum, neque externum adhibeas remedium, nam sæpissime observavimus, per remedia interne, vel externe adhibita, materiam podagricam ad interiora retrocessisse, & Apoplexiam, Asthmata, febres, imo mortem repentinam produxisse; conducit itaque tali in casu, omnia naturæ committere, & primis cōditionibus prospicere, diætam, & exercitium instituire obs. SENNERTO de Arthrit. Dysenteria Podagram sanat, & aliæ eliquationes valde prosunt, quæ ad inferas sedes repunt, monente HIPPOCRATES 2. Prore.

Arthritis interdum mutatur in Colicam, & Colica in Arthritidem, aliquando in hydropem Ascitidem, & Anasarcam.

Ante invasionem paroxysmi, urina, sudor, sputum, & alia excrementa parcius prodeunt, inappetentia, & lassitudo

do aliqualis observatur, & venæ intumescunt.

Varices, articulorum dolores supervenientes, liberationem promittunt ægrotanti.

Senes à magnis morbis liberant articulorum dolores, contra, si non superveniunt, ad magnos morbos disponunt.

Qui debili sunt ventriculo, ab articulari morbo non liberantur, nisi restituto pristinæ sanitati ventriculo; & quantum diligenti observatione colligere potui, optima instituta diæta, nec non remedia stomachica, (modo non sint calida) omnem absolvunt paginam in Podagricis, & Arthriticis, item aquæ potus, & exercitium.

Sed cum dolor Colicus scorbutico *similis*, ab usurpato nomine ita dictus, nil aliud sit, nisi **PODAGRA** in quibusdam, quæ ob labefactatam humorum coctionem, per propria sua emunctoriâ, ad corporis peripheriam pervenire non potuit, propter humorum peccantium abundantiam, & spirituum inopiam, unde bilis magis, magisque inflammata, ac acrior facta, cum humotibus corruptis permista, in actum deducitur. Hinc **SERUM ACIDUM BILIOSUM CAUSTICUM ACRE STILLAT** in genus

nus nervosum, tam mesenterii, quam peritonæi, aliarumque partium membrancearum, ubi tam diu suas tragædias exercet, ac talia horrenda, & inexpectata symptomata producit irregularia, donec appropriatis medicamentis, ac robore naturæ, per propria emunctoria ad corporis peripheriam possit amandari, ubi genus nervosum, tam in pedibus, manibus, genibus, aliisque corporis partibus, summa miseria afficit, quando *Podagræ* nomine indigitatur.

Sive hosce dolores Podagricos, jam hæreditorios, aut adventitios nominare volueris, qui tales tragædias exercent, sive à Podagra, Arthritide aut Paralyfi retrocessa, sive scorbuticos, Pictonicos, aut à scabie, aut herpete retropulsos, idem erit.

Si autem hosce dolores, per enemata, purgantia, narcotica, aut venæ sectiones mitigare volueris, hisce remediis non cedunt, & fortioribus irritantur. Quapropter leni diaphoresi, cum resorbentibus lapidibus pretiosis, aliisque tractatur, quæ diu in ventriculo, ac intestinorum circumferentia morari possunt, antequam serum biliosum acidum, causticum, acre absorbeant, quod partibus nervosis, ac membranaceis tam firmiter affixum hæret, ut non facile possit resorberi ac temperari.

Interim detur brodium, ex vino generoso, antiquo Rhenano, cum cerevisia Neomagensi, ut labefactata humorum concoctio, parum invigoretur, sed lente procedendum, ne materia peccans adhuc cruda, & incocta, nimia vi ad artus demandetur, aliàs ægrum conjicies in summum vitæ periculum, aut in Apoplexiam indubitata, aut in mortem.

Morbi enim causam proximam statui-
mus in labefactata tam in partibus, quam in
succis corporis universis humorum con-
coctione; cum tali in morbo, uti in plu-
rimis aliis chronicis, spiritus animales de-
ficiant.

Si autem regulari modè procedit poda-
gra, sæpe hæreditarius est morbus, & flo-
rentes ætate corripit, præcipuè quibus ve-
neri maturius indulgere licuit, quique li-
quores spirituosos avidè hauserunt, & de-
repentè ad liquores tenues refrigerantes se-
se contulerunt; sicque calore nativo, & cor-
poris vigore imminuto, ut materia pec-
cans non tam citò in articulos deferri
queat, ob subjecti debilitatem, ac corpo-
ris calorem imminutum, solitam tyranni-
dem exercere non potest, neque ad cor-
poris peripheriam assurgere, nec ad pro-
pria symptomata ascendere valet.

Si autem talis materia ad maturitatem

K

per-

146 DE PODAGRA, ET COLICÂ
pervenerit, intumescencia corporis quasi ventosa, ac cruditate ventris corripuntur ægri, donec tandem Paroxysmus prorumpit, cum totius corporis torpore, ac motibus spasmodicis.

Tum dolor sese manifestat in pedibus, tum dextro, tum sinistro, aliquando suram, calcaneum, aut talum occupat, sed in principio remissior, qui gradatim intenditur, donec tandem ligamenta obfideat, & quasi ligamentorum dilacerationem exhibeat, ut æger nec lintheaminum superincumbentium pondus, neque ambulationem per cubiculum ferre valeat, cum mutatione situs quasi perpetua.

Circâ horam autem matutinam corpus leni madore perfunditur, indè dolor multum imminuitur, & pars affecta tumore occupata cernitur, sed post biduum triduumve sub vespera levatur.

Multis ante invasionem podagræ superveniunt dolores Colici, quibus evanescentibus, statim manifestatur Podagra, ex quibus confirmatur consensus ventriculi, & intestinorum inter glandulas cutis, & intestinorum.

Nam senes à magnis morbis liberant articulorum dolores, contra, si non superveniunt, ad magnos morbos disponunt; & qui debili sunt ventriculo,
ab

ab articulari morbo non sanantur, nisi restituto pristinæ sanitati ventriculo.

Et quantum diligenti observatione colligere potui, optima restituta diæta, & remedia stomachica, non calida, omnem absolvunt paginam.

Nam intra paucos dies, alter pes eodem dolore afficitur, ac debilitas, quæ primum infirmaverat, mox evanescit, viribus integris restitutis, (*si pes solummodo ferocius à dolore afflictus fuerit*), ac si nunquam laborasset; ac tales tragædias exercet, quas prius in altero pede, tam quoad doloris vehementiam, quam durationem exercuerat.

Si autem pes unus impar sit, cum materia peccans adeo turgeat, materiam assumendi, utrosque simul, simili vehementia afficit, sed ut plurimum pedes successivè aggreditur, donec tandem, materia peccante absumpta, æger pristinam sanitatem recuperaverit, quod in uno, aut altero subjecto, multum differt, pro ægrorum, ac corporum diversitate.

Urina in principio plerumque coloratior est, cum sedimento rubro, arenulis referto, & æger vix tertiam potulentorum partem, quam assumpsit, per vesicam exonerat; plerumque cum alvo constipata, appetitu prostrato & totius

148 DE PODAGRA, ET COLICA
corporis rigore circa vesperam, ac partium gravitate, quæ integrum paroxysmum comitantur; si verò natura ab impedita medicatione turbetur, phænomena multum inter se discrepant, à præcedentibus diversa.

Nam dolor pedibus infestans, alias partes occupat, jam manus, genua, cubitos, aliasque corporis regiones, sicut pedes olim solebat, summo cum cruciatu, ita ut digitos manuum quasi distorqueat, ac motu paulatim privet, tandemque articulorum concretiones, tophaceas reddat, ac materiam tartaream in tophos, seu nodos concreescere faciat; Quandoquidem materia cubitis impacta, tumorem ovi gallinacei magnitudinis præbet, qui sensim inflammatur, cum rubore.

Si autem genua petat, acrius urget, ac omnem motum inhibet, ut ne gru quidem de loco in locum moveri queat, sed dolor non per omnem paroxysmum extenditur, si modò pars affecta quiescat; sed tractu temporis, ubicunque sævit, ac sedem figit, maximè si pedes, ac genua occupaverit, cum omnimoda appetitus prostratione.

Interim materia peccans sensim despumatur, ut corpus naturali officio fungi

gi queat, cum partibus quasi contractis, ut vix stare atque meare possit, nisi cum claudicatione permolesta, propter corporis languescentiam, ac debilitatem, ab ipso paroxismo contractam; & si ultra vires ambulare præstiterit, tantò magis corpus confirmabit, & dolori excipiendo minus obnoxium reddet.

Sed visceribus majus periculum (tunc temporis) imminet, cum materia peccans, non tam libere, propter languescentiam humorum, ad Peripheriam corporis deferri possit, cum extremitates corporis, in illo tempore, doloris sint expertes, sed sensatione molestatententur perpetua.

Si enim irregularis Podagra & ab indebita medicatione turbatur, tunc morbi fomes pervertitur, & phænomena planè sunt diversa, ac in principio; nam alias partes occupat, quod certissimum signum est, morbi methodum esse inversam, tunc sine discrimine quascunque corporis partes occupat, manus sc. carpos, cubitos, genua, sicut in podagra regulari pedes olim solebat.

Tandemque concreciones circa articulorum ligamenta tophaceas, ac gypseas producit, cretam æmulantes exhibet conspectui, nonnunquam cubitis impactas, tumorem subalbidum, ad ovi magnitu-

150 DE PODAGRA, ET COLICA
dinem anserini, qui sensim inflammatur,
cum rubore.

Jam artus habet fere undiquaque contractos, & quamvis stare, & parum procedere possit, gressu tamen claudicante prorepat; & si ultra vires ambulare præstiterit, quanto magis ambulando confirmabit, & dolori excipiendo minus obnoxios reddet pedes, tantò magis morbi fomes periculosius visceribus imminet, cum in pedes ita libere nequeat effundi.

Sed aliis etiam multis symptomatibus infestatur æger, ut venarum hæmorrhoidalium dolore, ructu nidoroso, aliisque.

Appetitus languet, & totum corpus præ spirituum inopia flaccescit, & urina, quam prius coloratiorem, & pauca quantitate solebat reddere, jam colorem imitatur & copiam, quam in diabete.

Sed paroxysmi sequentes clementius ægrum quoad dolorem tractant, ob materiæ peccantis onus suppressum, quod in extremitatum corporis tam strenue relegare amplius non valeat, cum ventris torminibus, ac lassitudine spontanea, cum propensione ad diarhæam.

Dum vigent hæc symptomata, artuum dolores leniuntur, qui tandem evanescent, sed paroxysmus longas necit mo-

ras :

ras, tandemque ægritudine potius conficitur, quam dolore.

Nam quo dolor vehementior erit in hoc morbo, eo citius præterlabitur paroxysmus, (*nam dolor amarissimum est Naturæ pharvacum*), & longior erit doloris intermissio, & magis perfecta; & sic vice versa.

Non enim rectius Podagræ, quam iracundiæ paroxysmus dici potest; cum mens & ratio, ab infirmato corpore enerventur, ut vel levissimo affectuum motu impellantur, & vacillent: undè non magis sibi ipsi, quam aliis gravis est, donec morbo evanescente, animus pristina sanitate convalescat.

Nam huic morbo obnoxii ciborum in genere sunt appetentiores, sed difficillimè ventriculo cedunt, propter humorum languescientiam, & spirituum inopiam.

Interim tamen dicta voracitas ciborum podagræ viam stravit, atque liberalior vini compotatio; undè fermenta coctionibus dicata prosternuntur, ac coctiones præcipitantur & spiritus naturales disperguntur, qui coctionis instrumenta sunt necessaria: Hinc ingens humorum colluvies sanguinem opprimit, ac viscera suffocat, quo spiritus jam diu fatiscentes suffocantur.

Nam si à sola spirituum debilitate dependeret hic morbus, infantes, atque eos, quos ægritudo diuturnior maceravit, pariter invaderet, cum robustissimos naturæ principis præditos afficiat; quos tamen non aggreditur, nisi humorum languescentia, & spirituum inopia vitiatæ coctiones pervertantur, & calorem putrescentem acquirant; tunc dolores exquisitissimos in ligamentis, & membranis ossa contegentibus excitant, ac labefactione humorum, vel laxato corporis tono, facile humoribus impetum facientibus locum concedunt, prout ansa hujusmodi humoribus in motum ciendis data fuerit.

Curationem quod attinet, licet humores corruptos respiciamus, atque indigestiones, undè originem trahunt, indicationes curativas ad humores jam factos evacuandos, deinde ad coctiones roborandas (undè aliorum humorum aggestio possit præcaveri) collimare debemus, ut coctioni, indigestionibus sublatis, consulatur, & illa, quæ ad humorum calorem leniendum, & acredinem retundendam facere possunt.

Sive jam ad ventriculum corroborandum, ut alimenta rectè coquat, ac debitam chylicationem producat, respiciamus; sive ad partes solidas corroborandas, quo

me-

melius succos nutritioni destinatos in propriam substantiam convertant. Sed cum spiritus animales, præcipua concoctionis instrumenta, statuimus ab immodico calore, & exercitio consumptos, undè coctiones non amplius ritè promoventur, ac ingens humorum colluvies sanguinem opprimit, ac viscera suffocat; donec tandem ista materies calorem putrescentem acquirit, prout antea hujusmodi humoribus in motum ciendis data fuerit.

Sed cum causa antecedens sit humorum indigestio, à caloris & spirituum naturalium defectu orta, altera est causa continens, sive eorundem humorum calor, & exæstuatio, qui jam tum putredinem nacti sunt, à mora in corpore quàm oportuerat diuturniore, quæ mora ab indigestione supra memorata pendet.

Sed hæ causæ ita toto cœlo à se invicem discrepant, ut, quæ huic profunt remedia, alteri obsint, undè hic affectus ita curatu perdifficilis est.

Si enim medicamentis calefacientibus indigestionem humorum superare velimus, periculum est, ne ex altera parte humorum calor intendatur.

Si autem remediis refrigerantibus, calorem & humorum acridinem mitigare

154 DE PODAGRA; ET COLICA
volumus, in *Apepsiam* accersimus, labefactato scilicet calore naturali, nam præcipua curandi intentio in eo verti debet, ut concoctioni, indigestionibus sublatis, consulatur.

Quapropter remedia, quæ sanguinem corroborant, & vegetum reddunt, ac ventriculi concoctionem adjuvant, præ cæteris prosunt: *Si modo eorundem calor in spiritibus vinosis, aut aromaticis, stomachicis, aut aliis calidioribus non consistat.* Quæ sanguinem aliquo modo calefacere possunt, præ cæteris juvant.

Nam singuli hi morbi, aliique chronici ad unam eandemque causam universalem, (*si recte conjicio*), humorum scilicet indigestionem referri debent.

Quapropter Clarissimus ille THOMAS SYDENHAM, in aureo suo libello, de Podagra, aliisque morbis chronicis conscripto, his verbis seq. dicit: *Quod Therapeia radicalis, ad hos morbos, aliosque chronicos radicitus enervandos adhuc in DEMOCRITÆO PUTEO lateat, atque in Naturæ sinu recondatur, quamvis inducar credere, ejusmodi remedium inventum iri.*

Et eum, qui remedium ad hanc intentionem satisfaciendam invenire potuerit, longè majora in sanandis hisce morbis, aliis-

aliisque chronicis præstare posse, quam ipse se posse existimaverit, sed pergit ulterius.

Interim donec talis podagræ & aliorum morborum chronicorum curatio radicalis comperta fuerit, quod medicos omnes, me præ cæteris optare fas est, hanc meam oppellam boni consulte.

Et quia Praxis mea jam per triginta & octo annos, potissimum circa morbos chronicos & acutos versata est sæpius volvi ac revolvi aureum illud Clarissimi Sydenhamii effatum, ac totam Therapeiam, in omnibus suis Regnis, acriter exploravi, sed nullum invenire potui medicamentum, quod hisce indicationibus curativis satisfacere possit, nisi illud unicum, in Martialium familia, scilicet, **MINERAM MARTIS NATIVAM**, in suis criptis subterraneis ad maturitatem perductam, & nondum igne passam.

Ex hac minera Martis nativa, singulari modo præparatur *Tinctura*, quæ hisce indicationibus quam plurimis, sed saltem non omnibus satisfacere possit, uti longa arte, experientia, ratione, & usu mihi sæpius explorare licuit, uti ex præcedentibus, aliisque casibus quam plurimis, luculenter constitit, & in sequentibus in amplissima forma patebit.

Nam

Nam ad hunc morbum curandum, aliosque chronicos quam plurimos, ingens mihi faceffit negotium; quapropter in tota Therapeia nil intactum reliqui, quod indicationibus curativis, in præcedentibus allegatis, satisfacere posset; donec tandem inciderim in Regno minerali in Martialium familiam.

Sed mirandum sane, quod inter tot viros claritate ac doctrina celebres, qui suas præclaras opiniones in lucem ediderunt, & omnem moverunt lapidem, ut illa, quæ natura in abditis tenet inclusa, detegerent, pauci fuerint inter veteres, ac recentiores, qui qualitates *Mineræ Martis Nativæ* sedulo expenderint; si iis contenti esse velimus, certè in incertum navigaremus.

At ego per plurimos annos, certa ratione, & experientia edoctus sum, alias qualitates in ipsa minera Martis nativa latere, quam in Marte, aut Chalybe, ignem passio.

Sive hoc jam sit, quod partibus, principiis sulphureis, aliisque per ignem fit orbatus, quæ principia in ipsa minera Martis reperiuntur nativa.

Quamvis multum inter se discrepet, ex quibus abditis sive terræ recessibus sit effossa, tam in quantitate, quam quali-

litate principiorum, qua pollet.

Equidem fateor, etiamsi laudabilius sit, suos sensus exprimere, quam alienos, & reperire novas materias, quam alienis insudare; quod nihilominus vix ac ne vix quidem, me potuerim deflectere à via illorum virorum illustrium, eligens potius eorum auctoritati inniti, quam me novæ opinionis Auctorem profiteri.

Sed quando labore plurium annorum adeptus sum alias cognitiones de veris qualitatibus Mineræ Martis Nativæ, quam de martialibus igne passis, quæ in pharmacopoliis reservantur, ejus mineram accurate examinavi, & ex illa feci omnimoda experimenta, meæ intentioni consona, quæ est secernendi, ac talia in lucem prodendi, quæ in ipsa intimè dilitescent mineræ.

Et quia in præcedentibus dixi, quod multum differat, ex quibus regionibus, aut criptis subterraneis sit effossa, ratione suorum principiorum, quibus sit imbuta, intelligi volo mineram Martis nativam ex criptis subterraneis Gelriæ, sive comitatus Zutphanæ, propè Slangeburchum effossam, ubi cespites in maxima quantitate effodiuntur.

Ex ista Minera Nativa, seq. modo præ-

158 DE PODAGRA, ET COLICA

præparavi Tinct. palato gratam, ac omni acrimonia expertem, qua cum Antiscorbuticis, aliisque appropriatis remediis mixta, diversis indicationibus, morborum chronicorum curativis, satisfacere potui; quia plurimi unam eandemque causam agnoscunt, uti ex præcedentibus reperire licuit, & ipsemet jam per triginta annos, propria experientia expertus sum; nam profuit quam plurimis, sed non omnibus Ergò

℞. Min. Mart. Nativæ, cum additamenti, suo pondere, & mensura, singulis rite calculatis, ac mixtis. F. omnium pulv. subtilissimus, qui in massam reducitur, cum f. q. aq. Spadanæ, exindè formentur globuli, libram unam ponderantes, qui aëri libero (tempore sereno) exponuntur, præcipuè rori, at si pluat, tegendi sunt, donec ista minera in totum sit soluta, ac in vitriolum conversa, & quo diutius aëri libero exponatur, eò melius convertetur.

Nam sæpissimè per annum integrum extrahere debet, antequam minera in totum sit soluta, quod videri potest, si digitis friabilis reperiatur, cum pinguedine farinacea circa tactum, ut nulum pulverem sentire liceat amplius.

Ista materia coquatur, in f. q. aq. Spada-

danæ, per viginti quatuor horas continuas, materiam continuo agitando, donec Tinct. benè saturatam, ac Cerevisiæ Brunswicensis consistentiam referentem, omni acrimonia expertem receperis, *hanc usui serva.*

Sed quoad vires, sensus nostros, & captum superant, & limites excedunt. Nam plurimos habui homines viva potius cadavera mentientes, hujus Tinct. usu, carnosos, & benè habitos evasisse, (uti in casu primo, aliisque liquet), & ventriculo mirum in modum confirmato, brevi temporis spatio, optimum chylum secretum fuisse; ac robustissimos factos fuisse.

Nam humores viscidos, ac tartareos mirum in modum incidit, ac attenuat, & viscera infarcta, & mesenterii obstructions tollit, ac ventriculum sua adstrictione corroborat, & nervis egregiè robur conciliat.

Nam serum sanguinis, & humores excrementitios, non una via exturbat; sed ventris sordes, atro semper, interdum viridi, flavo, cæruleo aliquando colore tinctos, magna in copia evacuat, & tam varias naturæ diversiones exercet, ut nulli credere fas sit, nisi experto.

Nam plurimos habui, quibus ab usu
hu-

hujus Tinct. urinæ, menses, hæmorrhoides simul fluere, & tam varias, ac pugnantes uno tempore evacuationes provocaverint, quod vix ulla Pharmaca unquam præstare potuerunt.

Nam urinas movet, & humores in venis contentas allicit, ac minimos humani corporis poros pervadit, ut nihil tam reclusum reperiatur, quo non penetret.

Verum qua ratione idemque remedium multis, iisque contrariis morbis mederi possit, sed illos etiam præservare, & immunes reddere, & quæ impossibilia videntur, scrutari, mirum est.

Nam multum veritatis in DEMOCRITÆO PUTEO latet, & multa nobis ignorantiae nebula circumfusa sunt, nec tamen sensibus fidem negare, omnemque scientiam mundo eliminare debemus.

Nam corpora tam sana, quam ægritudine correpta, pari conatu conservat, vires fovet, roborat, auget; nam confirmato ventriculo, optimus chylus secernitur, ac artuum tremoribus, vertigini, oculorum rubori, faciei maculis rubris, ac pustulis à bile ortis medetur; ac ructus continuos, vomitus, atque singultus compescit.

Et quod mirandum sæpissime paucorum

rum horarum spatio, dolores Colico-scorbuticos Pictonico similes aufert, etsi per plurimos annos miserrimum ægrum excruciauerint, qui neque aliis unquam in hunc usque diem excogitatis remediis mitigari potuerunt.

Podagricos, Arthriticos retrocessos dolores, internos compescit, & lentè ad corporis peripheriam deducit, ubi eorum sedes est, dolores Podagricos producit.

Asthmata humida scorbutica, cum tussi molesta, & exscreatione purulenti humoris, invicta, per plurimos annos continuata, summa cum debilitate conjuncta, cum appetitus prostratione, & corporis atrophia, à plurimis medicis pro phlysi habita, brevi temporis spatio in meliorem statum reduxit.

Id nuper adhuc in me ipso expertus sum, qui Asthmate humido scorbutico per annum integrum correptus fuerim, ac præ respiratione difficillima, vix pedem de loco in locum figere potuerim, cum exscreatione tantæ humoris purulenti copię, ac debilitate summa, ut singulis momentis præ respiratione difficili, ultimum diem præ foribus esse putarem: Attamen Deo auxiliante, pristinæ sanitati restitutus sum.

Hepatis, lienis, ac viscerum obstructionibus (*non scirrhis*) est auxilii præsentanei.

Ascitide, Tympanitide, Anasarca & Leucophlegmatia laborantes, sola hac Tinctura, cum antiscorbuticis selectis, ac diureticis balsamicis mixta, aut præcedente Tinct. singulis diebus ʒvj vel ʒj. cum s. q. aq. Spadanæ in quatuor, aut quinque vicibus exhibita, plurimi curati sunt, qui adhuc supersunt.

In ictericis diversi generis, (*absque hepatis scirrho*), scorbuto, cachexia, rachitide, cholera, atque cacochymia, ac mensibus obstructis, sæpius experientia exitus probavit.

In febribus intermittentibus, quotidianis, & tertianis, sæpius cum successu adhibere licuit, & præprimis in morbo Epidemico Anni 1727 & 1728, aliisque morbis à corrupta bile oriundis.

In Catharris, appetitu depravato, melancholia, ac passione hysterica, & hypochondriaca, plurimum confert; sed quicquid in renum calculo, aut nephritide proficit, mihi explorare non licuit.

Est in cæteris, quales virtutes ulterius possideat, Ruspatori sedulo indagandum relinquo.

Interim prædicta sola Tinct. haberi potest

test apud hujus Libelli singularis AUCTOREM; & apud virum honestum, ac probitate conspicuum, JOH. GEORG. SCHIMMELPENNINCK Pharmacopœum, ac Diaconum Amstelædamsensem, aliaque medicamenta selectiora.

Sed cum glandulæ, tum secretrices, tum reductrices, ab infarctu humorum, à succi nutritii distributione restibiles, præ obstructionis mora diutius detinuerint, sensim acorem contrahunt, in œconomix animalis detrimentum. Hujus rei exemplum habemus in acribus, & acidis CATHARRIS qui ortum suum debent serosis cerebri recrementis, ultra consuetum evacuandi tempus in glandulis retentis, & per stagnationem acorem causticum, biliosum contractis, quique à capite decedentes in ventriculum, acore suo chylum, & deinde sanguinem, cum succo alibili corrumpunt; sicque laudabilem chylum, in ACREM CAUSTICUM BILIOSUM commutant, uti fit in inveterato scorbuto, ubi miasma, ad summum malignitatis gradum, videtur aspirare; ut in cancro, & ulceribus scorbuticis cacœthicis, carnem, & ipsa etiam ossa depascentibus, quoniam tacito omnia fluunt incendio.

Nam calor adest perennis, qui singulis pulsibus accenditur, & sanguinem exagitat, in œconomix corporis detrimentum, nec cordi, nec cerebro parcit. At undenam usu venire potest, *inquies*, ut tot, tamque diversa mala, ex unico illo fonte scaturiant, nimirum à labefactato chylō originaliter dimanent; unde fit, ut è depauperato, ac vappescente sanguinis proventu, tenuis liquor exstillet in partes cerebri nervosas, à sanguinis discrasia illuc delata, à labefactato sanguinis circulo, glandularum emunctoria sæpius muneribus suis deficere possint?

Quapropter nemini mirum videri debet, succum nutritium à suis impuritatibus, seu ingeneratæ, five adventitiæ sint, multo difficilius liberari posse, ac solere, quam sanguinem à suis.

Hincque fieri existimo, quod talis succus nutritius in sanguine ac humoribus depravatus, reliquis humoribus facilius miasma Scorbuticum, Arthriticum, Podagricum conferat, ac graviora, & atrociora symptomata exerceat, quæ ex functionibus à cerebro & nervis magis emergere solent, quam ex qualicunque reliquarum partium læsione.

Et quacunque sanguis discrasia, sua bonitate fuerit exutus, reliqui humores

corrumpi necesse est, & sic vice versa; in Scorbuto, Arthritide, & Podagra tamen, non semper parem malignitatem inducunt, sed succus nutritius plerumque cæteris gravius peccat, quia per angustiores meatus, & tardiori admodum motu distribuitur; quo ejus defæcationi, si non pauciora, saltem minora, & obstructioni magis obnoxia comparata sunt emunctoria.

Si autem viscera, aut aliæ partes nobiliores, tumoribus obfessa scirrhis, aut pulmones exulcerati fuerint, hanc curam non suscipias, nisi palliativam, ac famæ tuæ non minus consule, quam ægrorum saluti.

Nam in plerisque morbis chronicis, spiritus animales, (quæ præcipua concoctionis instrumenta statuimus), deficiunt; ac ingens humorum colluvies viscera suffocat, donec tandem ista materies calorem putrescentem acquirit; uti fit in fructibus maturis, vel prout ansa ejusmodi humoribus in motum ciendis data fuerit.

Nonne videmus quotidie in Athmosphæra, quæ non semper iisdem particulis sit inquinata, sed toto coelo diversis, prout benigna aut maligna sint, & naturæ conditiones hominum admodum dif-

166 DE PODAGRA, ET COLICA
ferunt, quod uni noxium, alteri profi-
cium sit?

Ergo non mirum! quod hoc, aut il-
lud corpus, citius vel tardius inquine-
tur, talibus miasmatibus, prout aër in-
quinatus, eminus, aut cominus, cum no-
stris humoribus misceri queat, eò morbi
sunt graviores, aut leviores.

Sed cum dolores Colico-scorbuticis
similes, Pictonicis æmuli, jam in do-
lores podagricos sint mutati, sed planè
irregulares, & causam proximam, ab hu-
morum indigestione, ac labefactata ven-
triculi coctione statuimus, ergò cura in-
stituatur, uti in ipsa Podagra, aliisque
morbis chronicis, quapropter tres propo-
nuntur modi, quibus causam podagræ
ejicere valeamus.

1. *Venæsectio*, 2. *Catharsis*, 3. *Diapho-
resis*, nulla ex his scopum attinget un-
quam.

Nam *Venæsectio* pugnat cum indica-
tione illa, scilicet causa antecedente, quæ
fit ab indigestione, & labefactata con-
coctione spirituum defectu orta; etsi
sanguis, qui educitur, pleuriticorum ut
plurimum referat crasin.

2. *Catharsis* quod attinet, cum lex na-
turæ inviolabilis sit, morbi fomitem
semper ad articulos rejici debere, ergò
ni-

nihil præstabunt; siue emetica, siue cathartica, nisi, ut materia peccans, quæ in articulos eliminari debuerat, in viscera irruat, ac ita æger, qui in nullo vitæ discrimine versabatur, jam de vita periclitetur, cum ventriculi ægritudine, alvi torminibus, lipothymia, nausea, ructu biliosorum, vomitu, aliisque symptomatibus, tam horrendis, quam inexpectatis, miseri quasi enecentur.

3. *Diaphoresin* quod spectat, licet prædictis evacuationibus, minus officiat, tamen officere cernitur, propter rationes sequentes.

Nam humores crudos, vi quadam protrudit in artus, ut ritè separari nequeant, atque hoc pacto natura cunctantem paroxysmum ante diem sollicitat.

Et si nimis vehementer materiam morificam in affectum membrum impingat, dolorem simul producet intolerabilem; & si major sit materiæ peccantis copia, quam ut pars affecta queat admittere, illa mox in alios artus detonabit; undè ingens humorum exæstuatio; quapropter metuendum est, ne Apoplexia ingruat; nam periculosissimum est humores violenter, ultrà coctionis gradum elicere, ad quem humores sua sponte evacuandi pervenerint.

Sed jam oportet, ut inquiramus, ad quem alium scopum indicationes curativæ sint dirigendæ; cum prima sit humorum indigestio, à caloris & spirituum naturalium defectu orta. Altera humorum calor, & exæstuatio, qui putredinem, ac acredinem nacti, à mora in corpore quam oportuerat diuturniore, quæ mora ab *inconcoctione supra memorata pendet.*

Sed cum hæ causæ à se invicem toto cœlo discrepant, ut, quæ huic profunt remedia, alteri obsint; undè hic affectus ita curatu perdifficilis est.

Si calefacientibus humorum indigestionem superare velimus, periculum est, ne ex altera parte humorum calor intendatur; si refrigerantibus, labefactabitur calor naturalis.

Nam præcipua curandi methodus in eo verti debet, ut coctioni, indigestionibus sublatis, consuletur, & remediis, quæ ad leniendum calorem, & acredinem humorum retundendam facere possint, utemur.

Sive jam respiciamus ad confortandum ventriculum, sive ad partes solidas corroborandas, quo melius succos nutritioni destinatos in propriam substantiam convertant, ac varia excretionis emunctoria in eo corporis statu conservent, ut

recrementa singularum partium valeant distribuere, talia huic intentioni satisfaciendæ conferunt; siue pharmaca ea fuerint, siue victus, seu exercitium, aut alia quævis, non differt, si huic intentioni solummodo satisfacere possunt.

Qualia sunt, quæ linguam leniter feriunt, & cæteras partes fovent, confortant, ac ventriculum corroborant, & sanguinis massam vegetiorem reddunt, ac magis vitalem; quapropter varia remedia, ad hunc scopum tendentia concinnari possunt, quæ lubens medico prudenti relinquo, cum meum non sit, remedium formularum præscribere, sed potius veras indicationes notare, ad quas curationes sint dirigendæ.

Quapropter in hoc affectu, de quo jam agimus, ita & in aliis morbis plerisque chronicis, similia remedia, quæ sanguinem corroborant, vegetumque reddunt, præ cæteris juvant, *NB. modo calor in spiritibus vinosis, aut aromaticis non consistat.*

Nam singuli hujus generis morbi, ad unam eandemque causam universalem referri debent, *humorum scilicet indigestionem*, si rem rectè perceperim, quapropter talia præ cæteris conferunt, si modo chylum in propriam substantiam

convertant, ut singularum partium recre-
menta, debito tempore valeat amandare,
talìa huic intentioni satisfaciencia confe-
runt; five pharmaca ea fuerint, five vi-
ctus ratio, five exercitium, five alia ex i-
stis quælibet, *quæ sex res non naturales*
indignantur.

Qualia sunt, quæ ventriculo pergra-
ta, sanguini medentur, & cæteras partes
fovent, confortantque, ut Tinct. Min.
Mart. Nat. Rad. Enulæ H. Chamædr.
addi possunt Antiscorbutica, ut Rad.
Rhaph. rust. fol. Cochlear. hort. Nasturt.
aq.

Cum autem herbæ illæ acres, ac pun-
gentes stomacho arrideant, atque in co-
ctione iuvanda conferant; attamen par-
cius usurpandæ veniunt, & ejus loco ad-
dendæ gemmar. pini, five abietis, sed
non majores debent esse, quam gem-
mæ populi, quæ ingrediuntur præpara-
tionem ungt. populæi.

Ex hisce gemmis arborum pini, five
abietis mense Aprili collectis, præparatur
aqua per fermentationem, quæ reservetur
usui.

Hæc aqua summa Antiscorbutia est, o-
mni acrimonia expers, quæ partes bal-
samicas feri, ac sanguinis fovet, confor-
tatque, cum Tinct. Min. Mart. Nativæ,
fin-

singulis diebus ad ℥j. adhiberi potest, in
convenienti vehiculo

Sic etiam aq. Cochleariæ Groenlandi-
cæ, quæ summa est antiscorbutica, &
sale volatili admodum gaudet; nam cre-
scit in vallibus rupium, ubi aæes, qui
in maxima quantitate ibidem reperiuntur,
fumum deponunt; meliora antiscorbutica
mihi reperire non licuit, hoc in casu ad-
hibenda.

Illæ autem medicamina ventriculum
corroborant, & sanguinis massam vege-
torem reddunt, ac magis vitalem.

Ex prædictis variæ remediorum for-
mularum concinnari possunt, ad hunc sco-
pum tendentes, quæ Medico prudenti
lubens relinquo, cum nunquam mei of-
ficii esse duxerim, remediorum formu-
las præscribere, at potius veras indi-
cationes notare, ad quas curationes sint
dirigendæ: quod cum minus observe-
tur, Empyricis ansa data est, ut se ar-
tis medicæ principes jactent.

In cæteris Therapeia, tam latè exten-
sa, & apud Auctores in ordinem digesta
est, ut unusquisque pro lubitu sibi selige-
re possit, talia coctionibus roborandis
proficua; **MODO CALOR IN SPIRI-
TIBUS VINOSIS, AUT CALIDIS
AROMATICIS NON CONSISTAT;**
(quod benè notandum). Et

Et sanè, uti in hoc affectu, de quo jam agimus, ita & in aliis chronicis ple-risque talia remedia profunt, quæ sanguinem corroborant, vegetumque reddunt, præ cæteris juvant, nam singuli ad humorum indigestionem referri debent; *ſe recte conjicio.*

Et quare peregrinatio eos morbos ita efficaciter expugnet, quorum curatio incassum tentabatur cum vita sedentaria; & quod stupendum, ac incredibile emolumentum hi morbi non accipiant à corporis motu majore, ac exercitio, ab equitatione, aliisque; quod genus exercitii digestionem singulas invigorat, firmatque, dum à continua corporis concussione, calor naturalis reaccendatur, & organa secretioni destinata, in munere depurandi sanguinis rite fungendo promoveantur.

Undè digestionum deperditarum quasi renovatio quædam, & crasis totius corporis optima expectanda est.

Sed observandum, quod remedia quæcunque, sive diæta, aut exercitationes, non obiter instituenda sint, sed omni adhibita diligentia assiduè usurpanda.

Nam causa ejus in habitum, & novam quasi naturam transire debet, antequam perfectam curationis scopum possit

attingere, nam coctionum robur, & partium firmitudo, pededentim restaurari debet; pro modulo pristinæ ac consuetæ corporis œconomix.

Sed cum ætas senilis, quæ huic morbo ut plurimum comes est, vehementer refragetur, tamen, quantum vires & anni sinent, tentanda est curatio; & prout æger ad hanc curationis metam propius accesserit, aut recesserit, eo longius podagræ tyrannidem, aliosque morbos chronicos magis minusve effugiet.

Sed remedia in usum revocanda sunt, si fieri potest, à Paroxismo insecuturo: Nec enim sine magna temporis mora, ac remediorum usu, tanta firmitas, quanta sanguis, & viscera requirunt, senio adversante, possunt acquiri.

Interim singulis diebus bis utatur cerevisia Brunswicensi optima, aut Dantiscana, Daventriensi, aut alia cerevisia recentis, ac benè defæcata, si haberi possint, ac optime lupulata, ad ℥iij. pro tota die bis.

Sed habenda est ratio, quod in principio, si cura horum morborum inchoetur, cibi, & potus mediocritas sit observanda, neque plus ingeratur, quam ventriculus concoquere valeat; neque nimia abstinencia defraudetur.

Sed

Sed observandum, quod *Tinct. Minoræ Mart. Nativæ* ad $\mathfrak{z}\text{j}$. cum Antiscorb. mixta, modò non sint calida, nec acria, in tribus, aut quatuor vicibus sit assumenda, singulis diebus, pro ratione morbi ac subjecti debilitati; donec perfectum curationis scopum attigerit æger, quod in uno aut altero subjecto multum differt, prout morbus ille chronicus altiores egerit radices; in tali enim casu, dosi *Tinct. Min. Martis Nativæ* augeri debet, singulis diebus ad $\mathfrak{3}\text{x}$. imò ad $\mathfrak{3}\text{ss}$. cum aqua Spadana, loco Antiscorbuticorum, aut fontana in quatuor, aut sex vicibus assumenda, ac attendendum est, ut alvus semper fervetur aperta, non purgantibus, sed lenientibus.

Nam habitus corporis alio traducendus est, ac homo quasi novo incude refingendus, ac concoctionum robur, & partium firmitudo sensim reduci, ac restaurari debet.

Et quo magis corporis robur confirmetur, eo magis appetitus vigebit, ut postea cibos omnes, etsi concoctu difficillimos, assumere, ac concoquere valeat; undè sex res non naturales suum incrementum accipiunt.

Huc usque nostra opinio sese extendit, quæ partim ex supra laudatis Aucto-

storibus, partim propria experientia congestimus, quibus rite observatis, plures à molestissimo hoc morbo, aliisque quam plurimis morbis chronicis liberati, adhuc supersunt.

Sed lente progrediendum est in cura, primo cum jusculis gallinaceis, vitulinis, & similibus, eorundem consumatis, expressis, gelatina &c.

Juscula verò alterentur lactuca, intibo, chærefolio, aliisque refrigerantibus; hac victus ratione, ab hoc crudeli morbo plurimi liberati sunt.

Pro potu ordinario Ptisanæ usus præferendus est, ex Rad. Scorzon. Raf. C. Cervi cum Hordeo, aliisque, sed vina austera admodum nocent, propter austeritatem nativam, ventriculum & intestinalia lacerant, eorum calorem naturalem frangunt, & alienum introducunt.

Sed sæpè tanta est virium prostratio, cum plures dies inter tormenta peregerint ægri, ut mox deficere se putent, nisi vino dissipatos spiritus, & animum gliscentem recreant.

Tunc conferunt vina generosa matura, ut Rhenanum, ac rubrum, nam interdum læsio, integræ virium jacturæ metu, toleranda est, ideoque sobriè utantur, præcautionis dictæ causa.

Somnus fit placidus & mediocris, isque nocturnus, non diurnus, humorum acrimoniam temperat, corpus humectat, lassitudinem levat, & urgente dolore, si qua arte procurari potest, dolorem mitigabit.

Contra vigiliæ, præsertim nocturnæ, corpus calefaciunt, humores incendunt, lassitudines adferunt, & ventriculum crudis humoribus, & flatibus ac borborigmis implent.

Nam alvi laxitas conservanda præ cæteris, & ejus adstrictio omnium confusio est. Ideoque huic malo præsertim obnoxii sunt, quibus familiaris est alvi retentio.

Interim caveri debent omnia gravia animi pathemata, ut ira, moestitia, invidia, quæ quasi animi desponsio frequentior hujus affectus causa esse solet.

Venerem immodicam huic malo frequenter occasionem dedisse frequenti experientia didicimus, ut antea dictum est.

Interim si dolor, & bilis turgent, si ventriculus & intestina torqueri incipiunt, si noctes insomnes ducit, si extrema frigent, confluentibus ab universo corpore in ventrem humoribus, immediata morbi causa præ foribus extat.

Tunc bilis omnibus machinis exploden-

denda est, ex præcepto DIVINI SENIS, Lib. de Vet. Med. ubi inquit: si amarus aliquis humor, quem bilem nuncupare solemus, effusus fuerit, quænam anxietates, æstus, & impotentia detinent? Verum, ab illa liberati, aut spontanea purgatione, aut medicamento, modò loco & tempore aliquid horum factum fuerit, doloribus plane, & calore defanguntur. Et paulò post: mordere non desinit, donec ea bilis expurgata fuerit.

Verum hoc opus hic labor, cum ejusdem Auctoris sententia, cocta medicari oporteat, non cruda, fluida, non contumacia, tenuia, non crassa; & pergit in libro citato: quamdiu humores incocti, & minimè temperati fuerint, nec dolores, nec febres placari posse.

Ideone biliosi humoris concoctioni prius incumbemus, quam ad ejus expulsionem accingamur? Minimè verò.

Nam Doctiss. DURETUS in HOLLERI Praxin de Colico dolore Cap. 41. inquit: nam cum impetu quodam præcipiti humorum intestina irruit, ut sæpe fit in tempestate pestifera, tunc medicamentum analogum influenti materiae, & dolorem facienti præscribendum, quod humorem citatum & motu quasi ferocientem excludat.

Si verò bilem medicamento laxante commoveris, camerinam moveris, & dolores antea leniores, vehementissimos effeceris: quamvis remediis copiosa excernatur, cum plurima pituita permixta, repetunt tamen paulò post dolores non minus punctorii, quam mordaces, sed multo atrociores, qui dolores neque lenientibus, neque purgantibus, aut clysmatibus, neque aliis remediis cedunt, & fortioribus irritantur.

Nam dolores recrudescent, & viscerum intemperies, ac præcordiorum æstus, anxium ægrum facit, quod in Colica Pictonica idem est; nam omnia hujus doloris Colici Scorbutici symptomata, tam exactè quadrant cum Colica Pictonica, ac si unus, idemque morbus esset; nisi quod Colica Pictonica mutato aëre, & victus ac potus genere, sponte, absque ullis medicamentis cesset, uti in præcedentibus dixi, de Capucinis, & Monachis Fuliensibus, mutato enim cœlo, & potus genere, omnes pristinæ sanitati restituti sunt.

Et DROETUS de virginibus Casæ Dei, non aliter sibi salutem quærere poterant, quam fuga & loci mutatione; & CITESIUS, de omnium ordinum Monachis præsertim Capucinis & Fuliensibus, quorum

rum totas colonias ablegavit, & statim, sine ullo artis præsidio, sanitatem recuperarunt.

Sed cum D. D. hanc Colicam Scorbuticam oppugnare voluerint, primo laxantibus, purgantibus, enematis, venæsectionibus, narcoticis, aliisque innumeris remediis dolores mitigantibus, eò magis ingravescere malum, & fortioribus irritari, ac brachia & manus resolvi, ac paralytica fieri observarunt; nec ulla ratione, vel urgentis doloris, vel æstuantis in præcordiis bilis causam removere potuerunt.

Jam liquet, quantum sit operæ, & negotii pretium, in Colici doloris causis radicitus amputandis; adeò novis symptomatibus, & novis mutandi consilii occasionibus sæpius interturbamur.

Sed ad hunc maligni humoris refluxum revellendum, atque præfervidam bilis acris & mordacis generationem inhibendam, præstantius remedium nullum invenire potui, nisi unicum, quod longo usu, & experientia edoctus, sæpe probatum habui, uti ex casibus præcedentibus conspiciere licet, etsi in tota Therapeia pauca intacta reliqui, quæ non trutinæ subjecerim.

Si tamen bilis in morbi principio sursum

180 DE PODAGRA, ET COLICA
sum feratur, & indicia ad nauseam, aut vomitum extent, eam idoneo emetico, quale præscribi potest pro varia ægri conditione, excludere juvat.

Sed Paralyfis, quam Colico morbo, à bile atra nato, supervenire diximus, et si plerumque partis illius principis affectum sequatur, ut cum spasmo succedit, nihilominus spinam sæpius omnino affectam tenet, ut patet ex Paresi utriusque brachii, manuum & digitorum, aut etiam utriusque cruris; cum in vera Paralyfi, alterutrum tantum brachium, aut crus ut plurimum affici consueverit, quia humor, crassa nempe pituita, alteram tantum medullæ partem obstruit.

At in nostra Colica Scorbutica, ac Pictonica, *acris & serofus humor*, ex intestinis ad spinam transmissus, totam ejus substantiam irrigat, ac nervos emollit, & relaxat; imò verò acris ille humor, per totam cutem, ac nervosum genus delatus, eam perpetuo vellicat, quàm sensibilis nimis æger reperitur.

Differt etiam hæc Paralyfis Scorbutica à vera Paralyfi, quod hæc subito invadat, scorbutica verò sensim fiat; deinde differt, quod illa remediis vix ac ne vix quidem cedat, imò sæpius ad mortem usque comitetur; hæc vero remediis

diis obsequentem se præstet, & partes affectæ robur suum, & tonum intra paucos menses recipiant, si præsertim idoneis remediis curentur.

Notandum est insuper, quod Podagræ maxime obnoxii viri sunt, qui licet imminutam habeant concoctionem naturalem, tamen ex quadam sanguinis luxuria, plus satis nutriunt, & incrementum sumunt, ex materia indigesta, loco substantiæ sanioris, & ritæ compactæ.

His itaque Podagræ obnoxiiis in potu modus statuatur, ut iis utantur liquoribus, qui neque vel in maxima quantitate assumpti inebriare possint, neque frigore suo ventriculum lædere.

Quamvis enim sufficiat ei, qui Podagra mitius, ac tantum per intervalla laborat, vel cerevisia tenui uti, aut vino dilutiori, cum is morbi gradus tantus non sit, ut severiori regimini sese subiciat; attamen si Podagra altiores egerit radices, pro potu utatur vino rubro, cum aq. Spadanæ quadruplici quantitate, atque hoc potus genere, tantum non imminuitur appetitus, sed & augebitur, nam hoc modo sibi à Calculo præcavebit, qui Podagræ ferè individuus comes est.

Sed cum huic morbo, præ cæteris quibuslibet, melancholia vulgò dicta semper comes adhæreat, qui ei sunt obnoxii, spiritus animales, diu multumque cogitando fatigare solent, atque obruere, ut corporis œconomia amplius conservari nequeat.

In cæteris ferè omnibus, quæ ad impediendam humorum indigestionem, (quam ego primariam podagræ causam constitui), & ad sanguinem idcirco corroborandum, ac firmitudinem partibus conciliandam faciunt, Tinct. Min. Mart. Nativa cum aq. Fontana, aut Spadana, vel Antiscorbuticis mixta, & exercitium corporis, facile palmam præripiunt.

Præadvertendum est autem, uti supra monui, cum in hoc morbo, etiam magis quam in chronicorum quovis, totius corporis habitus immutari debeat, quod usus Tinct. præcedentis, & exercitatio corporis, quotidiana debeant esse; hujusmodi enim usus, & exercitium, per vices intermissum, nil conferre potest ad habitum corporis mutandum; unde sine dubio corroborari debet, nam cruditates in chylicationis officina, & aditu mesenterii congestæ sunt, ac ventriculus vitiosorum humorum saburra est oneratus.

Quandoquidem conducunt Antiscor-
du-

butica, quæ sale volatili ubertim imprægnata, humores alterare, & sensim ad gradum spiritualescentiæ promovere valeant, ac ventriculi jam propè emortuum fermentum restituant, ad concoctionem minus tardam, & chyli ab inutilibus recrementis separationem, in aditu mesenterii conducant; quia spiritus animales per totum corpus deficiunt, ob labefactatam concoctionem.

Adde, quod magnum pondus habere debet, materiam tophaceam, à longa requie admodum auctam iri in articulis corporis, maximè verò digitorum, ita, ut tandem omni motu priventur; quod malum ab exercitio quotidiano præcavetur; undè fit, quod exercitatio longa, & quotidiana, non tantum non officiat generationi tophorum, sed etiam tophos veteres, & induratos solvat, modò non eo usque invaluerint, ut cutim extimam in suam substantiam mutaverint.

Quod spectat exercitii genus, si nec calculus, nec grandior ætas intercedant, reliquis longè præferendum est. Sed quantum intersit, an quis ruri, an in urbe se exerceat, Podagricorum quivis statim persentiscet.

Ex jam dictis liquet, qui hujus mor-

bi curationem molitur, id negotii sibi dare debere credere, ut totius corporis habitum immutet, atque illud ad pristinam constitutionem refingat, quantum per ætatem, & reliquas circumstantias fieri possit: quod in paroxysmorum interstitiis, non in ipsis paroxysmis annitendum est.

Quantò enim magis ægri dolores lenit, tantò magis humorum coctioni adversatur, & quantò paroxysmi furor, ac acies obunditur, tantò diutius affliget; & omnes uno ore fatentur, morbum hunc ab humorum copia, & exuberanti plenitudine nasci, ergò caveat, ne in quantitate vel qualitate, sive potus sive ciborum genere peccetur, in curationis principio.

Quin imo in iis senibus, quorum concoctiones admodum vitiatæ sunt, & qui à morbo per multos annos affligente, ipsam corporis substantiam, quasi in Podagram habent conversam, minime sperandum est, quod morbus sine exercitio, & usu Tinct. Min. Mart. Nat. cum aq. Spadana, vel Antiscorbuticis, sale volatili gaudentibus mixtæ, ad digestionem perducatur.

Cum enim morbus naturam viribus superet, sæpe moriuntur à languore, atque

que ægritudine, quam fomitis morboſi copia concoctionem reſpuentis apportat, & ab hac materia inconcoctili, quæ nullo modo poteſt aſſimilari, tanquam à veneno enecantur.

Quod ſi Podagra jam inveterata fuerit, atque æger ad animi diliquia, ventris tormina, diarrhæam, aliaque his ſimilia ſymptomata propendeat, vix evitabit, ab aliquo paroxyſmorum jugulatum iri.

In tali caſu mox utatur Tinct. præced. cum Antiſcorbuticis, ſale volatili gaudentibus, ſic materia peccans brevi temporis ſpatio, leniter ad artus demandabitur, & ſi hoc non fiat, plurimorum Podagricorum numerus iis ſymptomatibus jam periit; quibus maxime familiaris eſt ventriculi debilitas, ac languor, cum ventris torminibus, tanquam à flatu, borborigmis, & ad vomitum valdè proclives ſunt, undè materia peccans, quæ ad artus amandari debuerat, in viſcera rejicitur, mox ſudor provocandus erit, methodo, & medicamentis, huic uſui deſtinatis.

Cum enim in præcedentibus dixi, quod horum morborum cauſa antecedens ſit abeſactata humorum indigeſtio, à caloris, & ſpirituum naturalium defectu orta.

Sed altera, quæ est causa continens, five humorum calor, & exæstuatio, ubi putredinem, tum etiam acredinem nacti sunt, à mora in corpore quam oportuerat diuturniore, quæ mora ab inconcoctione supra memorata pendet.

Et quia hæ causæ à se invicem toto cœlo discrepant, ut, quæ huic profunt remedia, alteri obsint, unde hic affectus ita curatu perdifficilis est; quia corporis habitus omnis alio traducendus est, atque homo quasi novo incude refingendus.

Quapropter medicamenta, in præcedentibus memorata, omni adhibita diligentia usurpanda sunt, ac ejus usum diu continuare debet, antequam Podagra, aut alii morbi chronici, radicitus extirpari, ac enervari possint, quod in uno, aut altero subjecto plurimum differt; nam humorum indigestiones sublatae, & calores, ac exæstuationes à mora in corpore diuturniore, quæ ab inconcoctione supra memorata dependent, maturari, ac eliminari debent.

Adeò, ut ex permagna affectuum varietate colligere liceat, non semper ab una singulari, & simplici causa proxima exoriri, ac dependere, sed à multiplici, pro subjectorum diversitate; & quia

Tinct.

Tinct. Min. Mart. Nativæ, tam varias naturales diversiones exerceat, ut nulli credere fas sit, nisi experto, quam varias, ac pugnantes uno tempore evacuationes provocaverit, quod vix ulla pharmaca nunquam potuerunt præstare.

Nam ab usu hujus Tinct. Mineræ Martis Nativæ, cum Antiscorbuticis aut aq. Spadanis, labefactatæ humorum indigestiones, ac calores, à spirituum naturalium defectu orti, mirum in modum temperantur, ac brevi temporis spatio, labefactatam chylosin eliminabit; ita, ut ventriculus cibos omnes, etsi concoctu difficillimos, facile ferre, ac concoquere possit, ac novam chylosin producere valeat, unde calores, & spirituum naturalium defectus, in pristinum sanitatis statum reduci queant.

Sed causam continentem, sive humorum calores, ac exæstuationes, ubi putredinem, tum etiam acredinem nacti sunt, à mora in corpore diuturniore, quæ ab inconcoctione supra memorata dependet, maturare, ac eliminare debemus.

Quapropter alvus semper servetur aperta, non per medicamenta purgantia, sive laxantia, undè calores, & exæstuationes promoveri possint, sed solo sale

Epsö-

Epsonis, qui præcedenti mixt. ex Spadanis & Antisc. cum Tinct. Min. Mart. Nativæ addi possunt, tanta in quantitate, ut alvus semper leniter laxa servari possit, sed non aliter, quam modo naturali.

Sicque brevi temporis spatio videbis, calores, exæstuationes, ac humorum putredines, atque acredines evanescere, liquefcere, ac per quascunque vias eliminari; unde sine dubio perfecta chylosis sequi debet; in qua tota morborum plerorumque chronicorum cura consistere videtur, uti sæpissimè plurimorum ægrotantium solatio expertus sum.

Hæc sunt viri Clarissimi, (Collegii Medici Amstelædamensis celeberrimi splendida lumina), quæ in scribendo hoc libello, brevissimo quantum potui stylo, licet rudiori, ac inusitato, nullis verborum lenociniis interspersis, VOBIS cum communicare volui.

Hosce, qualescunque conatus meos, æqui bonique consulatis, unicum est, quod rogo & expeto. Nam plurima digito quasi tetigi, variaque hos scopos respicientia silentio præterii, certus, multum differre ab universali, & latè diffuso scribendi genere. Sed quia descripta materies, tantis variationibus, tantisque in-

innumeris symptomatibus stipata est, ut sine exitu videatur, facile in maximum Volumen extendi potuisset; sed OHE! jam satis est, quapropter hisce inponimus finem.

In præcedentibus modo vidistis, Viri Clarissimi, Inspectores COLLEGII MEDICI dignissimi, quid non Antiquitas in enervanda COLICA PICTONICA simili peregerit; jam ex sequentibus videre potestis, quantos labores Excellent. Vir, D. D. HENRICUS VAN BRONKHORST, MED. DOCTOR, ac Practicus apud Amstelædamenses celeberrimus, non impenderit ad hunc morbum tam atrocem enervandum, quamquam incassum, omnibus tentatis remediis, uti patet ex sequentibus literis consultatoriis, mihi traditis à viro vitæ integro, ac probitate conspicuo, D. HIERONIMO DE BOSCH, Pharmacopœo peritissimo, COLLEGII MEDICI Inspectorum Amstelædamensium celeberrimi membro dignissimo; cujus pertuasu sequentem Historiam annectere licuit.

190 DE PODAGRA, ET COLICA
HISTORIA *brevis pertinacissimi morbi Nobilissimi
Amplissimique Viri, ad Solertissimum Doctissimum-
que Virum, H. BOERHAVIUM.*

Vir Nobilissimus Amplissimusque dolore jam aliquot ab annis Colico & Hypochondriorum compressivo, flatuoso cum anxietatibus vix enarrabilibus, circa abdomen, lumbos & latus, præcipue dextrum sese extendentibus, fuit infestatus, modò (sed rarius) cum vomitu vel vomituriendi levi conatu conjunctis. Hæmorrhoides multis ab annis copiosissime fluxerunt, ad notabilem virium nonnunquam dejectionem.

Urina varia, heterogenea, catochymica, scorbutica, ex obscuro rubicunda, instar Spleneticorum, Icterus nigrum quasi præ se ferens.

Quibus si adjungatur temperamentum, curæ magnæ protractæ, indefessæ circa res agendas, seriæque quævis meditationes, commotiones animi vix evitabiles, &c.

Judicavimus præcipuam morbi sedem positam, (consumptis sc. sanguinis humorumque partibus fluidioribus spirituosioribusque), in tardo sanguinis minus defæcati motu, per vias & viscera elaborandæ bili inservientia, vel in obstructione, stagnatione &c. unde ad hepar sese sistens, Bilis generationis, secretionis, excretionis, circulationisque, nec non ipsius actionis tam necessariæ inversæ & impeditæ produxit ansam.

An calculus in vesica fellea insuper lateat, ex crebrâ recidivarum tot ab annis inopinatò redeuntium pertinacia, potius suspicandum quam determinandum est.

Sufficit enim bilis inefficacia & torpor, vel impedita, ut jam dictum est, generatio, secretio & excretio, vel actio.

Cui tam difficili atrocique malo ut quantum potest succurreretur, varia variis in temporibus applicata fuere remedia.

Ut enemata, purgantia, demulcentia, carminantia, anodyna, fots, emplastra, linimenta abdomini

mini applicata, V. S. in pede, sed absque notabili successu. Mixture variæ anticolicæ, contractionesque viscerum spasmodicas impediens. Decoctum flor. chamomill. sem. dauci, fœniculi, cortic. aurant. & sim. Pilul. ex gumm. marte aperiente, pulv. Marchionis, sapone, croco & bals. peruvian.

Interposito balsamo Antinephritico albo, in Amstelodamensi Pharmacopœa descripto, ubi aliquid sese nephritici offerebat.

Extracta varia inspissata, ut chelidonii majoris, fumaris, taraxici, additis antispasmodicis, cum floribus salis Ammoniac. Chalybeatis, inter quæ extractum stomachicum & uterinum excelluit, cujus descriptio hæc est.

R. Summit. Centaur. Minor.

Herb. Matricar.

Rad. Angelic. aa. ℥iij.

Gentian. ℥i℥.

Coq. cum s. q. aq. Coct. Colat. expressa evaporet, ad consistentiam conditi, addendo Balsam. Copayvæ ℥i℥. ol. macis stillat. gt. X. Salis nitri depurat. ℥ib.

M. F. S. A. Extractum.

Vina Medicata varia, chalybeata, carminantia, antiætherica.

Interpositis passim purgantibus ex pilulis Ruffi, Mithridat. cum specie hieræ & similibus, non omisso tamen Rheo.

Aquæ Spadanenses pro potu ordinario tempore æstivo cum Vino sunt continuata.

Tandem succi expressi antiætherici, antiscorbatici sunt exhibiti, sed absque successu.

Quæ quidem ita enarrata cum in finem sunt descripta, ut vestro ulterius sagacissimo prudentissimoque subiciantur judicio, addendo, demendo, corrigendo pro re nata, prout placuerit, nec non excogitando, quæ in reconvalescentiam amplissimi multisque de nominibus mihi venerandi Viri, si non plenariam, saltem ulteriorem sint profutura.

Amstelod. 20.

Totus Tuus

May. 1728.

H. V. BRONKHORST.

INDEX MORBORUM.

D E Dolore COLICO, SCORBUTICO <i>simili, per sex annos durante, subito in</i> <i>Podagram mutato.</i>	Fol. II
De Dolore COLICO-SCORBUTICO, per <i>quinque annos durante, in Podagram mu-</i> <i>tato.</i>	25
De Dolore COLICO-SCORBUTICO, in <i>Atrophiam mutato.</i>	29
De Dolore COLICO, SCORBUTICO si- <i>mili, in Hydropem Anasarcam mutato.</i>	30
De PODAGRA inveterata.	33
De PODAGRA pulmonum lobes obsidente.	42
Epistola, ad D. D. HENRICUM VAN BRONKHORST.	45
— THEOD. VAN ZELST.	48
— HENR. VAN BRONKHORST.	52
De COLICA PICTONUM, SCORBUTI- <i>CÆ simili.</i>	69
De SCORBUTO.	99
De PODAGRA ET ARTHRITIDE.	140
HISTORIA Colicæ Scorbuticæ.	190

TINCT. MIN. MART. NATIVÆ.

R. MIN MART. NAT. propè Slangen-
burgum (in Gelria) effusiæ. Libr. xvi.
SAL. TART. opt. calc.
SPADAN. ex fonte Pouhontio, leniter
in saleem evaporat. aa. Libr. iß.
TART. Rhenan. Electissim.
— Italici rubr. aa Libr. ij.
M. F. Omnium pulv. subt.
Præparationem hujus Tinct. vide fol. 157.

158. 159

FINIS.



